

ATET PA'YESA JESÚS PUEYCHRESHA' LOS HECHOS

*Atet otnerranet Jesús huapanetcha' Parets
Puecamquëñ*

¹ Te'pa' masheñe Teófilo, nequellcoṭpa' o'ch neserrpare'taterrperr po'pocheño. Ahuaña ñeñt̃ nequellconañ all neñotataṭ ora allpon atet pe't̃ Jesús allempo añe patsro'tsenmeñ. Ñaña ora allpon yeḥate't̃ Jesús, ñeñtpa'cho' o' notuaṭ nequellcoṭ. ² Tarraña allempoteñ a'terr pue'ntañopa' palltena o'ch notaṭ ñaña. Te' añ nequellcoṭpa' o'ch notaṭ. Tarraña ama't̃ allempo ama a'terra' Jesúspa' añña ñeñt̃ pueyochresha'pa' o' otuanet atetcha' pet. E'ñe Parets Puecamquëñoṭpa' o' llesensa'huanerran pueyochresha' ñeñt̃ acra' ña. ³ Ama't̃ pomueroḥteñoṭ o' rromua ahuaña, allempoñapa' o' orrterrana pueyochresha' e'ñe beṭnaṭoṭ. Ñeñto'marña ñetpa' eñochet e'ñe po'ñoḥ añpa' ñeñtara Jesús ñeñt̃ rromats ahuaña. Tarro'mar pa'tatsoch ḥarramatnerr atto orrtame'tnerranet mamesha'tets. Ñaña ḥocma eñchete't̃ allame'tets. Allempoña ñapa' a'potanet atet penaña Parets po'cohuenña atto ayochresha'ttena ña.

⁴ Allempo allo'tsenet e'ñe parro epuet pueyochresha'pa' atet otanet:

—Amach erra setatsto arroṭ, allasach arma Jerusaléño. O'ch secueñ esempoch ḥaponasa

ñeññ Parets Puecamquëñ. Tarro'mar Paretspa' o' otuas o'ch mueñonas Puecamquëñ. Ñeñto'mar napa' o' na'potuonas Parets po'ñoñ ahuaña. ⁵ Allempopa' añña ñeññ notuas: Juanaña' añoña apate't oño, tarraña na tsapañone'tpa' añcha'ña nechorrasa Parets Puecamquëñ. Aña' allohua atet ot Jesús.

⁶ Po'pocheño all apchenet aspeno pa'so'cheñ Olivopen. Pueyochresha'ña' atet a'p'to'chet Jesús:

—Te'pa' Partseshacha' ñato' pocte' penteñ o'ch ðapaterrey ñeññey israelneshay yepatseñ. Allochña' amach esesha' poñeña yeyore'tame'tenaye.

⁷ Jesúsña' atet otanet:

—Ñeññ socoppa' ama pocteyaye o'ch señoç. Aña Yompor po'partsoteño' e'ñe eñoñueñ. Ñapa' o' ne' allempoch etsotueria ora allohuen añeçno.

⁸ Jesús'pa' alla otterraneterr:

—Aña pocte' o'ch señoç, ñerra'm esempoch huaponasa Parets Puecamquëñ sesho, ñach ahua-mencat sepose'. Allempopa' sa'poñoncha' neñoñ erraparen —Jerusaléno, ñaña ora Judeo, ñaña Samario, ñaña ora allohuanen pats.

Arrpa' atet perra Jesús allempo a'terr pue'ntaño

⁹ Ñeña otuanenanetpa' allempoña'pa' a'tenochayo' enone't. Aña pueyochresha' pocuanrrorteño'etpa' o' ma'natena oso. O'huañ orrta, ama't mamesha. ¹⁰ Ama't allempo o'huañ orrta Jesús, ñetpa' allo' cohuanrrortenet enone't allenet o' chenca'huanena Jesús. Allempoña'pa' cohuerretset patsonetpa' alla entet epsheña yacma

o' tomcha'toset e'ñe parro. Pa'shtamuetpa' nanaco' huallama'tareret. ¹¹ Ñetñapa' atet otosanet:

—Esuañaca' galileo'marneshacha' secuanr-rortenña enonet. Añ Jesús ñeñt o' a'terr entopa' huerrerrcha' po'pocheño atet senteñ o' ahuerrento.

¹² Allempoña o' a'ten Jesúsapa' añña pueyochresha'pa' o' ahuanerret alla Jerusaléño. O' onacherret Olivopnot allot a'terr Jesús. Tarro'mar ñeñt aspenet Olivopenpa' allame'ttso'tsena Jerusaléño, Olivopnotpa' ñato' allo'tsente' paterr kilómetro attoch yechap Jerusaléño.

¹³ O'ña chacherret anetso Jerusaléño all pocollo allecma a'puenetpa' o' be'toscha'tuerret, a'tapuet eno all tama a'yohuen bat. Allñapa' apchet allohuenet. Ñeñt apchatsa ñeñtpa' añechno: Pedro, ñaña Jacobo*, ñaña Juan, ñaña Andrés, ñaña Felipe, ñaña Tomás, ñaña Bartolomé, ñaña Mateo, ñaña Jacobo ñeñt Alfeo puechemer, ñaña Simón ñeñt cananistanesha' ñeñt atarr torratset pa'netsrecop, ñaña allo'tsen Judas ñeñt Jacobo pa'mo'nasheñ. ¹⁴ Allña apchenetpa' e'ñe ñeñta netet pueyochohuen ñoñets. Allotpa' e'ñe poma'yochreño'tet cohuenpa' chocma ma'yochete't. Allo'tsen ñaña coyanesha'chno, ama't Jesús pachor María, ñaña pa'mo'nasheñnesha' allo'tsenet ñamet.

Ate't pa' Jesús puellsensarnesha' allempo net Matías ñeñtcha' epuet a'potoñet Yompor po'ñoñ

* **1:13** Jacobopa' ñeñtara ñeñt sochenet Santiago.

15 Parrochña Pedropa' o' tomos o'ch serrpare'tatanet. Allempopa' ñato' allo'tsente' ciento veinte acheñenesha'. Allempoñapa' otanet:

16 —O'ch masheñneshacha' notas: Po'ñoçh o' etsotua Yompor po'ñoñ ñeñt anaret ahuatoteñ. Tarro'mar Parets Puecamquëñoñ eñose't David. Ama't ahuatpa' ote't David atetcha' pa Judasoñ ñeñt anmue' ñeñt rromue' Jesús. Ñehua, pocte'ñaçho' o'ch etsota Yompor po'ñoñ.

17 Judasoña' ahuaña allempo allo'tseney e'ne parro ñapa'çho'ña acreña Jesús o'ch pueyochresha' pe'. 18-19 Ñehua, Judasoña' tsa'chet allpon quelle atto poman Jesús. Tarraña ñeñt quellepa' allo rañtet pats. Tarraña allempo shora'nom Judasoñ çhap patsopa' potsa'nmos pa't, o' yo'pahua ora. Allempoña e'mare'ch allohuen jerusaléño'marnesha' atto Judasoña' o' rroma. Añña pats ñeñt rañtet Judasoñ po'çllayoro'tpa' o' sochet Acéldama. Añ ñoñets ñeñt otenet Acéldama ya yeñoño yoteñ Errasatsotnanen. 20 Añña ñeñt quellquë't ahuat David ñeñtpa' anuaretta añ libro Salmos. Añña ñeñt atet oteney:

All yeçhena, puenasepa'ch amarat, all amach eseshaye' yeçhatstatso. Ñeñt po'taruas pa' attoch sherbaneñ Yomporpa' tarraña ñeñtpa' apanepa'ch po'psheñeñ. Atet oten añ libro Salmos.

21-22 Alla oterraneterr Pedro:

—Ñeñto'mar te'pa' añ poctetsa o'ch ye'ñ po'psheñeñ ñeñtcha' parro ya'pota atto Jesús pa' o' tanterra. O'ch ye'ner puesheñarr

ñeññ čhocma parro yechopeñe'che't ahuaña allempo arro'tsenmeñ Yepartseshar Jesús. O'ch ye'ner puesheñarr ñeññ čhocma yoctaye't ama't allempoteñ Juanañpa' apatapan Jesús tarremphua allempo a'terr Jesús.

²³ Allempoñapa' o' neñet epsheña, puesheñarr añ pa'so'cheñ José Justo, ñeññara José oteñet ñaña Barsabás. Po'psheñeñpa' añ pa'so'cheñ Matías. ²⁴ Allempoñapa' o' ma'yochet. Puema'yocheñoťetpa' atet otet:

—Yompore, ñeñteř entene' allohueney yeyočer. Te'pa' o'ch peñotatey erra'tsente' pemnen řa ñeññcha' ello alla sherberrets řocop atet ñerra'm pellsensar. ²⁵ Judasoñpa' o' sa'nmuey o' ahuo' all ñeññ o'patatarettena ña e'ñe ña po'chñaroť.

²⁶ Allempoñapa' yellsheñe'chet e'ñe ñet po'suertot attoch eñochet erra'tsente' muenenña Yompor ñeññcha' alla sherberrayerr. Allempoña yellsheñe'chenet aña orrtatsa Matías ñeññepa't muenenña Yompor. Allempoteñ Matíaspa' ahuo' aguēñ po'poñečno ñeññ čharrasheña puechetsa paterr ñeññ puellsensar Jesús.

2

Allempo čhapanet Parets Puecamquēñ

¹ Allempoñapa' o' meterrerr allponmat amnaroch čharramat, o' čhap allempo coshena judionesha' ñeññ otenet Pentecostepo. Allempoña ñetpa' alla apčherreterr e'ñe parro ñeññtet ame'ñetset. ² Allempoñapa' machayoťa e'mapuet atet ñerra'm huomenquēsha' ma'more'tos

entot. Allohuenet ñeñt̃ allo'tsa'yen pocollo e'ñe e'mhuet. ³ Añña ñeñtet apchetsetpa' o' huapanet atet ñerra'm tso'. Huapapa' cha chapa'rrtosa po'huorter ñesheto. Chapyesanet e'ñe puesheña'ttsocmuet atet ñerra'm huorte'. Añña huorte'pa' alla a'prra'ta ñesheto. ⁴ Añña ñeñt̃ chapyesahuet e'ñe puesheña'ttsocmuetpa' añepa't Parets Puecamquẽñ ñeñt̃cha' chorrahuet. Allempoñapa' allorocma eñosyaset po'poñ ñoñtso ñeñt̃ ama eñosete'te ahuaña. Añña Parets Puecamquẽñpa' ahuo' eñoratyasanet po'poñe'ttsohma attoch serrpare'tachet pa'namen acheñ e'ñe ñet po'ñoñeto.

⁵ Allempo Jerusaléñopa' allo'tsa'yen shonte' judionesha' ñeñt̃ huachetsa pa'namen anetsot. Ñetpa' cohuen cotape'chete't Partsocop. ⁶ Allempoña e'marettet cha ano'tenetpa' o' matrra'tosa shonte' pa'namen acheñenesha' o'ch enteñeta' ñeñt̃ ano'tatsets. Chapuet all ano'tatsenetpa' o' entoset ñeñt̃ ame'ñetsapa' año eñosyenet e'ñe ñet po'ñoñeto. Allempoñapa' atta cohuanrrortoset. ⁷ Puemoññe'teñoftetpa' atet otyeset:

—Ta', errotenote'ca' e'myennayetña yeñoñ. Yapa' yeñotenanet ñetpa' galileo'marnesheta. ⁸ Ama't po'poñ ñeñt̃ yenyoma' ñoñetspa' e'mueñet. Allohueneypa' o' e'ñe ye'myes atet eñosyenet e'ñe cohuen yeñoñ.

⁹ Allempopa' alla otanna'tyerretterr:

—Yapa' yeñen po'poñe'ttsohma ñoñets tarro'mar yapa' pa'namen anetsot yehuena. Allo't anetsro't

yehuapyena ñeñt̃pa' pa'namen pa'so'chñečno—
 ama't Partiot ñaña Mediot ñaña Elamot ñaña
 Mesopotamiot, Judeot, Capadociot, Pontot, Asiot,
¹⁰ Frigiot, Panfiliot, Egiptot ñaña Africo'marot,
 alla allame'tets Cireneo. Ñaña ñeñt̃ huetsa Ro-
 mot ñeñt̃ chocma a'puetsa arr. ¹¹ Ama't ñaña
 judionesha' shonte', ñaña ama't ñeñt̃ ame'ñaten
 judionesha'. Ñaña ñeñt̃ huetsa Cretot ñaña Ara-
 biot. Ya te'pa' o' e'ñe ye'myes e'ñe yocma yeñoño
 atet aye'chochtateññañet Parets po'cohuenña e'ñe
 yeñoño.

¹² Otanna'tyerretterr alla:

—Ta'm, ñetpa' errotenette'ca'yete'. Yapa' ama't
 ahua'tapa' ama yentareña galileo'marnesha'pa'
 o'ch eñosyesña e'ñe cohuen yeñoño. Ta', esocopte'.

¹³ Añña po'potantañ acheñenesha'pa' o'
 achm̃are'tanet atet otarettet:

—Tarro'mar ottenetña' choca'ye posa'tyenet.

Atto Pedropa' serrpare'tatan acheñenesha'

¹⁴ Añña Pedropa' tanta o' tom e'ñe alla epuet
 po'poñečno yochreshats. Eñora huomenc,
 otanet:

—Masheñe judioneshacha' ñaña allohuenes
 ñeñtes arro'tsenes Jerusaléño, te' o'ch notas:
 Se'mñnoten o'ch neñotatas attot atet yepena ya.

¹⁵ Yapa' ama yeposañoŕeye' o' yo'nota'psa'mueno
 atet soteney sa, tarro'mar ama choye' o' yarepeno
 orrats. ¹⁶ Añña ñeñt̃ sentyen te' ñeñt̃pa' añ o' etsota
 ñeñt̃ atet ote't Joel ñeñt̃ a'mtaye't Yompor po'ñoñ
 ahua't. Añña ñeñt̃ quellquë't ahua't Joel:

¹⁷ Añ atet oteney Yompor: Allempoch
 mellapoterrmocha, atetcha' perra, o'ch
 nenanet Necamquëñ pueyo'chreto,

allohuen arromñañenesha' o'ch
 nechorratanet Necamquëñ. Añña
 penñreneñpa' ñetcha' a'po'terret neñoñ
 ñeñtcha' neñotatuanet, ama't ñaña
 coyanesha'chno a'po'ternancha' neñoñ.
 Añña ñeñt huepueshare' chocmach
 es norrtatyesanet ñeñtcha' entyesonet
 neshot. Añña ñeñt po'nmeneshare'pa' es
 norrtatyesanetcha' puechopoñeto.

18 Ama't allohuen ñeñt nesherbene', ñaña ama't
 coyanesha'chno nenuanetcha' Necamquëñ
 pueyo'chreto attoch a'po'tonet neñoñ.

19 Allempoña enopa' o'ch nentatyesanet ñeñt
 ama't ahuatapa' ama puentareto. Pat-
 sopa'cho'ña o'ch norrtatyesanet ñeñtcha'
 eñotaterrahuet. Quellareñtso'tpa' norrtatcha'
 errasats. Puetomamñsanna'teñotet
 pa'netserpa' orrterrach tso' erracmañen,
 chepoterrcha' amos ñaña erraparen.

20 Ama't ñeñt ye'choyo'tamñene' te' allempopa'
 puenaserrach checmete'. Arrorrrpa'cho'ña
 allempopa' tsama'tterrach atet
 ñerra'mrrate' errasats. Atetcha'
 yoro'chterra allempoch huerrmocha
 Yompor.

21 Allempopa' ama't erra'tsena chore'te' Yompor
 pueyo'chrocmañen attoch a'queshpachpa',
 Yomporñapa' a'queshpatanetcha'. Arrpa'
 allohua atet quellquë't ahuat Joel.

22 Añpa' ñeñtara alla o'terraneterr Pedro:

—O'ch masheñe judioneshacha' noterrser:
 Sapa' seño'teñ ahuañapa' orrte't Jesús ñeñt
 nazareto'marnesha'. Ñapa' chocma orrtatonase't

po'partsoteña, ñaña chocma orrtatyesonase't ñeñt ama sentare ñeñtcha' señotate' ñapa'cho'ña nanac Parets. Pompör apuene'ña po'partsoña attoch señoñoñ Puechemer ña nanac Parets. ²³ Añña ñeñtara Jesús sañapa' o' sepomhuer attoch corso'tam̄pset. Sañapa' o' sañ po'poñ acheñenesha' ñeñt atpare'tene' Yompör attoch ñetpa' o'ch muetset. Atet o' señoña, Yompörpa' ahuañoteñ eñotuase't atetcha' seña, tarro'mar atet muene't ña. ²⁴ Tarraña ama't rromuapa' Pompörpa' o' alla tantater. Tarro'mar amate' erroteno te'pa' alla a'po rromue'. ²⁵ Ama't atet ote't David ahuañ, atet ñerra'm Jesús eñoratse't. Atet ote't:

Napa' neñoteñ Nompör chocma allo'tsenen parro epan. Ñach nanac ahuañecat nepe' attoch amach nemcha'to.

²⁶ Ñeñto'marña nanac nocshena neyoçhro, nocsheshocma neñen. Ama't nerromapa' neñoteñ amach alla na'po rromue'.

²⁷ Napa' neñoteñ amach a'ypo'ñoño necamquëñ alla o'pono. Nompörpa' amach mueno o'ch puetsohua alla nechets tarro'mar ñapa' entenen e'ñe cohuenare' es nepen ñocop.

²⁸ Añcha'ña o'ch entaterren attoch yocrrerra e'ñe cohuen. Poparrocmateñoñ epan ñapa' ñach nocshaterre' nanac. Allohua atet ote't David ahuañ atet ñerra'm Jesús eñostse't.

²⁹ Allempopa' alla oterraneterr Pedro:

—O'ch masheñeshacha' noterrser, añ poctetsa e'ñe eñotochen o'ch notas: Yatañ David ahuañpa' rroma. Rromapa' pampuet. All pampuetpa' yenteñ ama't teme'ttsen. Ñeñto'mar yeñoteñ ahuañ allempo ote't añ ñoñetspa' ama añecpaye'

serrpare'te'te e'ñe ñocop, añecopña serrpare'te't Jesúsocop. ³⁰⁻³¹ Tarro'mar David ñapa' ña a'mtaye't ahuať Yompor po'ñoñ. Ñapa' e'ñe eñotue't atetcha' pa' ñeñtcha' Cristotats allempoch chap añe patsro. Ñeñto'mar ama't ahuaťoteñpa' eñose't atetcha' tanterra ñeñtcha' Cristotats. Pomporpa' amach a'ypo'ñano Puechemer o'pono. Amach muenatoñe o'ch puetsohua po'chets. Yomporpa' ama't ahuaťpa' atet otan David o'ch noñ puesheñarr po'mrenñoť ñeñtcha' añcha'tarettatsa esempo. Davidpa' eñotane't Yompor ñapa' ama pueno po'ñoñ. ³² Te'ña yapa' o' yeñch Yomporpa' o' tantaterran Puechemer Jesús. ³³ Te'ña ñapa' e'ñe allo'tsen epuet Pompor Parets all partsoten ento. Pomporpa' o' e'ñe aphue Puecamquëñ. Te'ñapa' añ ñeñtara Puecamquëñ o' chorratya yama atet otnerrey ahuaña. Ñeñto'marña o' orrtonaya atet sentyes ñorra', ñama atet se'myes cohuen ñoñets e'ñe sa señoño. ³⁴ Ñeñto'marña yeñoteñ ama añecpaye' serrpare'te'te David e'ñe ñocop, tarro'mar ñapa' rromapa' ama tanterro alloťpa' ama a'terro ento atet ñerra'm Jesús. Ñama po'pocheño ahuaťpa' eñose't David, atto' ote't:

Yompor Paretspa' atet otennan ñeñt e'ñe Nepartseshar nepen na (ñeñtara ñeñtcha' Cristoterrets): "Te'pa' o'ch pañorruerr arr necohuenroť allcha' pecohuentapreterrna.

³⁵ Attochña ama't ñeñt pe'moñe'tene' napa' o'ch e'ñe name'ñatuerranet allochñapa' o'ch atet perret ñeñt pemnen pa." Añpa' allohua atet ote't David ahuať.

³⁶ Allempoñapa' alla oterranneterr Pedro:

—Sapa' israelena'tares. Ñeñto'marña señoche'ch e'ñe eñotochen atto Yomporets o' nan Puechemer Jesús. Ñapa' ña Partseshatets, ñeñtara Cristotats. Añ ñeñt Jesús sañapa' o' secorso'tamñsach. Añpa' ñeñta allohua serrpare'tatanet Pedro.

³⁷ Allempoñapa' ñeñt matrra'tatsa allpa' o' çhapanet pueyoçhro añ ñoñets. Nanac llecarrortet. Ateñ ochet Pedro ñaña po'potantañeçhno Jesús puellsensar. E'ñe puellquëñoñet atet otet:

—Masheñneshacha', errotenuachca'ye yeperraña te'.

³⁸ Pedroñapa' atet otanet:

—Te'pa' aña poctetsa ñeñtcha' seperra allohuenes. Te' sellquëñoñ o'ch soctape'cherr ello cohuen Yomporecop. Allochñapa' Yomporpa' peretna'huerrnascha' so'chñar. E'ñe same'ñeñoñ Jesucristo añ pocte' te' o'ch sapataretterra Partsocop. Allochñapa' Paretspa' chorraterrsach Puecamquëñ. ³⁹ Ñeñtapa' pocte' atetcha' sepa, tarro'mar atet otnerrey Jesús o'ch chorratuerrya e'ñe puesheña'ttsoy Puecamquëñ, allohueney ñeñtfe' o' hua'ñerrey Yeyomporer Parets o'ch yame'ñera. Ñaña o'ch chorratuonasa ama't sa sechemerasha' Puecamquëñ, ñaña allohuen ama't ñeñt ellaçaro'tsa'yenet.

⁴⁰ Allempoñapa' o' alla serrpare'taterraneterr attoch otanet pa'namen ñoñets. Attoch co'tape'chatanetpa' atet otanet:

—Amach soctape'chatsto atet cotape'chen po'poñ acheñenesha' ñeñt ama ame'ñetso. Attotcha' sequesperrach.

⁴¹ Allempoña allohuen ñeñt ame'ñaya Pedro atet otanetpa' o' apatarettet. Allempopa' ñato' allpon ame'ñatsa ma'pa mil acheñenesha'. Cha shontena ñeñt ame'ñatsa. ⁴² Allempoteñ ñeñt ame'ñatsapa' e'ñe ma'yoçhrenet atet yeçhatanete't Jesús puellsensar. Nanac cohuen entanna'tete't allecma apçhete't parro. Pueyerpueñoŕet Jesús o' toma'ntatet pan atet ñerra'm Jesús po'chets. Nanac ma'yoçhete't e'ñe parro.

Atet corre't ahuaŕ ñeñt ame'ñatse't

⁴³ Ñeñt Jesús puellsensarpa' orrtatanete't shonte' pa'namen ñeñt ama puentareto, orrtatanete't partsoteñets attoch eñoçhet añmapa' Partsepa't. Ñeño'marña allohuen acheñenesha'pa' nanac mecha'na'tete't. ⁴⁴ Ñeñt ame'ñatsapa' çhocma apçhete't parro, pocsheñoŕ apanna'tyesete't ñeñt es palltatse't. ⁴⁵ O'ch venda'yesete't ñeñt echyenet ñaña allpon ñeñt o'patyesete't ñeñtpa'cho'ña venda'yesete't. Allpon gana'yesete'tpa' o'ch apanna'tyesete't ñerra'm esesha' es palltatse't. ⁴⁶ Paŕe'tets yetpa' o'ch ahuanenet e'ñe parro Parets pa'paclo. Errotenopa' pueyerpueñoŕet Jesús o'ch toma'ntachete't pan atet ñerra'm Jesús po'chets. Ñaña çhocmach rrallme'chapretanna'tete't pa'pacleto. E'ñe pocsheñeshet pueyoçhretopa' çhocmach rrallme'çhete't. Allempopa' nanac amuerañterret. ⁴⁷ Ñaña çhocmach aye'choçhtatoñete't Yompor. Allohuen

acheñenesha'pa' e'ñe cohuen entapretanete't ñeñt' atet' pete't. Pate'tets yet' Yomporotpa' chocmach ame'ñachete't po'poñechno acheñenesha'. Atteñapa' o'cha shonta ñeñt'cha' a'qeshpatarettatsa.

3

Atto Pedropa' a'crraterran ñeñt' echarrtetsa

¹ Pam'tarrpa' chap allempocma ma'yochenet Parets pa'paclo, atet' ñerra'm allempopa' ñato' o' ellerrenmoch. Pedroñapa' ahua' Parets pa'paclo epuet Juan, o'ch ma'yochoset all. ² O'ña chapuet allpa' a'taposet Parets pa'paclo. Allempoña a'tapmochet allpa', allempocma huapachet ñaña puesheñarr ñeñt' echarrtetsa pa'tcof, ama eshcaye' chope'cheno. Allempoteñ eñalleta ama chope'cheno. Chocmach pamo'tsesha'pa' o'ch aneñet allecma be'tenet Parets pa'paclo. O'ch na'nmet allotecma be'tosete't ñeñt' otete't Ama Macohueno. Allñapa' allcha' enamare'tyenan quelle ñeñt' be'tostse't Parets pa'paclo. ³ Ñeñt'ña echarrtetsapa' entapan Pedro epuet Juan. Ñetpa'cho'ña be'tosmochet Parets pa'paclo. Ñaña' enamapanet quelle. ⁴ Pedroñapa' alla o'chet cohue' epuet Juan. Allempoña Pedropa' atet' otan ñeñt' ama chope'chetso:

—Ñehua, pecua'y alla.

⁵ Ñeñt'ña echarrtetsapa' alla e'ñe cohuanet, ñapa' otapañte' o'ch apet quelle. ⁶ Tarraña Pedroñapa' atet' och:

—Napa' ama necheno quelle, tarraña ñeñt' nechenpa' ñeñt'cha'ña napañ. O'ch notañ, e'ñe po'partsoteñoť Jesucristo

ñeññ nazareto'marnesha' o'ch notaḡ,
pechope'cherrepa'.

⁷ Pedroñapa' chete' potot po'cohuenrotpa' o' echañch. Allempocma corra'huena pa'tcot, ama't all meya'nen yetacpa' o' corra'huena poctacma. ⁸ Corra'huetsa pa'tcotpa' pocsheñoṭpa' omacha enonet, o' ten e'ñe cohuen. Allempoñapa' chopeñe'chen. Ama't all chopeñe'chen omachme'tetsa all aye'chočhtatenan Yompor. Atteñapa' be'tos Parets pa'paclo epuet Pedro ñaña Juan. ⁹ Allohuen acheñenesha' ñeññ allo'tsa'yen, ñetpa'cho' enteñet atto pa'ye'chočhtateñesha' Yompor all chopeñe'chen. ¹⁰ Ñetpa' cheme'teñet añmapa' ñeññara ñeññ anorrtse't allotecma be'tosete't Parets pa'paclo, ñeññ otenet Ama Macohueno, allecma enamare'te't quelle. Ñetñapa' atfa cohuanrrorteñet.

*Atto Pedropa' serrpare'tatan acheñenesha'
Parets pa'paclo*

¹¹ Añña ñeññ correrrtsapa' ama a'rroyen enter-rano Pedro ñaña Juan. Allempoña all tomčhenet all oteñet Salomón Popellrraro. Acheñenesha' po'yorñoṭetpa' matrra'tet allo'tsen Pedro ñaña Juan ñaña ñeññ a'crraterr Pedro. ¹² Allempoña čhača'tet all tomčhenetpa', añña Pedropa' ota-panet, atet ot:

O'ch masheñe israelneshacha' notas, eso'marte' secuanrrorteneý. Čate' sotenapañ e'ñete' ya yehuamencot yechope'chater, amapa' čate' sotenapañ e'ñete' ya, ya'cohuentateñoṭ yechope'chater. Añmapa' ama atteyaye.

¹³ Añcha'ña o'ch notas: Añmapa' Yompor

orrtatene' ñeñt' o' sentua. Añña Yomporpa' ñeñtara Po'yomporer pe't ama't Abraham ñaña Isaac ñaña Jacob, ñaña allohuen yatañneshañ. Yomporpa' e'ñe pocte' eñch o'ch cohuentatan Puechemer Jesús. Ñeñto'marña o' orrtatonas ñeñt' o' sentua. Tarraña sa ñeñtara Jesúsapa' o' sepomhue. Ama't allempo Pilatopa' pocte' enteñeñ o'ch a'rroyereñ, tarraña sañapa' cha sa'nasotañpesya allohuenes. ¹⁴ Ama't ñeñt' nanac Parets, ñaña ama't ñeñt' e'ñe pocte' es pets, sañapa' cha sa'nasotañpesya. Allempo Pilatopa' ama't mueneñ o'ch a'rroyer, sañapa' aña sanamñ ñeñt' amtsañ ñeñt'cha' a'rroyonaset. ¹⁵ Ñañaapa' chaña semtsach ñeñt' alloch e'ñe yocrra. Tarraña ama't muetsetañpa' añña Pomporpa' o' alla tantater. Tarro'mar yapa' yeñoteñ yapa' yenter ama't allempo tantuerra. ¹⁶ Ya yeyemteñoñ e'ñe Jesús o' correrra ñeñt' ama chope'chetso ñorra'. Ama't sapa' señoñeñ atto ahuañapa' ama chope'che'te. Tarraña te'pa' o' senter o' chopeñe'cherr. Yapa' o' yame'ñera Jesús ñeñt' o' a'crratateran ñeñt' echarrtatset' ahuaña. Te'ña ama't sapa' o' sentuer allohuenes.

¹⁷ 'Te'ña masheñneshacha' napa' neñotenes ahuaña sapa' ama es seçhapoyo seyochro allempo semtsach Jesús. Ama't ñeñt' sa'mcha'tareternesha' ama es çapahueto pueyoçhreto ñamet. ¹⁸ Tarraña ñeñt' atet señoñhua te'pa' o' etsoterra Yompor po'ñoñ. Tarro'mar allohuen ñeñt' a'mtaye't Yompor po'ñoñpa' attecma otete't, ñeñt'cha' Cristotats Partsocoppa' mueroçhtachetcha' esempo. Ñeñto'marña te'pa' o' etsota Yompor

po'ñoñ ñeñt̃ aquellcaret̃. ¹⁹ Ñeñto'marña te'pa' añ poctetsa e'ñe sa sellquëñoñpa' o'ch soctape'cherr ello cohuen Yomporecop. O'ch sesuanom ñeñt̃ ahuatoteñ soctapña. Attotcha' Yomporpa' e'shohuerrnascha' so'chñar. ²⁰ Attochña separrocmateñoñ epas Yomporpa' socsherrach seyoçhro. Ñaña Yomporpa' o'ch alla mueñerrnaserr Cristo Jesús ñeñt̃ anarettatsa ñaña socop. ²¹ Tarraña te'pa' e'ñe pocte' allach pue'ntaño tarrempohua esempohuañencha' a'poctataretetua ora allohuen ñeñt̃ atet̃ eñose't̃ Yompor ahua't̃. Ama't̃ ahua't̃ Yomporpa' eñorana'tane't̃ acheñ ñeñt̃ e'ñe pocte' ente't̃ Parets ñeñt̃cha' a'mte' po'ñoñ, ñeñt̃cha' etsoterrtsa esempohuañen. ²² Añmapa' ñeñt̃ atet̃ ote't̃ ahua't̃ Moisés: “Yompor Paretspa' orrtatonascha' ñeñt̃cha' a'pote' po'ñoñ, ñeñt̃ara sa samo'tsna'tarot̃pa' orrtatonascha', atet̃ ñerra'm na, Yomporpa' o' orrtaterren na namo'tsna'tarneshacop. Tarraña socoppa' añ poctetsa çhocmach se'mñoter errotencha' oterres. ²³ Tarraña ñerra'm esesha' amach e'mñoterraye ñeñt̃cha' orrterrtsa, ñeñt̃ña acheñerpa' ahuo'ch a'chencataretterrach. Pamo'tsesha'ña israelnesha'pa' amach allo'na entneñeto.” Añpa' allohua atet̃ ote't̃ Moisés ahua't̃.

²⁴ Alla oterrerr Pedro:

—Ama't̃ allohuen ñeñt̃ a'mtaye't̃ Yompor po'ñoñ ahua't̃pa', eñosete't̃ ñeñt̃ o' etsotuerra te'. Ama't̃ Samuel ñeñt̃ a'mtaye't̃ Yompor po'ñoñ ahua't̃, ñaña allohuen ñeñt̃ allempoteñ a'mtaye't̃ Yompor po'ñoñ, añña eñosete't̃ ñeñt̃ o'

etsotuerra te'. ²⁵ Añña ñeñt a'ntaye't Yompor po'ñoñ ahuatpa' ñeñtara samo'tsna'tar sepe't ama't sa. Ate't Yompor a'pocatan ñoñets ahuat satañeshacoppa' añ ñeñtara ñoñets attecma a'pocatare'tta ñaña socop. Ate't ñerra'm ahuat ate't otan Yompor sato' Abraham: "Ñeñt puesheñarro't penrenño'tpa' norrtatanetcha' ñeñtcha' ama't allohuen pa'namen acheñenesha'pa' coshaprechetcha'." ²⁶ Yomporpa' o' orrtatonay Puechemer o' mueñonay ñeñtey judioneshay yanom. Allochñapa' ña o'ch coshaterrey nanac ate't ñerra'm allempo o' cotape'chaterrey e'ñe cohuen, ñaña allempoteñ o' yequechpa'huerr ñeñt ama pocteyaye Yomporecop.

4

Allempo anmet Pedro ñaña Juan allo'tsa'yen a'mcha'taretnesha'

¹ Allempoña serrpare'tatenanet Pedro epuet Juanpa' machayota hua'cha'toña a'mcha'taretnesha'. O' huapa cornanesha', huapa ñaña guardia pa'mcha'tareter ñeñt cohuanpene' Parets pa'paquell. O' huapoña ñaña saduceonesha' ñeñt otets e'ñe ñet pocta'pño'tpa' amach erro'teno't yetanterro. ² O' hua'cha'tetpa' cha e'moñe'toset, tarro'mar Pedro ñaña Juanpa' añ serrpare'tatenan acheñenesha' atto ñerra'm e'ñe yame'ñera Cristo ama't yerroma, yame'ñeño'tpa' yetanerrach. ³ Pa'tsrre'mueño'tetpa' o' arrmarettet epsheño'maret, abe'tarettet cárcel. Allempopa' o' ellerren ñeñto'marña tsapatach a'p'to'tyesarettet erro'teno'tte' serrpare'tenet

atet. ⁴ Tarraña ama't atet aḗarettetpa' añña ñeñt e'mue' atet serrpare'tatanetpa' shonte' ame'nyet. Allempoña ñeñt ame'ñetsa ahuaño huenpa' o' chap allempo amnaroch mil ñeñt ame'ñatsa.

⁵ Tsapañña' o' apcha amcha'taretnesha' ama't ñaña ñeñt pompornesha' penet ama't ñaña ñeñt etsotene' ñoñets ñeñt atet anaret. Ñeñtpa' arr apchet e'ñe alla Jerusaléño. ⁶ Allempopa' allo'tsen ñaña cornesha' ñeñt nanac amcha'taretnesha' ñeñt pa'so'cheñ Anás. Allo'tsen ñaña Caifás, ñaña Juan, ñaña Alejandro ñaña po'poñechno amcha'taretnesha' ñeñt e'ñe pamo'tsna'tarecma cornesha' ñeñt nanac amcha'taret. ⁷ Allempoña e'ñe apcha'huetpa' huapachet Pedro ñaña Juan e'ñe all apchena amcha'taretnesha'. Allempoñapa' a'ḗto'tarettet epsheño'maret. Ateḗ otanet amcha'taret:

—Sapa' ¿esesho'tña po'huamencot o' sa'crraterña acheñ? ¿Esesha'tña sapuene'ña llesens attoḗ atet sepena?

⁸ Allempoña Pedro e'ñe ahuamencat puepeñoḗ Parets Puecamquëñpa' atet otanet:

—Amcha'taretneshacha' ñaña ñeñtes pompornesha' penet, te'pa' o'ch notas: ⁹ Sapa' atto sa'ḗto'teney errotenette' o' yeḗa ya cohuen añecop ñeñt muerochtetsa, ñaña atto sa'ḗto'teney errotenotte' o' ya'crrater, ¹⁰ ñehua, te'pa' o'ch se'mñoten attoch neñotatas sa ama't ñaña allohuen israelnesha'. E'ñe añ Jesucristo ñeñt nazareto'marnesha', ñeñtña ña po'huamencot te'pa' arr ten e'ñe huomech, ñeñt ahuaña cha echartena. Añ ñeñtara Jesús sañapa' chaña secorso'tamḗpes attoch rroma. Tarraña Pomporpa'

o' tantater ama't rroma. ¹¹ Sapa' čha sottena atet ñerra'm acheñ ñeñt' tomatene' pocoll. Ñeñtña acheñ ñeñt' tomatene' pocollpa' čha huapore'tan mapue' ñeñt' nanac sherbets, tarro'mar ama es chapahueto pueyočhro. Tarraña Jesús pa' ama't atteñ ñerra'm mapue' ñeñt' ahupore'taret ñeñtara Jesús ñeñtña nanac sherbets atet ñerra'm mapue' alloch orratet pocoll nanac echarr. ¹² Po'psheñeñpa' ama eñalle alloch yequeshperra, tarro'mar ama eñalle po'psheñeñ ñeñt' anaret ñeñtcha' yečhore't attoch o'ch a'queshpatey. Ama't ora erracmañen aña patsro ama eñalle attoch yequeshperra, ñapñaña Jesús. Ñeñtpa' allohua atet otanet Pedro.

¹³ Añña Pedro ñaña Juanpa' ama pueñcha'nañoŕeye' eñoŕeto. Ama't mame-shapa' ama mecha'teneto. Allempoña añcha'taretečhnopa' o' eñochet ama pueñcha'nañoŕeye' eñenetopa' ñetpa' atet otet:

—Errotenoŕuaca'ye eñenetña atet. Yapa' yeñotenanet ñetpa' ama ayčhataretto attoch eñotet quelled huomenc. Ñetpa' atteta ñerra'm po'potantañ acheñenesha' ñeñt' ama tama es eñotetso. Errotenoŕuañaca'ye eñenetña atet ñerra'm ayčhataretet.

Allempoñapa' o' čhapanet pueyočhro atto Pedro ñaña Juanpa' ahuaña čhocma chopeñe'che't epuet Jesús. ¹⁴ Añña ñeñt' correrrtsapa' ñapa'čo' e'ñe alla ten allame'tets. Ñeñto'marña añcha'taretnesha'pa' ama errotenoŕ

che'ptare'taneto. ¹⁵ Allempoñapa' mueñerranet a'yenet. Allempoña añcha'taretnesha'pa'

serrpare'tatanna'tet e'ñe ñañeñeta. ¹⁶ Ateť otanna'tyeset:

—Errotenuachñaca' yeḡpanetña te'te'. Ama't arr ora Jerusaléñopa' o' e'ñe eñotuarettet atto ñetpa' orrtatet ñeññ ama't yapa' ama yentare. Ñeñfo'marña te' yapa' amach erroteno ya'nasochoña', e'ñe po'ñočh atet. ¹⁷ Tarraña ama'tcha' ama erroť yeḡpanetopa' te'pa' añ poctetsa o'ch yeche'ptare'tyesanet o'ch yotanet amach allo'na serrpare'tnenetoña ñeññ atet pena Jesús. Tarro'mar yapa' ama yemno allohuen acheñenesha' o'ch e'mare'taretetuet ñeññ atet penet te' ñet arr. O'ch yotanet ama't puesheñarra acheñ amach serrpare'tatatscheto.

¹⁸ Allempoñapa' alla agotaretterret. Ateť otarettapuerret e'ñe eche'čharro, atet otet:

—Te'pa' amach seserrpare'tatatsto ñeññ atet pena Jesús, ama't e'ñe mamesha. Ñaña amach seyčhatatsto ama't mamesha atet yečhate'ť Jesús ahuaña.

¹⁹ Allempoña Pedro ñaña Juanpa' atet otanet:

—Ñehua, te'pa' o'ch soctape'ch sa, allotpa' o'ch sotey, erra'tsente' pocte' enten Yompor, ñato' o'ch yame'ñasa sa amapa' o'ch yame'ñya Yompor. ²⁰ Yapa' amach errotenot yemmo. Añña pocte' čhocmach ya'poťa ñeññ o' yentua ñaña ñeññ o' ye'mua.

²¹ Allempoñapa' atťa che'ptare'tuapuenanet po'pocheño, allotñapa' arroyarettenet. Ancha'taretnesha'pa' ama't mueneñetañ o'ch castiganetañpa' tarraña ama erroteno, tarro'mar allohuen acheñenesha'pa' e'ñe pocte' enteñet.

Acheñenesha'pa' nanac aye'choçhtatoñet Yompor añecop ñeñt' o' entuet atto Yompor orrtatanet po'partsoña. ²² Tarro'mar añ yacma ñeñt' o' correrrapa' ñapa' o' pa'tatsoch çharra' po'charña.

Ñeñt' ame'ñetsapa' atet pet allempo enamet Yompor po'huamenc

²³ Allempoña a'rroyeret Pedro ñaña Juanpa' ahuanmuet allo'tsen ñeñt' parro ame'ñenet. Allempoña çhapuet allpa' serrpare'tatosanet atet otanet ñeñt' pa'mcha'tareternesha' pen allohuen judionesha' po'cornaneshar ñaña ñeñt' pompornesha' penet. ²⁴ Allempoña serrpare'tatuosetpa' ñetña allohuenet parropa' o' ma'yocheret Yompor. Puema'yocheno'tpa' atet otet:

—Yompore, ñeñteṑ nanac Partsoṑ, ṑa ñeñteṑ yeçhcatue' enet ñaña ama't añ pats, ñaña ora erracmañen sa'p ṑa yeçhcatue', ñaña ama't ora esocmañen ñeñt' yentyen e'ñe alla e'ñe ṑocma peyeçhcatuar. ²⁵ Ahuaṑ yatañ Davidpa' nanac sherbape't. E'ñe Pecamquëño't pe'ñorache't, ñeñto'mar atet ote't ña ahuaṑ:

Errotenote' atsrre'muenaña po'poñ acheñenesha' ñeñt' ama' ame'ñetso. Errotenote' o'pateñetña ama't Parets, ñeñtpa' e'ñe orrena atet penet.

²⁶ Ñeñt' añcha'tarettetsa arr patsro ñetpa' apçhet attoch o'pachet Yompor, o'pachet ñaña ñeñt' llesensa' ñeñt'ara Cristo. Añpa' allohua atet ote't David ahuaṑ.

²⁷⁻²⁸ Alla ma'yochereterr Yompor, atet oterreterr:

—Ñeñño'marña te'pa' po'ñoçh o' etsota atto arr Jerusaléño o' apçhet attoch o'patonapet Pechemer Jesús ama't ñeññ e'ñe cohuen Parets penten ãa, ñeñña Jesús ñeññ e'ñe cohuen pesherbaye't ñeññ e'ñe ðo pellsensar. Ate't ahua'toteñ e'ñe peñotuanete't ñetpa' o'ch etsotaterrnapet peñoñ ate't ñerra'm Herodes, ñaña Poncio Pilato, ñaña po'poñeçhno acheñ ñeññ ama ame'ñetso, ama't ñaña israelnesha'. Tarraña ñeññ ate't o'pachetpa' te'pa' o' etsotuerra peñoñ. ²⁹ Ama't te'pa' Yompore peñoteny ñetpa' nanac mueneñet o'ch yore'tame'tyets yaña. Te'pa' o'ch yenamaþ ahuamencat peþa'yepa'ch ñeññey torretsa þocop attoch amach yemcha'tatsto. E'ñepa'ch huomencocma yeserrpare'tonaþ peñoñ. ³⁰ Porrtatonayepa'ch pehuamenc attoch corra'huerra ñeññ atsna'tyets. E'ñe yeçhore'teñoñ Jesús þorrtatonayepa'ch pepartsoña, ñaña ñeññ ama yentare þorrtatanetcha' attoch eñoçhet þapa' ñeññeþ nanac Partsoþ—e'ñe yeçhore'teñoñ Pechemer Jesús, ñeññ e'ñe cohuen Parets penten ãa, ñeññ e'ñe cohuen pesherbene'. Aña' allohua ate't ma'yochet.

³¹ Allempoña ma'yochuetpa' allña apçhenetpa' o' pella ora all anorrçhenet. Allempocma allohuenetpa' o' chorraret Parets Puecamquëñ, attoch e'ñe huomencocma o'ch serrpare'toñet Yompor po'ñoñ.

Atto es apanna'tyesete't pame'ñeñoçtet Yompor

³² Allempoteñña ñet ñeññtet ame'ñatsete'tpa' o' parrocmatuet e'ñe cohuen. E'ñe parra coþaññats anmuete't pueyoçhreto ñeññ amuerañtetsa. Ama

eseshaye' otatse'te ñeñt'pa' ñapt'etach es o'patet, añña chocma apanna'tyesete't ñerra'm esesha' es palltatse't. ³³ Jesús puellsensarnesha'pa' e'ñe po'huamencocmañen a'potoñete't atto tanterra Yepartseshar Jesús. Yomporpa' nanac mueranete't, ñaña nanac ahuamencat' panete't. ³⁴ E'ñe ñeshetopa' ama esesha' es palltatse'te. Añña ñeñt' allpon echyesete't po'patseñ, amapa' pa'paquëllpa' o'ch venda'yesete't. Ñeñña allpon gana'yesete'tpa' o'ch huapachet ³⁵ allo'tsen allsensaret. Alloñapa' o'ch aposet ñeñt' allsensaret. Allsensareñña'pa' o'ch apa'yesan ñeñt' es palltatse't. ³⁶ Añpa' ñeñt' atet pe't puesheñarr añ pa'so'cheñ José, ñeñt' chipro'marnesha' ñaña ñeñt'ara levitana'tar. Añña ñeñt' allsensareñnesha'pa' o' socheret José Bernabé. Añña so'chñets Bernabépa' ñeñt' otets yeñoño amuerañana'tar. ³⁷ Ñaña'pa' echane't allpon pats. Allempoñapa' venda'huepa' o' huapatan allpon quelle ñeñt' ganapa' o' aposan ñeñt' allsensareñnesha'.

5

Atet pa Ananías epuet puetapor Safira

¹ Tarraña eñall po'psheñeñ ñeñt' atet patse't po'poñ, ñeñt'pa' añ pa'so'cheñ Ananías epuet puetapor ñeñt' pa'so'cheñ Safira. Añña Ananíaspa' o' vendan allpon po'patseñpa' ² o' huapatan quelle, aposan ñeñt' allsensaret. Tarraña ama oraye' huapatuano quelle chach shequënet. Tarro'mar ñet epuet puetaporpa' atet a'pochtachet o'ch yoret allpon quelle e'ñe ñocpuet. ³ Allempoña

aposan allsensaret ñeñt o' allponañma quellepa', Pedroñapa' atet och:

—Eso'mare't pemnateñ oneñeñ o'ch cotape'chatañ po'poñ peyoçhro. Papa' pemneñeñ o'ch peshquẽñ ama't Parets Puecamquẽñ atto ðapa' ahuo't peyorañ allpon quelle. ⁴ Ñeñt pepatseñpa' e'ñe po'ñoçh ñeñtpa' ðo. Tarraña ñerra'm ama ða muenatsñe o'ch pevendeñpa' ñeñtpa' e'ñe pocten. Ñaña ama'tcha' pevendeñpa' ñerra'm ama ða muenatsñe o'ch ðapyeñ ora allpon quelle ñeñt ðagappa', ñeñt e'ñe pocten ñaña. ¿Errotenote'ña ðoctape'chña atet peyoçhro? Ama yapteye' pemnenñe o'ch peshca'yeñ, Yompore'ñaña pemneñeñ o'ch peshquẽñ ñaña.

⁵ Allempoña Ananíaspa' ñeñta e'muapa' ataco'roche' e'ñe allpa' o' rroma. Añña po'potantañ acheñenesha' allempo e'mare'chetpa' nanac yorenet huomenc. ⁶ Añña yacmanesha' ñeñt po'nare'pa' o' huapuetpa' ñetñapa' eþatse'chet ñeñt rromats o' anmet a'yo all pampueñeta'.

⁷ Tematenpa' o' huapa ñaña puetapor ñeñt rromats. Ñapa' ama eñoteñe o'te' rroma puerrollar.

⁸ Allempo huapa Pedroñapa' o' a'þto'tañ:

—Ñehua, þoten, ¿po'ñoçhte' allpona quelle sagap allempo sevenda'hua sepatseñ?

Puetaporñapa' atet och:

—Allponaca'ye quelle ñeñt yagap.

⁹ Pedroñapa' atet otererr:

—Tarraña sapa' ahuo't sa'poctach epañ perrollareñ atetcha' seþa. Cha't sotapañ ñato' o'ch se-shquẽñ ñaña ama't Parets Puecamquẽñ. Pecue'

o' be'tos'cha'tuerrmoch ñeñt' o' pampa'huenna'pa' errte' perrollareñ. Papa'cho' attecmapa' anmapetcha' a'yo.

¹⁰ E'ñe allempocma pue'taporpa'cho'ña o'taco'ra ñaña e'ñe alla Pedresho, o' rroma ñaña. Allempo be'tos'cha'tuerr ñeñt' anmue' puerrollareñ, allña'pa' entuerrñañet pue'taporpa'cho'ña o' rroma. Ñapa'cho'ña anmetpa' o' pampueñeta' a'yo epuet puerrollareñ. ¹¹ Atarr mecha'na'tet allohuenet ñeñt' pame'ñeñoñ ap'chetsa, ama't allohuen ñeñt' e'mare'te'pa' cha yorenet nanac. Aña'pa' ñeñta allohua atet' pa Ananíasoñ.

Atto Jesús puellsensarnesha'pa' orrtatete't Yompor po'partsoña

¹² Añaña ñeñt' Jesús puellsensarpa' nanac orrtatete't Yompor po'partsoña, ama't ñeñt' acheñenesha'pa' ama puentare attoch eñochet añmapa' Partsepa't. Añaña ñeñt' parro ame'ñenetpa' arr ap'chenet all ochete't Salomón Popellrraro. ¹³ Po'potantañ acheñenesha' ama't e'ñe pocte' eñchete't ñeñt' ame'ñetsapa', allempoña ñet puen'chaño'tetpa' ama ap'cherreto parro. ¹⁴ Allempoña'pa' allo'na atonetnena po'poñe'chno acheñenesha' ñeñt' o' ame'ña. Shonte' o' ame'ñana Yompor, ama't coyanesha'chno ñaña yacmanesha'chno. ¹⁵ Añaña ñeñt' atсна'tyetspa' o' anmet a'yene't allecma chopeñe'chenet. Allña'pa' o' pa'panrra'tyesoset topantso, ñaña puesheña'tetspa' ñato' ora po'maye'na. Tarro'mar anmare'tetyeset allecma chopeñe'chenet allochña'pa' ñerra'm mache' huena Pedropa' esheccha' ama't pa'choyeshe'ma po'poma'mteña'pa' chapcha'

ñesheto, ñato' attotpa' o'ch correrret. ¹⁶ Ñaña ama't allampañoť Jerusaléñoťpa' huapatoñ acheñenesha' atsnañeťečhno ñaña ama't ñeñť chorrena oneñeť. Allochñapa' allohuenetpa' o'ch corra'huerret.

Allempo Pedro ñaña Juanpa' abe'tarettet cárcelo

¹⁷ Allempoñapa' ñeñť cornesha' ñeñť nanac amcha'tareťpa' e'moñe'tan allohuen ñeñť ame'ñetsa. Ñaña allohuen ñeñť parro e'ñe attecmet cotape'chenet ñeñť otenet saduceonesha'pa' o' e'moñe'chet ñeñť ame'ñetsa. Tarro'mar sope'chapretenetña', acheñenesha'pa' e'ñe cohuen enteñet ñeñť ame'ñetsa. ¹⁸ Allempoña allsensareťnesha'pa' rromueñetpa' o' abe'tarettet cárcelo e'ñe allecma abe'teñet acheñenesha'. ¹⁹ Tarraña ama't abe'tarettetpa' tsapoñapa' o' huapanet Yompor po'millañoťeñer ñeñť huetsa pue'ntañoť o' toram̄perranet, o' chapaterranet a'yenetpa' atet otanet:

²⁰ —Añ poctetsa o'ch ahues Parets pa'paclopa' o'ch satomos all o'ch seserrpare'tach allohuen acheñenesha' ora atet yocrrena etserra cohuen Partsocop.

²¹ Allempoña ñeñťa e'mhuetpa' e'ñe ahuatecma ahua'muenet Parets pa'paclo, o' be'toscha'toset, allña yečhata'muenet.

Añña ñeñť cornesha' ñeñť nanac amcha'tareťpa' o' čhapa'muen ñaña ellonet allotcha' agotatan amcha'tareťnesha'. O'ch čhapa'muen ñaña allohuen ñeñť cotene'. Allotcha' agotatan allohuen amcha'tareťnesha' ñeñť čhocma a'poctatyene' ñoñets ñeñť pompornesha' penet israelena'tarnesha'. O'ña čhačha'tuetpa' o'

serrpare'tatanna'tet attoch a'pochtachet atetcha' pet. Allempoñapa' o' agotachet ñeññ abe'tatenet cárcelo. ²² Tarraña allempoña chap cárcelo ñeññ mueñenetpa' ama es entosetoña cárcelo. O' puerrrerretpa' atet otueret añcha'tareñnesha':

²³ —Yapa' allempo yechap cárcelopa' o' yentos cárcel e'ñe pochtacma echarr ayottamñpsaret, ñaña ñeññ cohuanñpene'pa' alla tomchenet allot be'tenet. Tarraña allempoña toretpa', o'ponoñapa' ama esesha' eñalle ama't puesheñarra.

²⁴ Allempoña ñeñña e'mua añcha'tareñnesha' ñeññ po'cap'taner penet ñeññ cohuanñpene' Parets pa'paquell ñaña ñeññ pa'mcha'tareñnesha' pen allohuen judionesha' po'cornanesharpa' ñetñapa' atet otet:

—Esocopte'ca'ye o' cha'nmaçhenette'. Te'pa' errotuancha' pette' tsapatonet.

²⁵ Allempoñapa' huapa puesheñarr atet otosanet:

—Añña ñeññ sabe'tat ellerro cárcelopa' te'ñapa' alla tomchenet Parets pa'paclo yeçhatetset all.

²⁶ Allempoña añña capitán ñaña ñeññcha' yepue'pa' o' ahuanmuet allo'tsen allsensareñnesha'. O'ña chapueta'pa' o' ahuananeta' e'ñe cohuenacma. Tarraña ama erro't paneto tarro'mar capitánpa' cha mecha'tenan acheñenesha'. Ñato' cho'te' rrolle'chet. ²⁷ O'ña chapaterranetpa' nosanet e'ñe allo'tsa'yen ñeññ chocma a'pochtatyene' ñoñets. Añña cornesha' ñeññ nanac añcha'tare'tpa' atet otanet:

²⁸ —Ahuañapa' ama't e'ñe eche'charro yotuas amach seserrpare'tatsterrero ñeññ poçta'ña Jesús. Tarraña sapa' ahuo't alla

seserrpare'tatuerrerr ñeñt̃ so soctaṗña. Ama't allohuen ñeñt̃ yeçhetsa arr Jerusaléño o' alla seserrpare'tatuerrerr. Te'ñapa' allo' seyohuerryerr ahuo' yemtsach añ Jesús.

²⁹ Allempoñapa' otanet Pedro ñaña ñeñt̃ epuet, ñetñapa' atet ochet:

—Añña e'ñe pocte' amach acheña yame'ño, añña Yomporcha'ña yame'ña. ³⁰ Sapa' o' sepata'pes Jesús tsacho attoña o' semtsatach. Tarraña Pomporpa' ña tantaterre'. Añpa' ñeñt̃ara Yompor ñeñt̃ Po'yomporer pete't̃ ñaña ahua't̃ yatañneshañ. ³¹ Te'ña Pomporpa' o' nanac ahua'mencat pe', e'ñe po'cohuenrot̃pa' all partsoten. Allochñapa' attoch cotape'chaterran israelena'tarnesha' ñaña attoch cotape'cherret cohuen e'ñe etserra attoch peretnerranet po'chñar. Ñeñto'marña Yomporpa' nan Jesús ñeñt̃cha' Ya'qeshṗatañer yepen. ³² Ñeñto'marña te'ña yapa' ya'poteññañ atet pena Yompor. Yompor Puecamquẽñpa'cho'ña ñeñt̃ eñotatets. Ñeñt̃ara Puecamquẽñ ñeñt̃ nennay yeyochro, allohueney ñeñt̃ey ame'ñenaya ña. Añpa' allohua atet otanet Pedro.

³³ Allempoña ñeñt̃a e'mhuet ñeñt̃ atet ot Pedropa' añña añcha'tareñnesha' nanac atsrre'matanet, atarr mueneñetañ ahuo'ch muetsuet ñeñt̃ allsensareñnesha'. ³⁴ Allempoñapa' añña puesheñarr fariseo ñeñt̃ e'ñe parro a'pocatyene' ñoñetspa' o' tomos attoch eños. Ñeñt̃ tomosetspa' añ pa'so'cheñ Gamaliel, ñapa' ña ñeñt̃ yeçhatets ñoñets ñeñt̃ atet anaret, tarro'mar ñeñt̃ po'taruas pen. Ña allohuen acheñenesha'pa' e'ñe cohuen enteñet. Gamalielñapa' o' mueñatuerran

allsensaretnesha' mame' a'yenet. ³⁵ Ñeñt epuet cotape'chatannenetpa' atet otanet:

—Masheñe israelneshacha' o'ch notas: E'ñech cohuenacma ya'pochtach ñeñt atetcha' yeñanet.

³⁶ Sapa' ama't seyerpueñoña atto ahuaña o' orrta puesheñarr ñeñt pa'so'cheñ Teudas. Ñapa' atarr muene't o'ch ayochreshatta. Shonto' acheñenesha' ñato' allo'tseno'te' cuatrocientos ñeñt ame'ñata. Allempoñapa' allponmaterrerrpa' o' muetset. Ñeñtña pueyochresha'pa' o' ahuanomyerret ñopa'ttsocmuet. Allempoñapa' o'huañ es cotape'chet.

³⁷ Allempoña allponmaterrerrpa' orrta ñama po'psheñeñ ñeñt pa'so'cheñ Judas ñeñt galileo'marnesha'. Ñapa' tarrempo orrta allempo quellcatyenet pa'so'chñechno amcha'taretesho. Ñapa'cho'ña tama yochresha'tana allpon acheñenesha'. Allponmaterrerrpa' ñapa'cho'ña o' chenca. Añña ñeñt pueyochresha'pa' o' parratse'tuerret.

³⁸ Ñeñto'marña te'pa' o'ch notas, o'ch sa'rroyer ñeñt serrpare'tene' ñeñt atet pena Jesús. Amach erro't sepatstaneto, tarro'mar ñerra'm e'ñe ñoto'teta pocta'pño't atet penetpa' ñeñt'pa' mameshapa' o'ch huañerr. ³⁹ Tarraña ñerra'm pocta'pñetpa' Yomporesho't huenapa' amach erro'teno't sehuapore'tache. Ñato' sapa' cha se'moñe'teññañ ama't Yompor pocta'pña. Añpa' ñeñt atet otan Gamaliel amcha'taretnesha'.

⁴⁰ Atet cotape'chatanet Gamalielpa' e'ñe pocte' eñchet. Allempoñapa' alla agotaterran allsensaretnesha'. Allempoña huacherretpa' o' nalle'tatanet amcha'taretnesha'. O' nalle'tatuanet amcha'taretnesha'pa' allotña'pa' otarettet ñama

e'ñe eche'charro:

—Te'pa' amach seserrpare'tatsterrerro ñeñt atet pena Jesús. Allempoñapa' a'rroyare'ttenet.
⁴¹ Allempoñapa' o' ahuanenet, o' sa'neñet ñeñt chocma a'pocatyene' ñoñets. E'ñe pocsheñeshocmañen ahuanenet tarro'mar Yompor e'ñe pocte' entanet ñeñto'mar muenatanet o'ch muerochtet ñocop. ⁴² Allempoteñ pate'tets yetpa' chocmach yechatete't Parets pa'paclo ama't ñaña e'ñe alla pa'pacleto. Nanac serrpare'tete't atto Jesús pa' ña Cristotats.

6

Arrpa' allempo net cancherrsheña ñeñtcha' epatyesahuet rreñets

¹ Allempoteñña'pa' allo'na sen atonetnomtsa ñeñt ame'ñetsa. Tarraña e'ñe allempopa' o' sope'channa'tet. Ñehua, tarro'mar allempopa' atet pete't. Pate'tets yet Jesús pueyochresha'pa' o'ch apa'yesan allohuen rretornnesha' rreñets ñeñt pallta'yesatse't rreñets. Ñeñt e'muene' griega'chpa' ñetpa' atet otyeset:

—Ñeñt yamo'ts rretornnesha'pa' ñetpa' ama allponeshacmaye' rreñets agapueto allpon agapyes ñeñt e'muene' hebreyach. Yamo'ts rretornnesha'pa' coñe'ta agapyeset. Ñeñtña rretornnesha' ñeñt e'muene' hebreyachpa' shonte' rreñets agapyeset. Attoña sope'channa'tet. ² Allempoñapa' ñeñt charrasheña puechena epa ñeñtara Jesús puellsensarpa' ñetña'pa' agotatueto allohuen ñeñt ame'ñetsa. O'ña apcha'huetpa' atet otare'ttapuet:

—Yapa' ama tama pocteye' yenteñe ama't mameshapa' o'ch ya'rroya serrpare'te' Yompor po'ñoñ. Shonte' yet ya'pertaten attoch yapa'yes allohuen rretorranesha' rreñets. ³ Añña pocte' masheñeshacha', o'ch se'ñ cancherrsheña ñeñtara ñeñtey ame'ñetsa arr parro—erra'tsente' cohuen acheñ senten ñaña ñeñt chorrena Parets Puecamquëñ ñaña ñeñt atarr eñotene' ñeñt cohuentetsa Yomporecop. Añ ñeñtara cancherrsheña ñeñtcha' po'taruas pet attoch epatyaset ñeñt pallta'yetsa rreñets. ⁴ Allochñapa' yapa' añach yema'yoçhra ma'yochatsa ñaña o'ch ya'poñoñ Yompor po'ñoñ. Ñeñtach paterr yetorrena. Atet otanet Jesús pueyochresha'.

⁵ Allempoña acheñenesha'pa' e'ñe pocte' eñchet allohuenet. Allempoñapa' o' neñet Esteban ñeñt nanac ame'ñetsa ñeñt e'ñe chorrena Parets Puecamquëñ. Allotpa' neñet ñaña Felipe, ñaña Prócoro ñaña Nicanor ñaña Timón ñaña Parmenas ñaña Nicolás ñeñt antioquio'marnesha' ñeñt ahuatoteñ ame'ñate't judionesha'. ⁶ Añña ñeñt cancherrsheña acheña' o' ahuapatarettet allo'tsen Jesús puellsensarnesha'. Añña allsensaretnesha'pa' allenta ma'yochamñpesyet, o' net pot ñesheto, atet otarettet ñeñtcha' po'taruas pet.

⁷ Allempoñapa' o' e'ñe epa'hua Yompor po'ñoñ ora. Allempoñapa' allo'na sen shonta'nmatsa ñeñt ame'ñetsa all Jerusaléño. Allempopa' shonte' judionesha' po'cornaneshar ame'ñatsa.

Allempo rromuet Esteban

8 Añña Estebanpa' Yompor pomuereñoŕpa' nanac amueraña. E'ñe Parets po'huamencoŕpa' orrtatanet ñeññ ama puentareto atto eñochet añmapa' po'ñoçh Parets po'huamencoŕ orrtena. 9 Allempoñapa' puesheña'tets judionesha' o' achmeñet Esteban po'ñoñ. Añña judionesha' ñeññara oteñet libertinanesha'. Ñetñapa' alla apçhenet po'prahuo. Ñaña po'potantañ judionesha' ñeññ huetsa Cireneoŕ ñaña Alejandríoŕ ñaña Cilicioŕ ñaña Asioŕpa'—ora allohuenetpa' e'ñe parrocmā achmāre'toñet Esteban po'ñoñ. 10 Tarraña Estebanpa' nanac es eñot atto serrpare'ten. Ñetpa' ama erroŕtenoŕ anapeto. Estebanpa' añ chorraye't Parets Puecamquēñ, ñeñño'marña ama erroŕtenoŕ anapete'te. 11 Allempoñapa' tsa'chet po'potantañ acheñ añecop attoch toma'tatoñet Esteban po'ñoñ. Ñeññ atsa'tareŕpa' atet otet:

—Yapa' o' ye'mñ Esteban añ achmāre'ten Moisés po'ñoñ ama't ñaña Yomporpa' achmeñ. Ateŕ toma'tatoñet Esteban po'ñoñ.

12 Allempoña acheñenesha' atet e'muetpa' o' e'moñe'chet Esteban. O' huapa ñeññ pompornesha' pen judionesha', huapa ñaña ñeññ etsotene' Moisés po'ñoñ. Huapapa' o' rromueñeta' Esteban o' anmet añcha'tareñeshesho allecma a'pocŕtatenet ñoñets. 13 Chapuet allpa' alla toma'tatuerrñañeterr Esteban po'ñoñ, atet otoset:

—Añ Estebanpa' çhocma achmāre'tenan Parets pa'paquēll ñaña çhocma achmāre'tenan Moisés po'ñoñ.

14 Alla oterreterr ñeññ atsa'tareŕ:

—Yapa' o' ye'm Esteban atet oten añ Jesús ñeñt nazareto'marnesha'pa' o'ch a'matam̃psey Parets pa'paquellpa' o'ch huapore'tatonay atet yechatye't Moisés.

¹⁵ Allempoñapa' allohuenet ñeñt allo'tsa'yen o' cohuanrrorchet Esteban. Tarraña o' eñchet e'ñe cohuen orrtena pa'clloyot atet orrtena ñerra'mrrate' Yompor po'mllañoteñer ñeñt huetsa entot.

7

*Atto Estebanpa' serrpare'tatan
am̃cha'taretnesha'*

¹ Allempoñapa' añña cornesha' ñeñt nanac am̃cha'taretpa' a'p̃to'tan Esteban, atet och:

—¿Po'ñocha't atet?

² Estebanñapa' atet och:

—Ñehua, masheñeshacha' allohuenes nomporneshacha' o'ch se'mñoten, o'ch notas ñeñt atet pa'yese't ahuať yatañneshañ. Ahuaťpa' Yompor ñeñt nanac Paretspa' orrtane't yatañ Abraham all anetso Mesopotamia. Allempopa' ama čhena' Haráno allcha' yečherra. ³ Allempo orrtana Abrahampa' atet och ñeñtcha' atet pa: “Te'pa' o'ch ahuep̃ arroť o'ch pesa'nom añ peney, o'ch pesa'neñ ñaña p̃amo'tsesha', o'ch ahuep̃ allcha' notaḡ.” Atet och Yompor, atetcho' pa yatañ Abraham. ⁴ Allempoñapa' a'ypo'ña'nman all yeche't all yečhanate't ñaña caldeo'marnesha' atto čhap allo'tsen anets Harán all yečherra. Allempo o' rroma pomporeña' Yomporpa' o' alla anererr arrma Canaáno all yeyčhena ya te'. ⁵ Tarraña allempo čhap arr

ahuatpa' Yomporpa' ama apueña' añ pats, ama't coñe'ta. Tarraña Yomporpa' ahuo't och esempohuañen o'ch aḗ añ pats, e'ñe ñocop, ama't puechemerecop, ñaña po'mrenñecop. Tarraña allempopa' yatañ Abrahampa' ama chemere'tena'. ⁶ Allempocma Yomporpa' o' eñotatan Abraham attoch esempo po'mreneña' ahuanmuetcha' arroḗ, ḗhapuetcha' po'poñ anetso Egipto all ama pa'nyempañoayae, allcha' yeḗha'huerret, allña'pa' muerochtatapanetcha' allo'marnesha' acheñ. Ñaña añ eñotatan Abraham attoch ataruasatarettach e'ñe atta po'mreneñ, e'ñe cuatrocientos char amuerochtataretet. ⁷ Tarraña Yomporpa' o' eñotatan Abraham ñaña po'poñ. Ahuo't och Yompor: "Tarraña napa' netsa'taterach ñeñtcha' muerochtate' pemreneñ. Allempoña'pa' huaḗherretcha' alla arr Canaáno allcha' ma'yocherrnet." ⁸ Ñaña allempo Yomporpa' ahuo't otan Abraham po'poñ ñeñtcha' atet yeḗha' judionesha' allempoteñ errponohuañen, attoch eñochet Yomporpa' ama pueno po'ñoñ. Añmapa' ñeñt atet otan Abraham: "Añ pocte' o'ch setsorre allohuen asheñorroḗtollesha'." Ñeñto'mar allempo chemere't Abrahampa' puechemeretoll ñeñt soch Isaacpa' ahuo't tsorreñ. Po'psocmatño'pa' o' tsorre. Isaacña'pa' allempo o' po'npa' o' chemere'tana Jacob. Jacobña'pa' chemere'tana ḗharrasheña puechena epa ñeñtara yatañneshañ yepen ya ñeñtfe'y israelena'tarey.

⁹ Tarraña allempopa' añña ñeñt yatañneshañ yepenpa' o' sope'cheñet pa'mo'nasheñ José. Ñeñto'marña o' pomet pa'mo'nasheñ. Ñeñtña

agapue'pa' o' anemñ bačhayo all anets Egipto. ¹⁰ Tarraña Yompor ña a'nataya. Yomporpa' o' a'pochtatuñ ora allohuen atto mueročhtachete't. Añña ñeñt amcha'tarettatse't Egiptopa' e'ñe cohuen entane't José. Añ ñeñt amcha'tarettatse't Egipto ñeñtpa' oteñet Faraón. Faraónpa' eñotan José ñapa' nanac es eñoten. Ñeñto'mar amcha'tare't Faraónpa' o' nan José ñeñtcha' amcha'tarettapretaya all Egipto. Ñaña ora allpon ñeñt taruaset Faraón pa'paclo'marpa' o' nan José ñeñtcha' yechenahuet.

¹¹ 'Allempoñapa' orrta muecheñets. Ora allohuen egipto'marnesha' nanac cheporrare'tet. Ñaña ora allohuen canaáno'marnesha'pa'čo'ña nanac cheporrare'tet. Pa'chporrño'tepa' nanac mueročhtete't. Yatañneshañpa' ama echete'te pocrramet ama't coñe'ta. ¹² Allempoñapa' yatañ Jacobpa' o' e'mare'tan orameñ rreñets Egipto. Ñeñto'marña mueñan puechemeresha' ñeñtara yatañneshañ yepen ya. Ñetpa' o' ahuanmuet Egipto o'ch rañteneta' rreñets. ¹³ Rañta'hueneta' rreñetspa' o' puerračherret. Atomatpa' o' huañaperret pocrram̄pa' o' alla ahuanerreterr Egipto. Allempoña čhačherreterr Egipto pa'mo'nasheñet Josépa' atet otanet ñapa' ñaña pa'mo'nasheñ penet. Allempoñapa' o' cheme'chet pa'mo'nasheñ José. Pa'mo'nasheñña'pa' o' anmanet amcha'taretesho attoch cheme'tatanet. ¹⁴ Cheme'tatuanetpa' allempoña Josépa' o' mueñerranet pa'nyeto añecop attoch ereta' pompor Jacob ñaña allohuen pamo'tsesha', atet ot José: "Onetepa' allohuenet Egipto."

Ñeñto'marña allohuen cančhroch čharra' puechena amnarsheña pamo'tsesha' ñetñapa' ahuanmuet Egipto allo'tsen José. ¹⁵ Allempoñapa' čhača'tet Egipto. O' met allpon charpa' o' rroma yatañ Jacoboñ all Egipto. Meterrerr allpon charpa' o' colla'hua ñaña puechemereshañ ñeñtara yatañeshañ yepen. Colla'huetpa' alla apamparettet all Egipto. ¹⁶ Ñehua, meterrerr allpon charpa' o' ahuanmaretterret puenpa'ts anetso Sicño allcha' apamparetterret ello puenpa'ts. All apamparetterretpa' ñeñtpa' ñeñtara pats ñeñt o' rañta'hua Abrahamañ ahuat. Añña patspa' ñeñto' vendoñ Hamor puechemereshañ ahuat all Sicño.

¹⁷ Alla oterraneterr Esteban, atet ot:

—Allponerrerr charpa' čhapmoch allempo o'ch etsota atet Yomporpa' otane't ahuat Abraham allempo huomenc nane't po'ñoñ. Ñetpa' allempo nanac merete't all Egipto. ¹⁸ Atteñapa' o' met shonte' charpa' o' orrta po'poñ añcha'tare't Egipto ñeñt ama puentarano José, tarro'mar Josépa' ahuatoteñ o' rroma. ¹⁹ Añña añcha'tare'tpa' nanac mueročhtatyesonay yatañeshañ. O' nanet ñoñets attoch pamo'mtayetpa' o'ch a'ypo'ñet puechemeretoll a'yo. Añecpo'ch atet peñet attoch muetsatachet puechemeretoll. Allochñapa' amach nanac mereto. ²⁰ E'ñe allempopa' o' eñalleta Moisés tarraña Yomporpa' e'ñe cohuen entane't Moisés. Pamo'mte'pa' e'ñe a'nahua cohue' ma'pñña arorr all pa'paclo. ²¹ Allempoñapa' o' čhap allempo amach erroteno cohueñeto pa'paclo a'nahua. Allempopa' a'ypo'ñet a'yenet.

Añña añcha'taret Faraón po'señpa' ahuo' huapa all neñet ahuo' entos, nanac amuerochen eñch, allenta aner attoch ñañrecha. Atteñapa' o' atarrtach pa'paclo atet ñerra'm puechoyor e'ñe ño. ²² Ñeñto'marña Moisés'pa' ayçhataretta ora allpon ñeñt atet eñotyese't egipto'marnesha'. Nanac eñotañte't ñerra'm allempo eñose't, nanac eñotañte't ñerra'm allempo es pa'yese't.

²³ 'Allempo çhap pa'tatsoch çharra' po'charña Moisés'pa' nanac yerpane't pamo'tsesha' ñeñtara israelena'tarnesha'. Atarr seche't o'ch abchenaneta'. Allempoña parrochpa' o' ahuo' allo'tsa'yen pamo'tsesha'. ²⁴ O'ña çhap allpa' all entosan puesheñarr egipto'marnesha' nanac coñchatenan puesheñarr israelena'tar. Ñaña'pa' o' moñsosana pamo'ts. O' çhote huomencpa' çha rroma. Atto chemnatanaña pamo'ts. ²⁵ Añña Moisés'pa' otapañ pamo'tsesha'pa' e'ñech cohuen entapet. Otapañ o'te' eñochet Yompor mueñe' attoch a'queshpatan pamo'tsesha'. Tarraña ñetpa' ama eseshaye' pocte' entaye. ²⁶ Tarro'mar tsapatñapa' alla ahuenerr, allempopa' o' entuenanerr epsheña pamo'tsesha' çho' orrotenet e'ñe ñañeñeta. Ñaña'pa' mueneñ o'ch amo'tstaterranet, atet otanet: "Esuañaca' masheñeshacha' sottenña arr. Añña pocte' e'ñech semo'nasheñ seppannena." ²⁷ Ñeñt chetene' pamo'tspa' o' a'mchech Moisés'pa' ñaña'pa' atet ot: "Esesha'huañaca' peneneña pa' añcha'taret arr yocop. Esesha'huañaca' pōtene' o'ch pa'tsrre'moçhta arr. ²⁸ Ñato' añte' pemnen o'ch pemtsan naña atet pepe' muetse'

egipto'marnesha' ellerro.” ²⁹ Allempoña o' e'man añ ñoñets Moisésñapa' o' yeta puenmchañoñ. O' ahuo' a'yo allo'tsen pats pa'so'cheñ Madián. O' yecha'huerra allañar. Allñapa' all sena'tapa' o' chemere't epsheña.

³⁰ O' alla oterraneterr Esteban, atet ot:

—Allempoñapa' o' meterrerr pa'tatsoch charra' char. Parrochpa' amaraño'tsen Moisés allame'tets aspeno Sinaíño. Allñapa' entosan tsachmatoll all ñoña huorten. E'ñe huortoñ tso'pa' alloñ orrtoña Parets po'mllañoñeñer. ³¹ Ñeññ entos Moiséspa' atet ot: “¿Esté' huortetsña tarro?” E'ñe chapatsa allame'tets o'ch enteña'pa' o' e'man ñoñets. Partsepa't eñets, atet och: ³² “Napa' ñeññen Po'yomporer pen ama't pãañeshañ ñeññara Abraham ñaña Isaac ñaña Jacob.” Moiséspa' cha yoren. Puenmchañoñpa' ama cohuano huorte'. ³³ Yomporñapa' atet otererr: “Peñcha'na'teñoñpa' perrote't pesapat tarro'mar all pãatenpa' ñeññpa'cho' nanac Parets tarro'mar allo'tsenen na.” ³⁴ O' alla otererr Yompor: “Napa' nenteñ atto muerochtatennanet ñeññ nechemeresha' nepen ñeññara israelena'tar. Napa' ne'muenanet atet yahuanrrortenet. Ñeñño'marña te'pa' o' nohuapa o'ch na'queshpãatanet. Te'ñapa' o'ch nemñañ pã Egipto.” Añpa' ñeñña atet otan Yompor Moisés.

³⁵ 'Añña Yompor po'mllañoñeñer ñeññ orrtetsa all huorten tsachmopa' ñeññña eñotate' Moisés atet muenen Yompor. Ñeñño'mar yeñoteñ Yomporpa' ahuo't llesensan Moisés o' alla mueñer pamo'tseshesho ñeññcha' añcha'tarettatsa ñocpuet ñaña ñeññcha' a'queshpãatahuet alloñ

amuerdohtatareŧeteŧ. Añ ñeñŧara Moisés ñeñŧ ama pocteye' ento ahuaña pamo'ts ñeñŧ otet ahuaña: "Esesha'huañaca' penene' pa amcha'tareŧ arr yocop. Esesha'huañaca' potene' o'ch pa'tsrre'moçhta arr." ³⁶ Añ ñeñŧara Moisés ñeñŧ anerrahuet Egiptoŧ. Ñeñŧara Moiséspa' orrtatanet ñeñŧ ama puentareto all Egipto. Ñaña sa'poŧ ñeñŧ Tsasasen all orrtatanet ñeñŧ ama puentareto, atto eñotatanet añmapa' ñeñŧ atet pena Parets. Ñaña all chopeñe'chen amaraŧo'mar pa'tatsoch çharra' char Moiséspa' all orrtatyesanet ñeñŧ ama puentareto. Añpa' ñeñŧ eñotatanet atet penaña Parets. ³⁷ Añ ñeñŧara Moisés ahuatpa' o' otan israelnesha' atet: "Yomporpa' orrtaterrnascha' puesheñarr ñeñŧcha' a'mterre' Parets po'ñoñ, ñeñŧara ñeñŧ e'ñe samo'ts sepen e'ñech attecma orrtaterr e'ñe atet orrtatenen naña. Ñeñŧcha'ña çhocma se'mñoterrña sa." ³⁸ Ama't allempo yatañneshañ chopeñe'cheteŧ amaraŧareropa' añña Moisés allo'tseneta parro ama't allpa' çhocmach apçheteŧ Yomporecop. Ñapa' allo'tsena aspenŧo Sinaíŧno allempo orrtoña Yompor po'mllañoŧeñer ñeñŧ eñorana'taya ñaña o' yeçhach ñoñets alloch e'ñe yocrra Partsocop. Ñeñŧña ñoñets allempo puerrerra Moisés aspenŧotpa' o' yeçhatuerran ñaña pamo'tsesha'.

³⁹ 'Tarraña ama't atet peŧ Moiséspa' yatañneshañpa' ama mueneteŧe o'ch ame'ñyet Moisés. Ama eseshaye' pocteye' entayeŧe. E'ñe pueyoçhretopa' atarro' mueneteŧ o'ch alla puerrerret Egipto. ⁴⁰ Ama't allempo aspenŧo'tsen Moiséspa' yatañneshañpa' atet

otoñet pa'mo'nasheñ Aarón: “Te'pa' o'ch peyečcatonay ñeñtcha' yeyoser yeperr ñeñtcha' yanerre' alla Egipto. Añ Moisés ñeñt yanmue' Egiptotpa' yapa' ama yeñoteñe, ta', ¿errate' o' ahuo'?” ⁴¹ Allempoñapa' o' yečcatanet ñeñt atet ñerra'mrrate' añ ayečcataret oro. O' muetset carrnero o' neññañeta' e'ñe ñesho. Nanac cohuen entet ñeñt yečcatet e'ñe potot. ⁴² Allempoña Yomporpa' o' a'ypo'ña'nmanet, o' muenatanet attoch muechatsetet ñeñt yečhoyo'tam̄pene' ama't arrorr ñaña ranto. O' pet atet quellquë't ñeñt a'm̄taye't Yompor po'ñoñ ahuať. Añmapa' ñeñt quellquë't ahuať, atet ñerra'm Yompor otets: Napa' o'ch notas israelena'tarneshacha', ama't o' semtsa carrnero, amapa' huaquësh, țarraña ama nocpaye' semtso, ñeñtpa' ama neshoye' sehuapache. Ama't ora añ pa'tatsoch čharra' char all sechopeñe'chen amaratarero atet es sepa'yen.

⁴³ Añ seyomporer sepen po'poñ, ñeñt ayečcataret ñeñt soten allo' yečhena seyoser ñeñt sesochen Moloc. Amapa' atet ñerra'm ayečcataret rantoma't ñeñt soten añmapa' seyosro' ñeñt sesochen ñaña Refán. Shonte' ayečcataretečno ñeñt seconcorpana'tena. Ñeñto'marña te'pa' o'ch nemñas nanac allapar, all Babilonio. Añpa' allohua ñeñt atet quellquë't ahuať ñeñt a'm̄taye't Yompor po'ñoñ.

⁴⁴ O' alla oterraneterr Esteban, atet ot:

—Ahuať yatañneshañpa' allempo chopeñe'chete't amaratareropa' anmuete't pocoll

shetamtsopo' allecma apçhete't Yomporecop. O'ponopa' all nete't mapuettall allo' aquellcare't ñoñets ñeñt poctetsa Yomporecop. Añ pocoll shetamtsopo' Moiséspa' ña yeçhcataye't e'ñe atet oche't Yompor po'mllaño'teñer e'ñe atet gache't Yompor. ⁴⁵ Allempo rromanom Moisés puechope'chpayopa' o' na'nmet Josué ñeñtcha' anmue' yatañneshañ. Apa'nmet ñaña shetamtsopo' ñeñtñapa' çhapachet allo'tseno' pats ñeñt otanete't Yompor ahua'toteñ o'ch apanet. Po'poñ acheñenesha' ñeñt yeçhetsa allpa' Yomporpa' o' muevo'tuerranet attoch yatañneshaña' o'ch yeçha'huerret all. Allempopa' o' çhapatet all shetamtsopo' allecma apçhenet Yomporecop. Shetamtsopahuopa' allecma apçhete't tarremphua allempo orrta David. ⁴⁶ Allempo orrta Davidpa' ñapa' e'ñe cohuen enteñ Yompor. Ñaña' o' enaman Yompor pocte'te' enteñ o'ch yeçhcaton pa'paquell ñeñt e'ñe cohuen echarr. Mueneñ o'ch yeçhcatan Yompor pa'paquell, ñeñtara Po'yomporer pe't ñaña pa'tañ Jacoboñ. ⁴⁷ Tarraña ama't mueneñ ñapa' Yomporpa' ama mueno. Añña muenaton puechemer Salomón, ñach tomate' pa'paquell. ⁴⁸ Tarraña Ñeñt nanac Paretspa' ama yeçheno pocollo ñeñt yeyeçhcaten ya, arromña'tey. Ama't atet ote't ñeñt a'mtaye't Yompor po'ñoñ, atet ñerra'm Yompor eñets, atet oten:

⁴⁹ Napa' nanac Partson. Napa' nenten enet atet ñerra'm neconañ, patsña' nenteñ atet ñerra'm allcha' nenen netac. Errotenohuachñaca' seyeçhcatonña pocoll

allcha' neycha. Ama nepallteno allcha' neycha, atet oten Yompor.

⁵⁰ Napa' nehuamencoť neyečcatua ora allohuen ñeñť sentyen. Añpa' allohua atet ot Yompor.

⁵¹ Alla oterraneterr Esteban:

—Sapa' nanac se'charrtena, seyočhropa' ama soctape'cheno atet ñerra'm Yomporena'tares. Ama semno o'ch se'mñotoñ Yompor po'ñoñ. Chocma satpare'teññañ Parets Puecamquëñ. Atet pe't satañneshañ ahuat te'pa' atetcho' sepena samã. ⁵² Ama't allohuen ñeñť a'mıtaye't Yompor po'ñoñ ahuat satañneshaññapa' čha mueročhtatyesanete't. Ama't ahuat allempo ama orrtena' Jesúsapa' ñeñť a'poťaye't atto esempohuañen o'ch huapa Cristo ñeñť e'ñe pocte' es pets, ñeñťpa'cho'ña satañneshañpa' čha muetse. Te'pa'cho'ña añ Cristo ñeñť e'ñe pocte' es petspa' ahuo' seponĩ samã attoch semtsach.

⁵³ Alla oterraneterr Esteban:

—Ama't Parets po'millañoťeñer ñeñť señoťate' ñeñť poctetsa Yomporecop sañapa' satpare'toñ Yompor po'ñoñ. Añmapa' allohua ñeñť atet serpare'tatanet Esteban.

Allempo muetset Esteban

⁵⁴ Allempoña ñeñña e'mhuet atet ot Estebanpa' nanac atsrre'matanet. Pa'tsrre'mueñoťetpa' čha rraso'tyeset pa's. ⁵⁵ Allempo Estebanpa' e'ñe chorreña Parets Puecamquëñ. Ñaña'pa' o' cohua' enonet, allña'pa' all entan Yompor po'cohuenña. Entan Jesús e'ñe po'partsoteñoť all ten Pompor po'cohuenroť. ⁵⁶ Allempoña'pa' otterrerr Esteban:

—Napa' o' nent enet atorareŧ. O' nent ñaña allo'tsen Ñeññ Acheñetosets, po'partsoteñoŧpa' all ten Parets po'cohuenroŧ.

⁵⁷ Acheñenesha'ña pa'tsrre'mueñoŧetpa' rranare'tet. Puerranare'teñoŧetpa' mopa-queta'tyeset, o' matrra'tet ñesho attoch o'ch rromuet. ⁵⁸ O' rromuetpa' o' anmet a'yenet all ama eñalle pocoll allcha' rrolle'chet. Ñeññcha' rrolle'te'pa' o' rrotrra'tyeset pa'shtam, o' na'yaset e'ñe allo'tsen puesheñarr yacma ñeññ huepueshameñ ñeññ pa'so'cheñ Saulo. ⁵⁹ Allempoñapa' rrolle'chet. Rrolle'chetpa' Estebañapa' o' ma'yochapa', atet ot:

—Nepartseshare Jesúso, ñagaponcha' necamquēñ.

⁶⁰ Allempoñapa' concorpa. Concorpapa' eñora huomenc, atet ot:

—Amach Nepartseshare petsa'tatatstaneto.

Allempoñapa' ñeñña otuapa' o' muechecha, o' rroma.

8

Allempo Saulopa' nanac mueneñ ahuo'ch a'cclatuan ñeññ ame'ñetsa

¹⁻² Allempopa' añña Saulopa'* e'ñe pocte' eñch muetsetepa' Esteban.

Añña puesheña'tets ñeññ nanac ame'ñenaya Yomporpa' puellquēñeshetpa' o' huapuet, o'ch eñeta' arromñaŧ attoch pampueñeta'. Nanac ya'na'teñet Estebanañ. Allempoteñ nanac muerochtacheteŧ ñeññ pame'ñeñoŧet

* **8:1-2** Saulopa' ñeññara Pablo.

Cristopa' apçhete't Jerusaléño. Ñeñto'marña shonte' acheñenesha' ñeñt yetrra'tatsa po'poñ añetso'mar. O' parratse'tuet allemeña—Judeo'mar ñaña Samario'mar. Tarraña añña Jesús puellsensarnesha'pa' ama esesha' yetatso ama't puesheñarra. ³ Sauloñapa' nanac mueneñ o'ch a'cllatuan allohuen ñeñt ame'ñetsa. O'ch be'tosam'psanet pa'pacletopa' o'ch rromanet, o'chçho' chetare'tnerranet. O'chçho' be'tosuerrerr ñaña po'ppauñopa' o'chçho' rroma'huerraneterr, o'chçho' chetare'tnerraneterr, o'ch anmanet cárcelo allcha' abe'tatuanet. Ama't coyaneshaçhno e'ñe abe'tatuanete't cárcelo.

Atto Felipepa' serrpare'tatanete't Samario

⁴ Añña ñeñt yetrra'tatsa Jerusaléño'tpa' all çhapyeset, erra ta'yenetpa' allcha' serrpare'teññañet Yompor po'ñoñ. ⁵ Ate't ñerra'm Felipe. Ñapa' o' ahuo', o' çhap anetso ñeñt pa'so'cheñ Samaria. Allñapa' all serrpare'tatosanet añepa't Cristotats ñeñtara Jesús. ⁶ Felipepa' orrtatanet ñeñt ama puentareto. Ate't eñchetpa' o' eñochet añpa' po'ñoçh Parets po'huamenc orrtaten. Ñeñto'marña allohuen acheñenesha'pa' e'mñoteñet e'ñe cohuen atet otanet. ⁷ Shonte' acheñ ñeñt chorra'yese't oneñet allempopa' e'ñe queçhpatyesueretña oneñet atto chorrenana acheñ. Allempo queçhpatyesueret oneñetñapa' o'ch rranare'tnoma. Ñaña shonte' acheñ ñeñt echarretyestse'tpa' o' corra'huerret. Ama't ñeñt checare'payestse'tpa'

o' a'crratyeshuahuerranet Felipe. ⁸ Ñeñto'marña nanac coshyete't Samario.

⁹ Allempopa' allo'tsen puesheñarr ñeñt achyo'tañ ahuaña ñeñtpa' añ pa'so'cheñ Simón. Allohuenet samario'marnesha' ama't ahuatoteñpa' cohuanrrortoñete't atet orrtate't ñeñt ama puentareto. Ñapa' o'ch shequënanet. Ñetñapa' cha otenapuetañ ñapa' nanacte' po'ñoçh ahuamencat, atet oten ña. ¹⁰ Allohuen acheñpa' e'mñoçhete't atet ote't ahuaña—ama't ñeñt añcha'tarettetsa ñaña ñeñt ama esoshe'mayaye acheñ. Ochete't:

—Po'ñoçh añ acheñpa' ñeñt Partsocoptartetsa.

¹¹ Ñeñto'marña acheñenesha'pa' nanac ame'nyete't. Ama't ahuatoteñ cohuanrrortoñete't atet orrtate't ñeñt ama puentareto. ¹² Tarraña allempo serrpare'tatanet Felipe cohuen ñoñets o' ame'ñatanet allohuen —yacmaneshaçhno ñaña allohuenet coyaneshohuen. Serrpare'tatanet atet penaña Yompor po'cohuenña ñeñt atto atarr ayochreshattena ña, ñaña atet pena Jesús ñeñt Cristotats. O' ame'ñatuanet allempoñapa' apatarettet Yomporecop. ¹³ Ama't achyo'tañ ñeñt soçhetsa Simónpa' o' ame'ñerra ñaña. Ñapa'cho'ña apataretta Yomporecop. Apatarettetuapa' allempoteññapa' yemterrana Felipe errohuanen çhopeñe'chen. All orrtatanet Felipe ñeñt ama puentareto attoch eñoçhet añmapa' ñeñt po'ñoçh huetsa Partseshot. Simónñapa' o'ch entan atetpa' atetcha' ot:

—Errotenotuañaca' atet penate'.

14 Allempoña Jesús puellsensarne-sha'pa' e'mare'chet Jerusalénoñ shonte' samario'marnesha' ame'ñeññañet Yompor po'ñoñpa' o' mueñet Pedro ñaña Juan all Samario.

15 Allempo chap Pedro ñaña Juan Samariopa' ma'yochamñpsosyet samario'marnesha' ñeññ ame'ñetsa. Enamet Yompor chorratanetepa' Parets Puecamquëñ.

16 Tarro'mar allempopa' ama chorrenaneta' Parets Puecamquëñ. O'ña apataretetuet pame'ñeñoñet Yepartseshar Jesús.

17 Allempoña Pedro ñaña Juanpa' o' net pot ñesheto ñeññ ame'ñetsa. Nohuet pot ñeshetopa' Yomporña Puecamquëñpa' ahuepa't chorranet.

18-19 Añña Simón ñeññ achyo'tañtetsa ahuaña o' chapoña pueyoçhropa' atet ot:

—Añecpuepa't nenet pot attoch chorranet Parets Puecamquëñ.

Allempoñapa' atet otanet Simón:

—Llesenscha' nomporneshacha' o'ch nenanet naña not attoch chorranet Parets Puecamquëñ. O'ch napas quelle attoch sapuen llesens.

20 Pedroñapa' atet och:

—Peçllayorpa' chenquëpa' alla, allotpa' pechen-quëpa' pãaña tarro'mar pãapa' p̄otenapañ o'ch perañoña Parets Puecamquëñ. Ñeññpa' amach errotetnoñ petsa'cho. Añña Yomporpa' o'ch apuey e'ñe atã. 21 Ama pocteyaye o'ch p̄agap pã llesens tarro'mar Yomporpa' ama pocteye' entennape peyoçher. 22 Te'pa' aña poctetsa o'ch p̄oçtape'cherr ello cohuen, o'ch pequeçhpuerr añ sosya'tsañ o'ch penamuer Yompor peretneñets. Ñato' Yomporpa' o'ch peretnerrnañ atto p̄oçtape'chen sosya'tsañ.

²³ Pedropa' alla otererr:

—Napa' neñoteneṣ nanac sosey ṑoctape'chen peyočhro, čha ṑottena atet ñerra'm ṑo'chñarpa' huanquēneṣ.

²⁴ Simónñapa' alla otererr:

—O'ch sanamon Yompor nocop attoch amach es netantoyo atet sotenen. Añpa' allohua atet pena Simón.

²⁵ Pedro ñaña Juanpa' nanac a'poťoñet Yompor po'ñoñ all Samario. Serrpare'tueneta'pa' alla ahuanerret Jerusaléño. All oñenet samario'marpa' ñeñť yečhetsa toño'marpa' e'ñe acopoteñ serrpare'tatyesuaneret.

Allempo Felipepa' ame'ñatana etiopo'marnesha'

²⁶ Allempoña añ Felipepa' orrtoña Yompor po'mllañoťeñer atet otos:

—O'ch čhappmoch poctopa' o'ch ahueṣ a'yo, o'ch pečhap amarato allo'tsen toñ ñeñť sets Jerusaléñoť attoch yečhap anetso añ pa'so'cheñ Gaza.

²⁷ Ñañaapa' atet och Yompor po'mllañoťeñerpa' atetčho' ṑa. Allempoñapa' o' ahuo'. O' čhap all toño ñeñť sets Gazopa' o' entosan puesheñarr etiopo'marnesha'. Añ etiopo'marnesha' ñeñťpa' ñeñť añcha'taret añña po'taruas pen o'ch cohuañpenan ora allpon quelle ñeñť gobiernocop alla pa'nyo. Pa'neypa' añ pa'so'cheñ Etiopía. Ñeñť nanac añcha'tareťtetsa all pa'nyopa' añ pa'so'cheñ Candace ñeñťpa' coyanesha'. Añ yacma ñeñť entos Felipepa' ñeñťpa' acapareť acheñ. Añña etiopo'marnesha'pa' erreť asuena' Jerusaléño allempo entos Felipe. Tarro'mar ta all o'ch ma'yochenana' Yompor. ²⁸ Allempoña o'

alla puerterra pa'nyo. Ñapa' alla anen po'carro. Ñeñña carropa' cahualla matatene'. All anenpa' all lleyen Yompor po'ñoñ ñeñtara ñoñets lleyen ñeñt quellquë't ahuat Isaías ñeñt a'mtaye't Yompor po'ñoñ. ²⁹ Añña Parets Puecamquëñpa' eñotatan Felipe, ñeñña ote':

—O'ch penteña' ñeñt anets tarro e'ñe all carro.

³⁰ Felipeñapa' o' mata. Matapa' chap allame'tetspa' o' e'mosan cho' lleyen añ Yompor po'ñoñ ñeñtara ñoñets ñeñt quellquë't Isaías ñeñt a'mtaye't Yompor po'ñoñ ahuat. E'mos Felipepa' atet otos:

—¿Eñotoçhena't penteñ ñeñt atet oten ñeñt pelleyen?

³¹ Ñañapa' atet och:

—Errotenohuate'ca'ye neñoçhña' amaca'ye eñalle ñeñtcha' neñotate'. Ñato' o'ch pa'tap pa' o'ch yanorr parro.

³² O' a'tap Felipepa' o' cohuos all lleyen. Añ lleyen Yompor po'ñoño ñeñtpa' añ ñoñets ñeñt quellquë't Isaías:

Atetcha' pa' ña atet ñerra'm carrnero. Ñehua, carrneropa' o'ch yanem allcha' yemtsepa' amach ama'toçhto. Amapa' ñerra'm yetsorroñ pue'chpa' amach ama'toçhto. Atetcha' pa' ña, amach es oto.

³³ Nanac mueroçhtachet, ama pocteye' ñeñt atet poñet. Ama erroteno o'ch yotua ora allohuen ñeñt atet sosey pa'yes pamo'tsna'tarnesha'. O' muetsetpa', o'huañ corra aña patsro. Añpa' allohua atet quellquë't Isaías.

³⁴ Allempoña ñeñt etiopo'marnesha'pa' o' a'pto'ch Felipe:

—Ñehua, p̄oten, ¿eseshocpa'tña eñen arr Isaías, ñato' ñocpa'te' amapa' po'psheññecop̄e'?

³⁵ Allempoña Felipepa' o' serrpare'tach cohuen ñoñets atet̄ pena Jesús. Eñotach añ ñeñtara Isaías po'ñoñpa' eñen Jesúsocop. Allempoñapa' o' eñotach ñaña po'poñ Yompor po'ñoñ ñeñtara ñeñt atet̄ pena Jesús. ³⁶ Allña allenet̄ matañpenetpa' o' entoset oñ, atet̄ ot etiopo'marnesha':

—Ta'm, ¿poc̄te'te'te' o'ch napataret̄ta Partsocop?

³⁷ Felipeñapa' atet̄ och:

—Ñehua, ñerra'm po'ñoçh p̄ame'ñena peyoçhrocmañenpa' e'ñe poc̄te' o'ch p̄apataret̄ta Partsocop.

Etiopo'marnesha'ñapa' atet̄ ot:

—Napa' po'ñoçh name'ñena. Te'pa' neñoteñ Jesucristo ñeñt̄pa' ñeñt̄ Yompor Puechemer.

³⁸ Allempoñapa' o' tomatoset po'carro sohua'rrtosetpa' o' ahuanmuet oño. Allña apatos Felipe. ³⁹ O' çha'nerret oño'tpa' Yompor Puecamquëññapa' o' anman Felipe a'yo. Allñapa' machayo'ta ma'nata alla. Ñeñt̄ etiopo'marnesha'pa' ama enterrano Felipe. Allempopa' o' ahuer̄r etiopo'marnesha' e'ñe poc̄sheñesha'. Añpa' allohua ñeñt̄ atet̄ p̄a etiopo'marnesha'. ⁴⁰ All anetso Azotopa' all orrtierraña Felipe. Allñapa' serrpare'tatosanet cohuen ñoñets alloch yequeshp̄a. Allempoñapa' o' ahuo' ñaña anetso Cesareo, nanac serrpare'tyesnom ora anetso'mar all oñomyes.

9

*Allempo Saulopa' cotape'cherr ello cohuen
Yomporecop*

(Hch. 22.6-16; 26.12-18)

¹ Allempoña Saulopa' nanac e'moñe'tenan ñeñt ame'ñenaya Yepartseshar Jesús. Pa'tsrre'mueño'tpa' atet ot:

—Napa' o'ch na'cclatueña' ñeñt ame'ñenaya Jesús.

Ñeñto'marña o' ahuo' allo'tsen ñeñt nanac amicha'taret cornesha' e'ñe all Jerusaléño.

² Chap allo'tsenpa' o' enamos orden attoch a'cclatuan ñeñt ame'ñetsa. O' enam orden ñeñtcha' anom a'yo anetso Damasco allecma apchenet judionesha' po'prahuo. O'ch chap allpa' o'ch aposan ñeñt amicha'tarettetsa puerahuo. Attoch apet all llesens attoch rromanatan acheñ ñeñt cotene' Jesús pocta'ña. Ama't coyanesha'čno ñaña yacmanesha'čno o'ch rromanatanet o'ch huancatanet o'ch anmare'tterret Jerusaléño. Atet cotape'chña Saulo. ³ Allempoña agapuan orden allempoñapa' o' ahuo'. O' chap allame'tets Damascopa' machayo'ta ñeñt nanac poptetsa ento'tpa' o' choyo'tam'pes e'ñe ñesho. ⁴ O' choyo'tam'pespa' ñaña'pa' alla rromopra patso. Chap patsopa' e'man ñoñets ñeñt atet oten:

—Esomare't Saule pemuero'chtatennanña ñeñt name'ñenaya.

⁵ Sauloñapa' atet ot:

—¿Eshape't Ayochreshate eñets?

Ñeñt eñetspa' alla otererr:

—Napa' ñeñten Jesúsén, ñeñtara ñeñten pemuerochtaten. Añpa' pãñaña muerochtatetsa. Tarro'mar cha pottena ñerra'mrrate' ashen ñeñt e'ñe patpare'teñoť ñañañachña atserrpatetsa.

⁶ Sauloñapa' po'yorñoťpa' cha pa'shmuena allempoñapa' atet ot:

—Partseshacha' te'pa' ¿erroťena't penmen ñeñtcha' atet nepena?

Partseshañña Jesúsapa' atet otererr:

—Te'ñapa' o'ch petanta, ahuep Damasco. Allchañña otapet ñeñtcha' atet pepa.

⁷ Ñeñt parro epuet sen Saulo ñetñapa' atta cohuanrrortenet. Pocuanrrorteñoťetpa' ama erroť oteto. Ñetpa'cho'ña e'muet ñeñt e'morrtatsa tarraña ama es enteto. ⁸ Allempoña Saulopa' o' tanta. Tantapa' o'ch cohua'yespa' ama ento. Ñeñto'marña atta echa'nmet pototpa' o' anmet Damasco. ⁹ O' chap Damascopa' ma'pamuet Sauloñapa' ama enteno, ñaña ama es rreno, ñaña ama es orreno, ama't coñe'ta.

¹⁰ Damascoñapa' allo'tsen puesheñarr ñeñt nanac ame'ñenaya Yepartseshar Jesús. Ñañaapa' añ pa'so'cheñ Ananías. Añña Ananíasapa' Yepartseshar Jesús orroťña atet ñerra'm puechopoñoť o' chore'chpa' atet och:

—¡Ananías!

Ananíasña anařpa', atet ot:

—Napa' Nepartseshare añen.

¹¹ Yepartsesharñapa' alla otererr:

—O'ch notap atetcha' pepa. O'ch ahuep allo'tsen toñ ñeñt nanac pačharr allcha' pentos Judas

pa'paquëll. Peçhap all pa'paclopa' o'ch p̄a'p̄to'tos erro'tsente'ña ñeñt Saulo ñeñt tarso'marnesha'.

Alla otererr Yepartseshar:

—O'ch notap̄ ñaña, añ ñeñfara Saulo e'ñe te'pa' allo'tsen ma'yochetsa. ¹² Napa' o' norrtatuoñ ñeñt o' entua neshot̄. O' entuan atet̄ ñerra'mrrate' acheñ añ pa'so'cheñ Ananías huapatsa. O' huapa ñeshopa' o' nosan pot ñesho o'ch alla cohuerr.

¹³ Ananíasñapa' alla anapuererr:

—Partseshacha' napa' o' ne'mare'ch atet̄ o' p̄a añ ñeñfara Saulo. Shonte' acheñ o' e'mare'tatnet atto ñapa' nanac mueroçhtatenan ñeñt p̄ame'ñenaya Jerusaléño. ¹⁴ Te'pa' ñapa' echenan orden o'ch huancatyeseý allohueney ñeñtey p̄ame'ñenaya, o'ch anmatey cárcelo. Ñeñt pa'm̄cha'tareternesha' pen allohuen judionesha' po'cornanesharpa' o' apet Saulo añ orden.

¹⁵ Yepartsesharñapa' alla otererr:

—Tarraña ama't atet̄ te'pa' o'ch ahuep̄ all, ñeñt atet̄ o' notuaḡ. Te'pa' o' nene' Saulo ñeñtcha' na'potene' neñoñ añcha'taretneshesho. Ama't po'poñeçhno acheñeneshopa' ñapa' a'potoncha' neñoñ. Ñaña ama't israelena'tarneshopa' o'ch a'poton neñoñ. ¹⁶ Ñaña o'ch neñotach Saulo ñapa' o'ch mueroçhta nanac nocop, tarro'mar te'pa' o'ch ame'ña'na na. Añpa' allohua ñeñt atet̄ serrpare't Yepartseshar epuet Ananías.

¹⁷ Allempoñapa' o' ahuo' Ananías o'ch entenana' Saulo. Chap allpa' o' be'tosos pocollo allo'tsen Saulo. O' ponmosyapa' o' nosan pot e'ñe ñesho. Nohuan pot e'ñe ñeshopa' otosan Saulo, atet̄ och:

—Masheñe Saule, Yepartseshar Jesús ñeñtca'ye p̄orrtoya allempo p̄oñen toño. Te'pa' añ ñeñtara Yepartseshar Jesús o' mueñan na o'ch non attoch alla pecuerr; ñaña attoch chorraña Parets Puecamquẽ.

¹⁸ Ñeñta otuapa' allorocma rrata'nom pa'clloyoñ ñeñt atet ñerra'mrrate' es pa'tall, o' alla cohuerr e'ñe cohuen. Alla cohuerr e'ñe cohuenpa' allempoñapa' apataretta Yomporecop. ¹⁹ O' apataretetuapa' o' rrallme'cherr. O' alla cherr po'huamenc. Allempoñapa' allponmaterrerr alla Damascopa' o' serrpare't epuet ñeñt ame'ñetsa.

Allempo Saulopa' e'ñe ñenmã serrpare'terr all Damasco

²⁰ Ñaña Saulopa' chocma sen judionesha' po'prahuo allcha' serrpare'tatenanet atet pena Jesús. Otanet añ Jesúspa' po'ñoçh ñeñtpa' ñeñtña Parets Puechemer. ²¹ Allohuenet ñeñt e'muene'pa' otyeset:

—Ta', errotenuañaca'yeña te' ñeñt yacmar. Añmapa' ñeñtca'ye mueroçttataye't ahuaña ñeñt ame'ñenaya Jesús all Jerusaléño. Ñeñto'marña te'pa' huena arr, mueneñ o'ch rromanatenana' ñeñt ame'ñetsa o'ch anmarettet cornaneshesho ñeñt pa'mcha'tareñesha' pen allohuen judionesha' po'cornaneshar.

²² Saulopa' allo'na sen huomenc pa'nmue' pueyoçher attoch serrpare'tan Yompor po'ñoñ. Nanac serrpare'tatanet atto po'ñoçh Jesúsapa' ñeñtara Cristotats. Ama't judionesha' ñeñt yeçhetsa Damascopa' ama erroteno anapeto.

Allempo Saulopa' a'yetater judionesha'

²³ Atteña o' allponmatpa' añña judionesha'pa' o'pachet o'ch muetset. ²⁴ Saulopa' e'mare'ch o' o'pachet, o'ch cohuet attoch o'ch muetset. Arr cohuet allotecma be'tenet all aconcha'tam̄psare't ora anets. Ellapenete't cohuame'tet ñaña arepenete't. ²⁵ Tarraña ñeñt̄ pueyochresha' Saulopa' o' anmet tsapo allo'tsen pocoll e'ñe all aconcha'tam̄psare't anets, allña'pa' eñall ventana allo't a'suatam̄peret atarret cañtrot̄.

Allempo Saulopa' puerrerra alla Jerusaléño

²⁶ Allempoña'pa' ahuerr Jerusaléño. Cherr Jerusaléño'pa' atarr mueneñ o'ch entenana' ñeñt̄ ame'ñetsa. Ñeñña ame'ñetsapa' ama mueneto o'ch entenaneta' tarro'mar nanac mecha'teñet, otenapuetañ atto'te' shequënanet o' ame'ña.

²⁷ Añña puesheñarr ñeñt̄ pa'so'cheñ Bernabépa' ñaña'pa' o' anem̄ allo'tsen Jesús puellsensarnesha', o' otosanet:

—Añ Saulopa' o' entan Yepartseshar Jesús allempo sen Damasconet. Yepartsesharepa't epuet serrpare't. Ñaña'pa' ama mecha'to ñeñto'mar atarr serrpare't Damasco atet pena Jesús.

²⁸ Allempoteñña'pa' e'ñe pocte' eñchet, allempoña'pa' o' e'ñe parrocmatuet. Ñapa' ama mecha'teno ama't mamesha. Atarr nanac serrpare'tan Jesús po'ñoñ. ²⁹ Chocmach serrpare'ten epuet judionesha' ñeñt̄ e'muene' griega'chpa' tarraña amach pocteye' enteñeto. Allempoña'pa' o'pachet ñaña all o'ch muetset. ³⁰ Allempoña ñeñt̄ parro ame'ñenetpa' anmet

Saulo po'poñ anetso Cesareo. Alloṭpa' o' mueñet ñaña anetso Tarso.

Atto Pedropa' orrtatan Yompor po'partsoña all oteñet Lido

³¹ Atteñapa' o' muetsoñeñtuerra ñeñt amueroçhtatañ. All Judeo ñaña Galileo ñaña Samariopa' o'huañ amueroçhtatarettet atet pete't ahuaña. Allohuen ñeñt ame'ñetsa allo'na senet huomenc pa'nmuēt pueyoçhret. Atteñapa' o' shonta'nma ñeñt ame'ñetsa. Pame'ñeñoṭetpa' allo'na senet mecha'na'tnomuet Yompor. Ñaña allo'na Parets Puecamquēñpa' nanac coshatenanet. ³² Atteña Pedropa' çhocmach ta'yena emo'tyese' ñeñt ame'ñetsa. Parrochpa' o' çhap allo'tsen ñeñt ame'ñetsa all anetso pa'so'cheñ Lida. ³³ Allñapa' entosan puesheñarr yacma añ pa'so'cheñ Eneas. Ñapa' ahuaṭoteñ eçharrtena alla pa'nena o' posoc char. ³⁴ O' entos Pedropa' atet otos:

—O'ch Eneaso notaṣ, Jesucristopa' o'ch a'crraterreṣ. Te'ñapa' o'ch petanta o'ch pañño'ten pemue'.

Allorocma correna, o' tantena. ³⁵ Allohuen ñeñt yeçhetsa Lido ñaña Sarónopa' allempoña eñchetpa' cha puesuerret ñeñt ahuaṭ poçtaṣñet o' ame'ñerrñañet Yompor po'ñoñ.

Allempo Pedropa' tantaterran Tabita allempo rroma

³⁶ Eñall puesheñarr coyanesha' ñeñt ame'ñetsa añ pa'so'cheñ Tabita, añ ñeñtara so'chñets Tabita ñeñt otenet griegaçho Dorcas. Ñapa' arr yeçhena anetso ñeñt pa'so'cheñ Jope e'ñe alla

allame'tets Lido. Ñaña'apa' nanac amueraña, čhocmach yenpuenan ñeññ huocchañetyets. ³⁷ Allempopa' o' atsna't. Atsna'tpa' atteña'apa' o' rroma. Rromapa' pamo'tsesha'ña'apa' o' apach atet yečhenet ñet. Apatuetpa' o' pñanet enonet all tama a'yohuen bať. ³⁸ Allempoña ñeññ ame'ñetsa allpa' o' e'mare'chet Pedro allame'ttso'tsena all anets Lido. O' e'mare'chetpa' o' mueñet epsheña yacma attoch oteñeta' onepa' all allorocma.

Allempoña čhapuet Pedreshopa' ³⁹ Pedroña'apa' o' coterranet. Čhap allpa' o' anmet all cuarto eno allo'tsen arromñať. All tomčhen shonte' rretorrnanesha' ñeññ llecanrrortetsa. Allña'apa' all gatanna'tyenet ñeññ chorra'yenet ñeññ sepechye-sanet ahuaña Tabitañ. ⁴⁰ Pedroña'apa' mueñuanet allohuenet a'yenet. O' mueñuanet a'yenetpa' o' con-corposa, o' ma'yocha. Ma'yochuapa' o' puetallsa arromñaťeshonetpa' atet och:

—O'ch Tabita notañ, petanterra.

Allempoña'apa' acuerroche'. O' enterran Pedropa' čha anerrets. ⁴¹ Pedroña'apa' cheter pototpa' echanter attoch terr. Allempoña'apa' o' chore'terran ñeññ ame'ñetsa ñaña rretorrnaneshačhno. O' be'tosča'terretpa' o' gaterranet o' tanterra ñeññ rromats. ⁴² Allohuenet ñeññ yečhetsa all Jopopa' o' e'mare'chet atet pena Pedro. Ñeñño'marña shonte' ačeñ o' ame'ñeret Yepartseshar Jesús. ⁴³ Pedroña'apa' alla a'pa atomat alla Jopo. O' a'pa all Simón pa'paclo. Ñeññ Simónpa' añ po'taruas pen o'ch a'cohuenetyesan pa'rrom.

Atet ꝑa capitán Cornelio epuet Pedro

¹ Eñall puesheñarr capitán, añ socheꝛ Cornelio. Ñañaꝑa' allo'tsen anetso añ ꝑa'so'cheñ Cesarea. Allñaꝑa' ña mueñanatene' çharroch çharra' guardianesha' ñeñĩ oteñet Guardia Italiana. ² Añña Cornelioñaꝑa' nanac cohuen coꝑape'cheꝛ Partsocop, ñaña nanac mecha'na'teñ. Ama't ñeñĩ yeçhetsa e'ñe parro ñetpa'çho'ña coꝑape'cheteꝛ cohuen Partsocop. Ñapa' nanac amueraña, shonte' es apa'yesaneꝛ ñeñĩ es palltatseꝛ. Ñaña çhocmach ma'yoçhenana Parets. ³ Atta yeçhena ama't ahuatoteñ. Parroçpa' o' coya'nen atsne'pa' orrtoña ñeñĩ Yompor po'mllañoñeñer. Orrtoña atet ñerra'm pueçhopoñoõ, tarraña ama çhoye' çhopo'teñe. Tarraña o' orrtoñaꝑa' e'ñe cohuen eñch. O' huapapa' atet otos:

—¡Cornelio!

⁴ Ñañaꝑa' pueñcha'nañoꝛpa' atta cohue', al-
lotñaꝑa' atet otaꝑ:

—¿Eso'tña Partseshacha' pemnen?

Mellañoñeññaꝑa' alla otererr:

—Pema'yocheñoõ te'pa' o' yerpaꝑa Yompor. E'ñe pocte' entennaꝑ atto es ꝑapa'yeñ ñeñĩ es palltetsa. ⁵ Te'ñaꝑa' añ pocte' o'ch pemne acheñ Jopo o'ch ꝑagotach puesheñarr añ ꝑa'so'cheñ Simón, ñeñtara oteñet Pedro. ⁶ Ñapa' all a'puena po'psheñeñ Simón ꝑa'paclo. Te'pa' ñachña ꝑoterre' ñeñtcha' atet peperra. Ñehua, ñeñĩ Simón all a'puena Pedro ñeñtca'ye a'cohuenetyene'ña ꝑa'rrom. Pa'paquellpa' ontapo'tsen. Añpa' allohua atet ot Yompor po'mllañoñeñer.

7 Ñeñta otuapa' o' ahuerr. Ahuerrpa' Cornelioñapa' chore'tan epsheña ñeñt taruaset e'ñe alla pocollo, chore'tan ñaña puesheñarr po'solltarer ñeñtpa' ñaña po'taruas penet attoch cohuanñeñet po'cañtáñret. Añpa' ñeñt cohuen cotape'chets Partsocop ñaña. ⁸ Alloñpa' o' serrpare'tatanet ora atto orrtoña Yompor po'mllañoñeñer. Ñeñta serrpare'tatuanetpa' o' mueñanet Jopo. Allempoñapa' ahuanmuet. ⁹ Tsapañña' o' chapmochet Jopo. O' chapmochetpa' Pedroña e'ñe alla pocollopa' o' a'tap eno allcha' ma'yochosa. Allempopa' chapmoch pocto. ¹⁰ O' chapmoch poctopa' cheporra Pedro. Atarro' mueneñeñ o'ch rra'pa' tarraña ama potena'ña rreñets. Alla cohuenpa' o' huapoña ñeñt atet ñerra'm cho' es chopo'ten. ¹¹ Entoñapa' o' entan ñeñt atet ñerra'm atarr shetamuets. Enoñpa' cha sohuanñepesnena, ačharamñpsaret pa'tats po'topñe'marot. Añña ñeñt ačharamñpsaretpa' sohua'netza patsonet e'ñe ñeshoneñ. ¹² Allña shetamtso e'ñe o'ponopa' allo'tsa'yen shonte' pa'namen berročno, ama't po'poñ berročno ñeñt ama arrapoye' eñche'te judionesha'. Ñaña allo'tsa'yen pa'namen shechpečno ñaña pa'namen otečno. ¹³ O' chap allame'tets ñesho, Pedroñapa' e'man ñoñets, atet oten:

—Pedro o'ch pemtsa añ berr o'ch perre'.

¹⁴ Pedroñapa' atet ot:

—Ama Nompocha', nerreñe. Napa' ama't ahuañapa' ama nerrare ñeñt ama arrapahuoyaye atet yeychena ya ñeñtey judioneshay.

15 Allempoñapa' o' alla oterrerr ñeñt eñets, atet ot:

—Ñeñt o' a'cohuentatua Yomporpa' p̄apa' amach p̄otatsto añmapa' ama cohuenayaye.

16 Añpa' e'ñe ma'pocha e'm̄pa' allempoñapa' o' alla a'terr enoneŧ, o' alla chenquerra.

17 Allempoñapa' Pedropa' nanac moñne'tacha, o' cotape'chpa' atet ot:

—Esuañaca' otenenña ñeñt o' nentua.

Ñeñt nanac moñne'tenapa' allempocma chap ñaña ñeñt mueñen Cornelio. Ñetpa' o' a'p̄to'tnomuet errate' yeçhenaña Simón. Allempoña entoñet Simón pa'paquëllpa', o' chapuet alloŧ be'tenetpa' 18 o' chore'toset atet otoset:

—¿Arre't a'puenaña ñeñt soçetsa Simón ñeñtara ñeñt otenet Pedro?

19 Pedroñapa' e'ñe alla enopa' ama't orameñ moñne'tenana ñeñt o' entuapa' añña Parets Puecamquëñpa' atet och:

—O' chap ma'psheña acheñ ñeñt pe'nene'.

20 Te'pa' o'ch pesuerra fayecma o'ch p̄octerranet. Amach pem̄cha'tatsto. Napa' na mueñenahuet atto huapuet arr. Añpa' atet ot Parets Puecamquëñ.

21 Ñeñña otuepa' Pedroñapa' asuerroche' patso. O' chap allo'tsen añ ma'psheña atet otapanet:

—Napa' naña ñeñten se'nen. ¿Esoca'p̄ña se-huena?

22 Ñetñapa' atet ochet:

—Yapa' añ yem̄nene' capitán Cornelio. Capitánpa' oten p̄onepa'to'. Ñapa' orroña Parets po'm̄llañoŧeñer atet och: “Pagotach Pedro onepa'. Ñaña pocte' o'ch pe'm̄ñoç ñeñtcha' atet otap̄.”

Atet och Parets po'millañoñeñer. Ñeñto'marña yapa' o' yehuapa. Tarro'mar capitán Corneliopa' ñapa' e'ñe cohuen coťape'chen Partsocop ñaña nanac mecha'na'teñ. E'ñe cohuen enteñ allohuen judionesha'.

²³ Allempoña Pedropa' atet otapanet:

—Ñehua, sebe'tos allach sa'pa, tsapaťachña ahuey parro.

Allña'pa' alla moset, tsapaťña'pa' ahuanenet. Po'potantaña'cho'ña ñeñť ame'ñetsa e'ñe alla Jopopa' o' coťa'huanmuet ñamet.

²⁴ Tsapaťña'pa' o' ċhapuet Cesareo. Cornelioña'pa' alla cohuenan Pedro o'ch huapa. Ñapa' o' hua'ña'huan pamo'tsesha' ñaña po'potantañ ñeñť epuet yemtena. Ñetña'pa' all cohueñet e'ñe parro. ²⁵ O' huapa Pedro. O' huapapa' Cornelioña'pa' o' tantnoma attoch o'ch poctať. O' concorposñaña o'ch ma'yochaťya. ²⁶ Tarraña Pedroña'pa' o' cheterpa' atet och:

—Petanterra, amach pema'yochatsetno. Napa'cho'ña arromñaťena.

²⁷ O' tanterrapa' serrpare'tatanna'tet mame'pa' alloťña'pa' o' be'tosċha'tet pocollo. Allña'pa' o' entosan shonte' acheñ ñeñť o' ċhaċha't.

²⁸ Allempoña'pa' otanet Pedro:

—Sapa' señoťeñ ya judioneshaypa' ama pocteye'yenteñe o'ch yeyemcha po'poñ acheñ ñeñť ama judioneshayaye. Tarro'mar yapa' atet yeyċhena amach yeya'rrotatsche acheñ ñeñť ama judioneshayaye. Tarraña te' Yomporpa' o' yeċhatuan amach yentatsche po'psheñeñ atet ñerra'mrrate' ñeñť ama cohuenayaye. ²⁹ Ñeñto'marña te'pa'

o' nohuapa arr tayecma allempo agotatenet. Te'ñapa' o'ch na'p'to'taḡ ¿esocopte' ḡagotatenen?

³⁰ Allempoñapa' Cornelioñapa' atet ot:

—Ahuaña o' taya pa'tatsmat met, napa' alla nema'yochena, ñaña nema'yocheñoḡ o' nequechpa' nerrar mame'. Ñeñt attecma nepena allempocma nema'yochena nepaclo atet ñerra'm te' coya'nen atsne'. Allempopa' machayoḡa orrtona puesheñarr yacma e'ñe allame'tets. Pa'shtampa' añ chorrena ñeñt nanac cohuen poptetsa. ³¹ Ñaña' otosen: “Cornelio, pema'yocheñoḡ te'pa' e'mueneḡ Yompor. E'ñe pocte' entennaḡ atto es ḡapa'yeñ ñeñt es palltetsa. Ñeñto'marña te'pa' o' yerpaḡa. ³² Te'ñapa' o'ch pemñe acheñ Jopo o'ch ḡagotach puesheñarr ñeñt pa'so'cheñ Simón ñeñtara ñeñt otenet Pedro. Ñapa' alla a'puena po'psheñeñ Simón pa'paclo. Ñach huapatsapa' ñapa' serrpare'tatoseḡcha'. Ñehua, ñeñt Simón all a'puena Pedro ñeñtca'ye a'cohuenetyene'ña pa'rrom. Pa'paquellpa' ontapo'tsen.” Añpa' allohua atet oten ñeñt norrtoya. ³³ Ñeñto'marña nagotateneḡ. Te'pa' e'ñe pocte' o' pehuapa. Te'pa' Yompor eñoteny ñeñt ey arro'tsa'yeney yemneñ o'ch ye'mñotaḡ o'ch peserrpare'tatey errponte' Yompor yechateneḡ.

Allempo Pedropa' serrpare'tatosanet Cornelio pa'paclo

³⁴ Pedroñapa' alla oterrerr:

—Po'ñoḡ te'pa' o' neñoḡ tarro'mar o' ḡapona neyoḡhro, ama ñapḡa judionesha' morrentenoña Yompor. ³⁵ Añña ama't erra'tsen pa'namen acheñ,

eñallcha'ña puesheña'tets ñeñtcha' mecha'na'tene' Yompor ñaña ñeñtcha' e'ñe cohuen es pets Yomporcop. Ñeñt'pa' e'ñech pocte' enteñ Yompor, ama't erra'tsena acheñer.

³⁶⁻³⁷ Alla oterrerr Pedro:

—Sapa' señoñe'tña Yomporpa' o' mueñonay Puechemer Jesucristo, ñeñtey judioneshapay. Añ ñeñtara Jesús'pa' o' a'pocatuonay e'ñe cohuen Partsocop attoch cosheñtso'tseneycha'. Te'ñapa' ñach Yepartseshar yeperr allohueney. Añ cohuen ñoñetspa' o' serrpare'tuet erracmañen Judeo'mar. Ñanompa' serrpare'chete't Galileo allempo apate't Juanañ.

³⁸ Alla oterranneterr Pedro:

—Señoñe't Yomporpa' o' nan Puechemer Jesús ñeñt nazareto'marnesha'. O' chorracha Parets Puecamquēñ ñaña nanac ahuamenca't pe'. Allo'tpa' all chopeñe'chyese'tpa' nanac amuerañe't. A'crratyesane't allohuen ñeñt muerochtatyese't oneñe't, tarro'mar Pomporpa' nanac yenpue't.

³⁹ Alla oterranneterr Pedro:

—Yapa' o' yentuoñ ora allpon atet pa'yese't all yeçhena judionesha' ñaña all Jerusaléño. Yapa' o' yentue ñeñto'marña te'pa' o' ya'potoñ ñeñt atet pa'yese't. Allo'tñapa' o' corso'tam̄pset tsacho, atto muetset. ⁴⁰ Tarraña poma'pamtañopa' tantater Pompor. Allempoña Pomporpa' orrtaterrnay e'ñe ya yocop. ⁴¹ Tarraña ama allohuenacpaye' orrterro, e'ñe yañeñacpa ñeñtey na' Yompor o'ch ya'potoñ ñeñt atet pe't Jesús. Allempoña tanterrapa' yapa' yerrallme'chapretuer ñaña yorruerr coñe'ta'tets parro.

⁴² Alla oterrerr Pedro:

—Ñapa' o' otey o'ch yeserrpare'tach acheñenesha', o'ch ya'potoñ atto yeñoch Yomporpa' o' nan Puechemer Jesús ñach acre' allohuen acheñenesha'—errotenchá' corret puesheña'ttset. Acrancha' allohuen acheñenesha' ama't ñeñt corretsa ñaña ama't ñeñt o' colla'huenta.

⁴³ Alla oterrerr Pedro:

—Ñeñt ama't ahuat ñeñt a'mtaye't Yompor po'ñoñpa' ñeñtara Jesús a'potete't. Ama't ahuat ñetpa' otete't ñerra'm yame'ñera ña Pomporpa' e'ñech peretna'huernay yo'chñar.

Allempo ñanom chorranet Parets Puecamquëñ ñeñt ama judioneshayaye

⁴⁴ Ama't allempo serrpare'ten Pedropa' añña Parets Puecamquëñpa' ahuepa't chorranet allohuenet ñeñtet e'mñote'. ⁴⁵ Añña judionesha' ñeñt ame'ñetsa ñeñt parro huapa Pedro, ñetñapa' atta cohuanrrortenet, o' otet:

—Errotenotuáte'ca'ye chorranet ñamet Parets Puecamquëñ e'ñe attota, ñetpa' amaca'ye judioneshayayeto. Ate't otet ñet.

⁴⁶ Tarraña po'ñoçhpa' ahuepa't chorranet ñamet Parets Puecamquëñ tarro'mar ñetpa'cho'ña ahuepa't eñosyeset po'poñ ñoñtso. E'ñe po'poñ ñoñtso aye'choçhtachet Yompor. Atto e'manet judionesha'. Allempoñapa' atet ot Pedro:

⁴⁷ —Ama't pocte' senteñe o'ch apatarettet Partsocop. Tarro'mar o' chorranet Parets Puecamquëñ e'ñe atet ñerra'm ya.

⁴⁸ Allempoñapa' otanet Pedro:

—Te'pa' e'ñe pocte' same'ñeñoñ Jesucristo o'ch sapatare'tta.

Allempoña apataretetuetpa' atet ochet Pedro a'puepa'to' alla allponmat.

11

*Allempo Pedropa' serrpare'tatuerranet
Jerusaléño*

¹ O' allponmat Jesúsña puellsensarnesha' o' e'mare'chet atto po'poñ acheñ ñeñt ama judioneshayaye o' ame'ñerrñañet ñamet Yompor po'ñoñ. Atto e'mare'ch Jesús puellsensarnesha' ñaña po'poñečno acheñ ñeñt ame'ñetsa all Judeo. ² Allempoña ahuerr Pedro. Allempo çherr Jerusaléño'pa' judionesha' ñeñt ame'ñetsa allpa' o' che'ptare'tapueret Pedro. ³ O' che'ptare'chet Pedro, atet ochet:

—Eso'mare'tña petaña allo'tsen ñeñt ama judioneshayaye, ama't allpa' o'te' cha perrallme'chapretos—anet.

⁴ Allempoña Pedropa' o' serrpare'tatuerranet ñeñt e'ñe atet pa; ⁵ atet otanet:

—Napa' allo'tsenen Jopo. Allempo nema'yochena huapona ñeñt atet ñerra'm cho' es yeçhop'ten. Entoñapa' o' nent ñeñt atet ñerra'mrrate' shetamuets. Eno'tpa' cha sohua'nena açharampsaret e'ñe pa'tats po'to'pñe'maro't. Añña ñeñt açharampsaretpa' sohua'netsa patsonet e'ñe neshonet. ⁶ Napa' o' necue'pa' allña o'ponopa' nent pa'namen berroçhno ñaña ñeñt puetsato'mar, ama't po'poñ berroçhno ñeñt ama arrapahuoye'yenteno ya ñeñtey judioneshay. Nent ñaña pa'namen shechpeçhno, ama't ñaña pa'namen

otečno. ⁷ Allempoñapa' ne'm ñoñets, atet oten: "Pedro o'ch pemtsa añ berr o'ch perre." ⁸ Tarraña napa' not: "Ama Nomporka' nerreñe. Napa' ama't ahuañapa' ama nerrare ñeñt ama arrapahuoyaye atet yeyçhena ya judioneshay." ⁹ Allempoñapa' alla oterrerr ñeñt eñets entot, atet ot: "Ñeñt o' a'cohuentatua Yomporpa' papa' amach potatsto añmapa' ama cohuenayaye." ¹⁰ Añpa' e'ñe ma'pocha ne'mpa' allempoñapa' o' alla a'terr enonet o' alla chenquerra—ora. ¹¹ Allempocma o' çhap ñaña ma'psheña acheñ. Chapuet all pocollo all nommuena. Añ ma'psheña acheña' arroñ mueñonet Cesareot. ¹² Añña Yompor Puecamquëñña' oten o'ch nocterranet. Oten amach nemcha'tatsto. Añ pechapsheña ñeñt arro'tsen te' o' yahuanma parro. Allempoñapa' yeçhap pa'paclo ñeñt nagotatene'. ¹³ Allempoña o' yeçhap pa'paclopa' ñaña' o' serrpare'tatapuey atto' orrtoña Yompor po'millañoñeñer. Orrtoña' atet otos: "Añ pocte' o'ch pemñe acheñ Jopo o'ch pagotach puesheñarr añ pa'so'cheñ Simón ñeñtara ñeñt otenet Pedro. ¹⁴ Añña Pedropa' ñeñtcha' peñotate' attoch pequeshperra ñaña allohuen pamo'tsesha'." Atet oten Yompor po'millañoñeñer. ¹⁵ Nañapa' o' neserrpare'tosñañ Yompor po'ñoñ. Allempo neserrpare'tenpa' añña Paretts Puecamquëñpa' ahuepa't chorr Janet. O' chorr Janet ñet e'ñe attecma chorra'ya ahuaña yaña. ¹⁶ Allempoñapa' o' neyerepya atet otey ahuaña Yepartseshar Jesús: "Juanañpa' e'ñe oñoçhaya apate't tarraña na añcha'ña nechorratasa Paretts Puecamquëñ."

17 Ñehua, Yomporpa' e'ñe pocte' enteñ o'ch chorranel ñet e'ñe attecma atet chorra'ya ya allempo yame'ñya Yepartseshar Jesucristo. Ñehua, ñerra'm e'ñe pocte' enteñ Yomporpa' nañapa' errotenuate'ca'ye neche'ptare'chña Yompor.

18 Ñeñta otuapa' allempoñapa' alla moma'huet allohuenet. Allempoñapa' o' aye'chochtatoñet Yompor, atet otet:

—Ama't po'poñ acheñ ñeñt ama judione-shayaye Yomporpa' mueneñ o'ch cotape'cherret ello cohuen alloch ñetpa'cho'ña corretsetach pocsheñeshocmañen e'ñe tayoteñ errponañohuen. Allohua ñeñt atet pa Pedro ñaña Cornelio.

Atto epa'hua Yompor po'ñoñ errañaren

19 Allempo muetset Estebanpa' allem-poteñña orrta muerochteñets. Nanac muerochtachete't ñeñt ame'ñetsa. Ñeñto'marña yetrra'tyeset allemeña, parratse'tyeset po'poñ anetso'mar. Puesheña'tetspa' ahuanmuet Fenicio'mar, po'potantañña' ahuanmuet Chipro, po'potantañpa' ahuanomyeset Antioquío. All chopeñe'chyesnomuetpa' all serrpare'tyesnomuet Yompor po'ñoñ, tarraña aña serrpare'tatnomuet ñapuet judionesha'.

20 Tarraña puesheña'tets chipro'marnesha' ñaña cireneo'marnesha' ñeñt ame'ñetsapa' o' chapuet Antioquío. Allñapa' aña serrpare'tatoset ñeñt griegonesha'. Añ serrpare'tet ñeñt atet pena Yepartseshar Jesús. 21 Yomporpa' nanac ahuamencat panet. Ñeñto'marña shonte' acheñ ame'ñachet Yepartseshar Jesús, o' a'ypo'ña'huerret ñeñt ahua't pocta'pñet. 22 Añña ñeñt ame'ñetsa

Jerusaléñopa' o' e'mare'chet atto shonte' ame'ñetsa Antioquíó. Ñeñto'marña mueñet Bernabé Antioquíó, o'ch yenpuenaneta'. ²³ Allempo chap Bernabé allpa' entosan po'ñoch o' orrta Yompor puemuereña all. Ñeñto'marña nanac coshosa. O' cotape'chatosanet, atet otanet:

—Amach sequechpatstere Yompor po'ñoñ. Huomenccha' sepa' seyocher.

²⁴ Añña Bernabépa' ñapa' nanac amueraña, nanac chorreña Parets Puecamquëñ. Atarr ame'ñena. Ñeñto'marña shonte' ame'ñatana acheñenesha' attoch coteret Yepartseshar.

²⁵ Allempoña ahuo' Bernabé. O' chap Tarso allcha' e'nerrana' Saulo. Allña entospa' a'secher o'ch aner Antioquíó. ²⁶ Epsheño'maret alla a'puet paterr char Antioquíó. Allña' nanac yeçhachete't ñeñt a'pchatse't all pame'ñeño'tet Yompor. Shonte' acheñ ame'ñatsa all. All Antioquíopa' añ asocharettet ñeñt ame'ñetsa “Cristona'tarnesha'.” Ñanom arr Antioquíó asocharettet atet.

²⁷ Allempoña Jerusaléñopa' allo'tsen pueheña'tets ñeñt a'mtene' Yompor po'ñoñ. Parrochpa' onaçha'tet. Chapuet Antioquíopa' ²⁸ añña ñeñt pa'so'cheñ Agabopa' o' tomospa' serrpare'tatosanet, atet otanet:

—Orrtach muecheñets esempo erraparen patso. Añpa' allohua ñeñt atet ot Agabo.

Añ eñotate' Yompor Puecamquëñ, ama't allempopa' ama orrtena' muecheñets. Allempo amcha'tare'tta Claudiopa' allempo'ña orrta muecheñets. ²⁹ Ñeñto'marña allohuen ñeñt

ame'ñetsa Antioquíopa' o' a'pochtachet o'ch mueñet ñeñtcha' yenpue' pa'mo'nasheñnesha' ñeñt yeçhetsa Judeo. ³⁰ Allpon echyenetpa' allpon apa'yeset. Ateñ a'pochtachetpa' ateñcho' pet. O' apueñet Bernabé ñaña Saulo, ñetñapa' anmet Jerusaléño, allñapa' aposet ñeñt pompornesha' pen ñeñt ame'ñetsa Jerusaléño.

12

Allempo añcha'tareñ Herodes muetsaterran Jacobo, yottañpsatan ñaña Pedro

¹ Allempopa' añña añcha'tareñ Herodespa' rromatan puesheña'tets ñeñt ame'ñetsa attoch mueroçhtachet. ² Rromuet Jacobo o' muetset. Añ Jacoboñpa' ñeñtara ñeñt Juan pa'mo'nasheñ. Atto muetsetpa' cho pechoñet poñ. ³ Ñeñtña muetse'pa' nanac coshatan judionesha' ñeñt ama ame'ñetso. Allempoña añcha'taretpa' nanac mueneñ o'ch alla coshaterranerr judionesha'. Ñeñto'marña pascuapopa' allempoch rrerretterr pan ñeñt ama a'chasareteyayepa' o' alla rromaterranerr ñaña Pedro. ⁴ Rromuet Pedropa' o' abe'tet cárcelo. Net çharra' puechena pechap solltarnesha' ñeñtcha' cohuañpse'. Ñanompa' o'ch neñet pa'tatssheña solltarnesha' ñeñtcha' cohuañpene'. Allotpa' o'chña muenme'cheñetpa' o'ch huena po'potantañ pa'tatssheña ñeñtcha' cohuañpene' ñaña. Ñeñtña çharra' puechena pechap solltarpa' attach penet, çhach cañyannenet. Añ cotape'chña Herodes o'ch metua pascuapopa' o'ch orrtatan Pedro allo'tsa'yen acheñenesha'. ⁵ Atteñapa' nanac

huomenc cohueñet Pedro cárcelo. Tarraña ñeñt ame'ñetsapa' atarr ma'yochamñeñet Pedro.

Atto Yompor po'mllañoñeñerpa' cha'nmaterran Pedro cárcelot

⁶ Atteñapa' allponmat o' chap allempoch tsapatcha' Herodespa' o'ch orrtata'muenan Pedro allo'tsa'yen acheñenesha'. Tsapoña Pedropa' all muenpa' all rroçhtamñeñ epsheña guardia all rromamñeñet allo ehuancařet cadeno epo'mar pueçot. Ñaña a'yotpa' all cohuanñeñ po'potantañ soltar e'ñe allot be'tenet. ⁷ Atteñapa' machayořa puetaresua e'ñe alla o'pono. Orrtoña Yompor po'mllañoñeñer. Añña mellañoñeñpa' o' a'p'llan Pedro puepototpa' o' opuepa' atet och:

—Petanta řecma.

Añña cadena allo' huanquëñetpa' cha pueya'nets e'ñe ñořa. ⁸ Añña mellañoñeñpa' atet och:

—Pechana'pena peshtam, o'ch penen ñaña pesapat.

Atet och mellañoñeñpa' atto'çho' řa. Allempoñapa' alla otererr:

—Te'pa' pechorrena ñaña peshtam ñeñt penen enot. Allempoñapa' o'ch řoçtenen.

⁹ Allempoñapa' o' cha'nen cořa'nenan mellañoñeñ. Pedroñapa' cha otenapañ attate' çhopo'teñ, tarraña ama çhoye' çhopo'teñ. Allempoñapa' o' ahuanenet. ¹⁰ Ahuanenetpa' o' metenet all cohuen puesheñarr guardia. Ahuerreterr allponpa' o' meterreterr all cohuen po'psheñeñ guardia. Allempoñapa' o' çhenet allot e'ñe cha'nenet allecma chopeñe'chen acheñenesha'. Chenet yetarropa' ñeñtña yetarřpa'

asret nanac echarr. O' čhenet e'ñe allpa' añña yetarrpa' o' tora'nom e'ñe ñoña. Tora'nenpa' ñetñapa' o' čha'nenet. Chenet a'yoťpa' allñapa' all chope'chnomuet e'ñe parro mame'pa' allotñapa' o' ahuerrña Yompor po'millañoťeñer allotñapa' o' ñapťamena Pedro. ¹¹ Allempoñapa' čhapoña Pedro pueyočhro, atet ot:

—Po'ñočhepa't ama čhoye' nečhopo'teñe. Yomprepa't mueñene' po'millañoťeñer attoch a'qeshpäten. Te'pa' Herodespa' amach erroť pã'no. Judionesha'pa'čho'ña e'ñe orrena o'patenna.

¹² O' čhapoña pueyočhro tematenñapa' o' čhap allo'tsen María pa'paquell. Añña Maríapa' ñeñť pachor Juan Marcos. Chap all pa'paclopa' allñapa' allo'tsa'yen shonte' acheñ all ma'yochenet o'pono. ¹³ O' čhap allot be'tenetpa' chore'tosanet. O'ponoťñapa' čha'nom puesheñarr shopshesha' añ pa'so'cheñ Rode. ¹⁴ Huapapa' o' cheme'tan Pedro po'ñoñ. Pocsheñesha' materra o'pono o'ch oterrana' acheñenesha' ñeñť o'pono'tsa'yen. Tarraña ama torampsano Pedro. Cherr o'ponopa' atet otanet:

—Pedrepa't o' huena, allo'tsena a'yoť.

¹⁵ Ñetñapa' čha otet:

—Amate'ca'ye ñeñťeyaye, atťa pťotyen čhate' pemospuena.

Ñaña'pa' alla oterrerr:

—Po'ñočhca'ye Pedro.

Ñetñapa' oterreterr:

—Amate' Pedroyaye. Ñato' añte' Yompor po'millañoťeñer ñeñťcha' cohuanpse' Pedro.

16 Atteñapa' Pedroñapa' alla chore'terraneterr yetarroť. Allempoñapa' toram̃pset. Toram̃psetpa' añepa't Pedro. Allempoñapa' atta cohuanrrortet.

17 Pedroñapa' o' echantan pot attoch o'ch muetsoñeñtet allochñapa' o'ch serrpare'tatuenanet. Allempoña o' muetsoñeñtuetpa' atet otanet atto Yomporpa' o' cha'nmater cárceloť. Otanet ñaña:

—O'ch soteña' Jacobo ñaña po'potantañ masheñnesha' atto cha'nmaterren Yompor po'mllañoñeñer.

Allempoñapa' alla ahuerr Pedro.

18 Atteñapa' o' puetaren. Arrña cárcelo solltarne-sha'ñapa' puenñchañoťetpa' otanna'tyeset:

—Errotenoťuañaca'ye cha'nenña Pedro. Er-rahuañaca'ye o' ahuen.

19 Atteñapa' o' e'nater Herodespa' ama esesha' entaye. O' alla a'pťo'tare'tereterr solltarne-sha' ñeñť cohuene' cárcel ama esesha' entaye errotenote' o' ahuen. Allempoña Herodesñapa' o' mueño'tuan solltarnesha' a'yo allcha' muetsanatatuanet. O' allponmat Herodesñapa' o'cho' ahuo' Judeoť o'ch ahuo' Cesareo allñapa' allach allponmatena'.

20 Allempoña Herodesñapa' nanac e'moñe'tenan tiro'marnesha' ñaña sidóno'marnesha'. Ñeñťo'marña o'huañ apanet rreñets ñeñť nanac palltenet pa'nyeto. Ñeñťo'marña ñetpa' mueneñet o'ch alla amo'tsteret Herodes attoch o'ch alla apuerranet ñeñť palltenet. Ñeñťo'marña huača'ta shonte' tiro'marnesha' ñaña sidóno'marnesha' o'ch enteñeta' Herodes. Añña Herodes pa'taruasañer añ pa'so'cheñ Blastopa' e'ñe cohuen entapanet. Ñaña'pa'

o' a'pochtatanet attoch ñetpa' serrpare'tet epuet amcha'taret. ²¹ Chap allempo'ch serrpare'tet epuet amcha'taretpa' Herodesñapa' o' chorrana nanac cochnesha' pa'shtampa' anorros po'conañopa' eñosos. O' eños atet ñerra'm ñeñt amcha'taret nanac. ²² O'ña eñosua acheñenesha'ñapa' o' rrannartetpa' atet otyeset:

—Ama acheñenocheye' eñetso, Partsepa't eñets.

²³ E'ñepa'tcha' allempocma huapoña Yompor po'mllañoñeñer o' atsna'tatosan Herodes. O' atsna'tpa' e'ñe rrohue pueña' o' rroma. Tarro'mar Herodespa' mueneñ o'ch Partsocoptarta. Acheñenesha'ñapa' o' aye'chochtatoñet atet ñerra'm Parets. Amaña çhoye' otaneto eñallña paterr Yompor. Añpa' allohua atet pe't Herodesoñ.

²⁴ Allempoñapa' o' epa'hua Yompor po'ñoñ erracmañen. Allo'na ame'ña'huanena shonte' acheñenesha'.

²⁵ Añña Bernabé epuet Saulopa' o' asueneta' Jerusaléño, pomhueneta' quelle. Pomhueneta' quellepa' o' puerraçherret Jerusaléño. Añña Juan Marcospa' o' coterranet.

13

Allempo Pablo ñaña Bernabépa' ahuo't serrpare'tatoset anetso Chipro

¹ Ñeñt pame'ñeñoñet apçhatse't Antioquíopa' allo'tsen puesheña'tets acheñ ñeñt a'mtene' Parets po'ñoñ, ñaña allo'tsen ñeñt nanac cohuen yeçhatatse't Yompor po'ñoñ ñeñt atet ñerra'm añ: Bernabé, ñaña Simón, ñeñt Simónpa' oteñet ñaña Negro, ñaña allo'tsen

Lucio ñeñt̃ cireneo'marnesha' ñaña allo'tsen Manaén ñeñt̃ parro cheshat Herodes ñeñt̃ añcha'tarettetsa all Galileo, ñaña allo'tsen Saulo.

² Allempo čhocma cohuentatoñete't̃ Yompor, ñaña errotenopa' čhoch tore'tete't̃.* Atteña añña Parets Puecamquëñpa' eñotatanet, atet̃ otanet:

—Añ pocte' o'ch sene' Bernabé ñaña Saulo ñetpa' o'ch senanet nocop. Napa' o'ch napanet ñeñt̃cha' po'taruas pet nocop.

³ E'ñe allempopa' tore'tetset. Allempoñapa' ma'yochet. Ma'yochuetpa' o' net pot ñeshetopa' allsensarettet allcha' torroñet Yompor po'taruas.

⁴ Allsensarettet e'ñe Parets Puecamquëño'tpa' ahuanmuet Seleucio. Seleucio'tñapa' ahuanm̃p̃set boto, o' chapuet Chipro. ⁵ Allña pueblo all chapuetpa' añ pa'so'cheñ Salamina. Chapuet Salaminopa' o' ahuanmuet judionesha' po'prahuo allcha' serrpare'tosñañet Yompor po'ñoñ. Ñaña cotenanet Juan Marcos ñeñt̃cha' yenpahué. ⁶ Atteñapa' o' ahuanmuet serrpare'tats erracmañen all oteñet Chipre. Chapuet po'poñ anetso añ pa'so'cheñ Pafos. Allñapa' entoset puesheñarr judionesha' ñeñt̃pa' achyo'tañ añ pa'so'cheñ Barjesús. Ñaña' nanac serrpare'taten, tarraña ama Yomporeye' po'ñoñ a'mteno. ⁷ Ñaña' čhocma yemtenana ñeñt̃ añcha'tarettetsa atet̃ ñerra'm gobierno' ñeñt̃ allo'tsen. Añña añcha'tare'tpa' añ pa'so'cheñ Sergio Paulo, ñeñt̃pa' nanac es eñot. Añña

* **13:2** Añ tore'teñetspa' añecop o'ch yetorra Yomporecop. Amach añecpayaye atomat, ñeñt̃pa' añecpa mameshacop o'ch yequečpa' yerrar.

am̃cha'taretpa' o' agotatan Bernabé ñaña Saulo. Ñapa' mueneñ o'ch e'man Yompor po'ñoñ atet serrpare'tenet. ⁸ Tarraña ñeñt̃ achyo'tañpa' ama muenatano am̃cha'taret o'ch ame'ña. Ñaña' mueneñ o'ch a'mchettanet attoch amach ame'ñacheto am̃cha'taret. Añ ñeñt̃ achyo'tañpa' ñeñt̃ara oteñet ñaña Elimas. ⁹ Allempoña Saulopa' o' huomenc cohuenan ñeñt̃ achyo'tañ. Ñehua, Saulopa' ñeñt̃ara oteñet ñaña Pablo. Ñaña' e'ñe chorreña Paret̃s Puecamquẽ. ¹⁰ O' cohuan achyo'tañpa' atet och:

—Papa' nanac peshquẽñ acheñ, nanac peyeçcaten ñeñt̃ ama cohuenayaye. Aña p̃ompor pepen oneñet̃. Nanac pe'moñe'teñ ñeñt̃ poctetsa Yomporecop. Esemphuachñaca' peuna'ña atto p̃oten ama cohuenaye Yompor po'ñoñ. Añpa' ñeñt̃ña po'ñoçh ñeñt̃ cohuentetsa. ¹¹ Te'ña Yomporpa' o'ch tsa'tatapa. Te'pa' amach pecuerro. Allponmatcha' amach penterro puetare'.

Allempocma o' checmetmara enta. All chopeñe'chenpa' attach otyenanet:

—Sanmuen, o'ch secha'nmuen.

¹² O' entan am̃cha'taret atetpa' o' ame'ña. Atarr huomenc entan Yompor po'ñoñ. Allohua atet pete't̃ all Pafoso.

Allempo ñanom asena' Pablo Asio

¹³ Allempoña Pablo ñaña ñeñt̃ cotene'pa' o' ahuañp̃set boto o' chapuet Pergo ñeñt̃ allara Panfilio. Chapuet Pergopa' Juanña Marcospa' o' sa'nerranet. O' alla ahuer Jerusalem. ¹⁴ Allempoña Pablo ñaña Bernabépa'

ahuanerreterr, o' chapuet anetso ñeñ pa'so'cheñ ñaña Antioquía ñeñ allara Pisidio. Allempopa' o' čhapa'muen allempo amesen judionesha' Pabloña ñaña Bernabépa' o' ahuanmuet judionesha' po'prahuo. Allñapa' anorrča'toset ñamet. ¹⁵ Allña judionesha' po'prahuopa' o' lleyoñet Moisés po'ñoñ ñaña po'poñ ñeñ a'mítaye't ahuať Yompor po'ñoñ. Allempoña o' lleya'huetpa' añña ñeñ amiča'tarettetsa puerahuopa' atet otanet:

—Eseshaste' masheñneshare echene' ñoñets attoch soctape'chateypa' ñato' o'ch seserrpare'tatey.

¹⁶ Allempoña Pablopa' o' tomospa' echantan pot attoch muetsoñeñtuet atet otanet:

—Masheñnesha judioneshacha' ñaña allohuenes ñeñtes mecha'na'tene' Yompor, se'mñoten, o'ch notas: ¹⁷ Yapa' israelena'tarey ahuať Yomporpa' e'ñe pocte'entane't yatañneshañ. Nanac a'míratanet allempo a'puete't Egipto. E'ñe Yompor po'huamencoťpa' o' ahuanerranet Egiptoť. ¹⁸ Ama't atomat char allempo chopeñe'chete't amaratareropa' chocma cohuanñpsanet e'ñe cohuen, ñato' pa'tatsoch čharrá' charťe' cohuanñpsanet. ¹⁹ Allempoña čhačerret alla Canaáno Yomporpa' o' huapore'tatuerran cančherr po'poñe'ttsočma ačeñ ñeñ yeča'yestse't all attoch apa'yerran yatañneshañ po'patseñ, e'ñe ñoçpuet ama't ñaña puechemereshacpuet. ²⁰ Allempoteñ ñato' cuatrocientos cincuenta charťe' o' nanet ñeñčha' amiča'tarettatsa ñoçpuet. Atteñapa' o' čhap allempo orrta ñeñ a'mítaye't Yompor po'ñoñ ahuať, añ pa'so'cheñ Samuel. ²¹ Allempoña

acheñenesha'pa' enamet Yompor o'ch apanet puešeñarr rey ñeñtcha' nanac amcha'tarettatsa. O' nanet añ pa'so'cheñ Saúl ñeñt Cis puechemer ñeñtara pamo'tsna'tar Benjamín. Añña Saúlpa' o' amcha'taretta pa'tatsoch çharra' char. ²² Allempoña Yomporpa' o' puerratañper attoch o'huañ amcha'taretta Saúlpa' o' alla nerran po'psheñeñ ñeñt pa'so'cheñ David ñeñtara Isaí† puechemer. Añ Davidpa' e'ñe pocte' eñch Yompor ñeñto'marña atet ot ñocop: "Davidpa' e'ñe attecma cotape'chen atet noctape'chen na neyoçhro. Ñeñto'mar neñoteñ ñapa' o'ch ame'ña'na na e'ñe poctacma."

²³ Alla oterraneterr Pablo:

—Ñeñt puešeñarr David po'mrenñoñ Yomporpa' o' orrtatonay yocop ñeñtey israelena'tarey ñeñtcha' ya'queshpatterre'. Añ pa'so'cheñ Jesús. Te'pa' o' etsota atet otye't Yompor ahuat. ²⁴ Tarraña ama çhena' allempoch serrpare'tos Jesús pa' añ ñanom orrtatsa Juanañ. Ñapa' serrpare'te't atet oche't, añ pocte' o'ch yoctape'cherr ello cohuen etserra allempoñapa' o'ch yapataretta Partsocop. Atet serrpare'tatey allohueney ñeñtey israelena'tarey. ²⁵ O' e'nuamochan ñeñt po'taruas pa'pa' Juanañña'apa' atet otanet: "Napa' ama aneyayno ñeñt soten ñeñtcha' Cristotats. Ñapa'te'pa' ñeñtña nocta'nene' chenta'. Napa' ama esoshe'mano attoch ama't po'sapatrechapa' o'ch nepyoñ."

²⁶ Alla oterraneterr Pablo:

† 13:22 Isaípa' ñeñtara ñeñt sochenet Jesé.

—Sapa'cho'ña masheñneshacha' pamo'tsna'tarecmas penes Abraham. Ñaña arro'tsa'yen puesheña'tets acheñ ñeñt mecha'na'tene' Yompor. O'ch notas allohuenes, Yompor o' mueñonay cohuen ñoñets alloch yequeshperra allohueney. ²⁷ Ama't o' chap ñeñt Cristotatspa' añña ñeñt jerusaléno'marnesha', ñaña ñeñt pa'mcha'tareternesha' penet, ñetñapa' ama esesha' eñotaye. Ama chapaneto pueyoçhreto atet ote't ahua't ñeñt a'mtaye't Yompor po'ñoñ ñeñt çhocma lleyenet añ yetro allempocma amesenet. Ñeño'mar te'ñapa' o' etsotatoñet Yompor po'ñoñ. Te'ñapa' o' pomet Jesús attoch muetset. ²⁸ Ñapa' ama't ama eñalle po'chñar atta otteñe'chet attoch muetsachet. E'ñe attota enamet Pilato muetsachepa'to'. ²⁹ Allempoña o' etsotatuoñet ora allpon atet aquellcare't ahua'toteñ ñocoppa' o' a'suachet corsochotpa' o' net mapuetpono. ³⁰ Tarraña Yomporpa' o' tantater ama't o' rromua. ³¹ Allempoña tantaterpa' allponmat orrtame'tnerrana ñeñt ñanom co'ta'nmue' Galileot allempo on Jerusaléno. Te'pa' ñetpa' o' a'potoñet atto tanterra Jesús, o' a'potoñet allohuen acheñeneshesho.

³² 'Yapa'cho'ña te'pa' o'ch yeserrpare'tatas saña añ ñeñtara cohuen ñoñets. Ama't ahua't Yomporpa' otane't yatañneshañ atetcha' pa esempo ³³ te'ñapa' o'cho' etsota yocop ñeñtey yatañneshañ po'mrenñey. O' etsota po'ñoñ allempo tantaterran Puechemer Jesús, tarro'mar atet oteney ñeñt Salmos 2, atet Yompor otan Puechemer: “Papa' Nechemerep, te'ñapa' o'ch

neñotach acheñenesha' po'ñoçh þapa' Nechemer nepeneþ." ³⁴ Ama't ahuat Yomporpa' ote't o'ch tantaterpa' amach alla rromuerre'te. Ñeñþa' atet oteney añ ñoñets ñeñt ahuatoteñ aquellcaret: "Po'ñoçh o'ch na'nataþa þama atet na'nacha David." ³⁵ Ñama po'poñ capítulo Salmos all oten atet: "Yomporpa' amach muenatano Puechemer ñeñt nanac Parets o'ch puetsohua po'chets." ³⁶ Añ ñoñetspa' yeñoteñ ama añecpayaye David tarro'mar yeñoteñ David allempo e'nuan allpon atet muenach Yompor pamo'tsna'tarecoppa' allempoñapa' o' rroma. Allempo rromapa' o' pampuet allo'tsen pa'tañneshañ, po'chetspa' o' puetsohua epuet. ³⁷ Tarraña Jesús po'chetspa' ama puetsa ama't coñe'ta tarro'mar Pomporpa' o' tantater. ³⁸ Ñeñto'marña añ poctetsa o'ch masheñneshacha' señoçh añ Jesús ñeñt atet pena. Ñach yeþretnerre' yo'chñar. Ñeñto'mar te'pa' o' neserrpare'tatas. ³⁹ Añ Moisés po'ñoñ ñeñt anaret ahuatoteñpa' amach errotenot yeþretnaterro allo yo'chñar. Tarraña te'pa' añña yame'ñeñoñ Jesús pa' añepa't alloch e'ñe aþretna'huaretterra yo'chñar.

⁴⁰ Alla oterrerr Pablo:

—Te'pa' secuach, o'ch soctape'ch cohuen te't huaponasa ñeñt atet ote't ñeñt a'mtaye't ahuat Yompor po'ñoñ. Atet otete't ahuat:

⁴¹ Se'mñot ñeñtes achmãare'tets, te't secuanrrorteñoña sechenca'huerra. Te'pa' allempo ora socrenmeñpa' napa' o'ch norrtatonas ñeñt ama sentare. Tarraña ñato' sapa' amach same'ñyo ama'tcha'

serrpare'tataset. Añpa' allohua huañ atet serrpare'tatanet Pablo.

⁴² Allempoña čha'nmačherret acheñenesha'ñapa' atet ochet Pablo huapuepa'to' po'poñ semana o'ch serrpare'taterraneterr po'pocheño añ yetro allempocma amesenet. ⁴³ Allempo ahuanerretpa' shonte' judionesha' o' coťa'huanerret Pablo ñaña Bernabé. Ñaña o' coťa'huaner shonte' ñeñt ama judioneshayaye tarraña ñetpa' o' ame'ñatanet judionesha' ahuañacma. Añña Pablo ñaña Bernabé serrpare'tatanet o' coťape'chatanet attoch čhocma o'ch coťape'choñet Yompor pomuereña.

⁴⁴ Po'poñ semana o' čherrerr allempo amesenet. Huačhenerr shonte' acheñenesha' o'ch e'mñoteneterr Yompor po'ñoñ. Autsa ora allohuen acheñenesha' ñeñt yechetsa all e'ñe huača'tuet.

⁴⁵ Allempoña judionesha' ñeñt ama ame'ñetsopa' o' eñchet shonte' acheñ huača'tatsapa', puesope'cheñoťetpa' o' cohua'chet Pablo. Ñeñt atet oten Pablopa' ñetñapa' o'ch otenet ama atteyaye. Nanac achmāre'chet. ⁴⁶ Tarraña ama mecha'to Pablo ñaña Bernabé. O' serrpare'tet huomenc, atet otet:

—Añ poctetsa o'ch yeserrpare'tatas sanom Yompor po'ñoñ, tarro'mar sapa' judioneshas. Tarraña ñerra'm sapa' ama semno, ñerra'm ama pocteye' señche attoch sapa' corretsasach e'ñe tayoteñ errponañohuen, amach erroť yeřaso. Te'pa' añach yeserrpare'tat ñeñt ama judioneshayaye. ⁴⁷ Tarro'mar atet oteney Yompor po'ñoñoť, arr oteney atet:

Napa' o'ch nenas sa atet ñerra'm puetare', sach a'puetarsañřsats. O'ch sa'puetarsañřpoñ

po'poñ acheñ poctaṗña ñeññ ama judioneshayaye. Ama't allohuen acheñenesha' ora allohuanen patspa' o'ch peñotatuanet attoch qeshperret.

⁴⁸ Allempoña ñeñña e'mhuet añ ñoñetspa' añña ñeññ ama judioneshayaye atarr coshet, nanac cohuen eñchet Yompor po'ñoñ. Allempoñapa' o' ame'ñenet allohuen ñeññ o' anareṭta attoch ñetpa' corretsetach tayoteñ e'ñe errponañohuen. ⁴⁹ Atteñapa' o' epa'hua Yompor po'ñoñ erracmañen. ⁵⁰ Tarraña puesheña'tets judionesha' o' coṭape'chachet acheñenesha' attoch o'ch huapore'tateret Pablo ñaña Bernabé. Añña ñeññ atet coṭape'ch coyaneshachno ñeññ cohuen entaprete' acheñenesha' tarro'mar añ coyanesha' e'ñe cohuen coṭape'che't Partsocop. Ñaña ñeññ ancha'tarettetsa all, judionesha'pa' o' e'moñe'tachet Pablo ñaña Bernabé. Ñeñño'marña orrtatet atsrre'mueñets o' huapore'tateret Pablo ñaña Bernabé. ⁵¹ Ahuanenetpa' o' pa'shetca'tnenet po'patser pa'tcoṭ attoch eñoch judionesha' ama pocteye' entaretteto ñeññ atet o' p̄ohuet, te'ñapa' amach alla huaçherrete'te. Allempoñapa' ahuanmuet ñaña Iconio. ⁵² Tarraña ñeññ o' ame'ña'hua all Antioquíopa', ñetñapa' nanac coshenet, ñaña o' chorr Janet Parets Puecamquëñ.

14

Allempo chapuet ñaña anetso pa'so'cheñ Iconio

¹ Allempoña chapuet Iconiopa' o' be'toscha'tet parro judionesha' po'prahuopa' o' serrpare'tatoset all. Nanac cohuen

serrpare'tatet ñeñto'marña ame'ñachet shonte' acheñenesha'—ama't judionesha' ñaña ama't ñeñt griegonesha'. ² Añña judionesha' ñeñt atpare'tene' Yompor po'ñoñ ñetñapa' toma'tam̄set Pablo ñaña Bernabé. Nanac sasare'teñet taye'to' acheñenesha' ñeñt ama judioneshayayepa' cohuen enteññañet atto serrpare'ten. ³ Tarraña ama't e'moñe'tanet patantarr acheñenesha'pa' ñetñapa' ama mecha'teto. Alla atomatet serrpare'tet Yompor po'ñoñ. Orrtatet ñeñt acheñenesha' ama puentareto ñeñtña eñotatahuet po'ñoçh atto serrpare'tenetpa' añmapa' Yompor pomuereñoť huapanet añ ñoñets. Yomporpa' nanac ahuamencat panet. ⁴ Atteñapa' añña patantarr acheñenesha'pa' e'ñe cohuen enteñet atet serrpare'tatanet Pablo ñaña Bernabé. Tarraña po'potantañña' ama. Ñetñapa' aña ame'ñatahuet judionesha'. Ñeñto'marña ama pañraye' cotape'chenoña acheñenesha' all. ⁵ Atteñapa' o'pacha shonte' judionesha' ama't ñaña ñeñt ama judioneshayaye ñaña ñeñt añcha'tareteçhnopa' o'pacha o'ch rromuet huomencpa' o'ch rrolle'chet. ⁶ O' e'mare'chet cha o'patare'ttenetpa' añña Pablo ñaña Bernabépa' o' yeterretpa' ahuanmuet ñaña Listro. Chapuet Listropa' cha asuanmuetpa' o' metet ñaña Derbo. Añpa' ñeñtara anets all otenet Licaonia. Erracmañen chopeñe'chet allo'mar. ⁷ All chopeñe'chnenetpa' all serrpare'tnenet Yompor po'ñoñ.

Allempo çhapuet ñaña anetso pa'so'cheñ Listra

8 Allempo Listro'tsenetpa' allñapa' allo'tsen puesheñarr acheñ, čha ečarrtena pa'tac, ama eshcaye' chope'cheno, ama't ahuatoteñ ñapa' atta eñalletña. Ñaña'p' alla anen. 9 Allña anenpa' alla e'mñnoten anet serrpare'ten Pablo. Pabloñapa' cohue' allapa' o' eñoch añ acheñpa' o' yemtana Yompor ñapa' o'ch a'crrater. 10 Ñeñto'marña Pablo' atet och huomenc:

—O'ch notap, o'ch p'aten.

Ahuepa'tcha' tanta allempocma allorocma čha chope'chnets. 11 Allempo eñch allohuen acheñenesha'pa' čha rrannartet. Pocsheñotetpa' atet otet:

—¡Partsepa't! Ñeñt Parets yepen ñeñtepa't puenasetsa acheñ. Te'pa' o' čhap e'ñe yesho. Añpa' atet otet po'ñoñeto ñeñt Licaonačh.

12 Añña Bernabépa' o' sochet, atet otet:

—Añepa't ñeñt yeyomporer Júpiter.

Pabloñapa' sochet ñapa' añ ñeñt po'yompor-ret Mercurio. Tarro'mar sochet atet ñapa' nanac serrpare'ten cohuen atet ñerra'm po'yompor-ret Mercurio. 13 Ñehua, acheñenesha' allpa' echenet po'prahua' allecmach ma'yochyete't po'yompor-ret ñeñt otenet Júpiter. Ñeñtpa' e'ñe ñehuapóť anaret allempopa' o'ch taya yerroťa'nmos pa'netsreto. Ñeñt corneshatets puerahuopa' o' huapa. Huapatan huaquësh, huapatan ñaña shonte' ror. Mueneñ o'ch muetset huaquësh Pablo'cop ñaña Bernabé'cop tarro'mar čhocma muetsete't huaquësh po'yompor-recop. Ñaña tarro'mar atet muenen acheñenesha'. Ñetpa' čha otenapuetañ Pablo

ñaña Bernabépa' añte' ñeñt po'yomporer penet.
 14 Allempoña eñoch Pablo ñaña Bernabé ñeñt
 atet pena acheñenesha'pa' nanac lleca'rrtet.
 Puellquëñoŕtetpa' o' rrarre'tet pa'shtampa'
 o' matrra'tet allo'tsa'yen acheñenesha'. O'
 rrannaretnomuet, puerranarŕtetpa' 15 atet otet:

—Eso'marŕe'ca'ye masheñneshacha' atet
 sepena. Yapa'cho' arromñaŕeya atŕey ñerra'm sa.
 Ñeñto'marña o' yeserrpare'tatas cohuen ñoñets
 atŕŕtcha' sequechpuerr ñeñt atet sepena ñeñt
 e'ñe orrena. Te'pa' añña poctetsa o'ch same'ñera
 Yompor ñeñt ama arromñaŕeshayaye, ñeñtara
 Yompor ñeñt yeŕcate' enet ñaña pats ñaña ñeñt
 añecmuen sa'p. Ñaña ora allohuen ñeñt yentyen
 ento ñaña ñeñt yentyen patsopa' ña yeŕcatue'
 ñaña ñeñt sapo'tsen ña yeŕcatue'.

16 Alla oterraneterr Pablo:

—Ahuat Yomporpa' muenatan acheñenesha'
 o'ch pa'yeset ñeñt atet muena'yenet e'ñe ñañeñeta.
 17 Tarraña ama a'ypo'ñano acheñenesha'. Chocma
 apanete't atŕoch eñochet po'ñoŕh eñall Yompor.
 Chocma mueranete't ñeñto'marña chocma
 huatache't ñocpuet atŕŕt yeŕcanete't puenarmet,
 atŕo eñalletete't puerraret atŕo coshete't. Añpa'
 ñeñta ñeñt atet otan Pablo allohuen acheñenesha'.

18 Tarraña ama't atet otan acheñenesha'pa' o'
 alla muenereterr o'ch muetset huaquësh ñocpuet
 atet pete't po'yompor-recop. Tarraña Pablo ñaña
 Bernabépa' ama muenataneto.

19 O' atomatpa' huaŕha'ta puesheña'tets
 judionesha' ñeñt huetsa Antioquíŕt ñaña
 Iconíŕt. Coŕape'chatoset acheñenesha' po'poñ.

E'moñe'tachet Pablo. Atteñapa' rrolle'chet Pablo. Rrolle'tuetpa' cha otapuetañ o'te' rroma. Chetare'tnomet pueblot a'yenet. ²⁰ Ñeñña ame'ñatsapa' alla arrotampeñet alla cohueñetpa' ñañaapa' ahuepa'tcha' alla tanterra, o' alla ahuerterr pueblo. Tsapañapa' Pablo ñaña Bernabépa' ahuanerret alla Derbo.

²¹ Chapuet Derbopa' serrpare'tuerreterr Yompor po'ñoñ ñaña all. Shonte' acheñ ñeññ allo'tsen ame'ñenet ñamet. Allempoñapa' ahuanerreterr Listro, ñaña asuerreta' Iconio ñaña Antioquío. ²² Ora allohuanen ta'yeset yenpuet ñeññ ame'ñetsa attotcha' huomenc pet pueyo'cher. O' cotape'chatanet ñaña attoch chocma yemchet Yompor ama't esempo huapanet muerochteñets. Tarro'mar e'ñe yemuerochteñoñ ye'chapcha' all añcha'tare'tena Yompor. ²³ O' na'yeset puesheña'tets acheñ ñeññcha' pompor pa'yes ñeññ pame'ñeñoñ ap'cha'yetsa. Pue'tore'teño'tetpa' o' ma'yocham'pesyet ñeññcha' pompornesha' pa'yeset, atet ochet:

—Yomprepa'ch seyenpue', ñeññara Yompor ñeññ o' same'ña'huerra.

Ate't pa'yeset ora allohuen anetso all ame'ña'yesa acheñenesha'.

Allempo cha'cherret alla Antioquío allot ahuanmuet ahuaña

²⁴ Allempoñapa' asuanerret Pisidio'mar allotpa' ahuanerret Panfilio. Cherret anetso ñeññ pa'so'cheñ Perge. ²⁵ Serrpare'tuerreterr Yompor po'ñoñ all Pergo, allempoñapa' ahuanmuet ñaña Atalio. ²⁶ Chapuet Ataliopa' allotñapa'

ahuanñpset boto, o' alla čhačherret Antioquío ñeñtara anets alloť ahuaña ñeñť ame'ñetsa all ma'yochanñpsapanet atťoch yenpanet Yompor esheccha' etsotoñet po'taruas. Te'ñapa' o' e'nuet. ²⁷ O' čhačherret allpa' apčhachet allohuen ñeñť ame'ñetsapa' serrpare'tatueret ora allohuen atťo Yomporpa' yenpanet. O' serrpare'tatanet atťo Yompor a'pochtatanet, añe'na serrpare'tatet ñeñť ama judioneshayaye, añecop atťoch ame'ñerret ñamet. ²⁸ Alla atomatet parro epuet ñeñť ame'ñetsa.

15

Allempo a'pochtachet Jerusaléño ñeñťcha' atet pet

¹ Atteñapa' čhap ñaña ačeñ ñeñť huetsa Judeot. Chapueta' o' yečhatoset ñeñť ame'ñetsa all, atet otosanet:

—Te'pa' aña sepalltena atťoch sequeshperra o'ch setsorranna'ta ñeñťes asheñorres atet yeyčhena ya allempoteñ atet yečhaterrey Moisés.

² Añña Pablo ñaña Bernabépa' ama pocteye' eñcheto atet. Ñetpa' atet otet:

—Ama po'ñočhaye' añ palltetso o'ch yetsorranna'ta ñeñťey asheñorrey.

Ñetñapa' alla nanac es otanna'tet. Ama a'pochtacheto. Ñeñťo'marña allempopa' o' net Pablo ñaña Bernabé ñaña po'poñečno ačeñ atťoch ñetpa' o'ch ahuanmuet Jerusaléño o'ch enteñeta' Jesús puellsensarnesha' ñaña ñeñť pompornesha' pen ñeñť ame'ñetsa all. Añecop tet atťoch o'ch a'pťo'teneta' erra'tsente' pocte' ñeñťcha' atet pet.

³ O' so'tuanma ñeñt̃ ame'ñetsapa' ahuanmuet. Arr oñmuet Fenicio'mar allotñaapa' ahuanmuet Samario'mar. Allña oñemuanmuetpa' all serrpare'tyesnomuet. Añ serrpare'tyesnomuet atfo o' ame'ña ñeñt̃ ama judioneshayaye. Pame'ñeñotetpa' o' a'ypo'ña'huerret ñeñt̃ ahuať poctapñet. Ñeñt̃ña nanac coshate'ña allohuen ñeñt̃ ame'ñetsa.

⁴ O' chapuet Jerusaléñopa' e'ñe cohuen agapanet Jesús puellsensarnesha' ñaña ñeñt̃ pompornesha' pen ñeñt̃ ame'ñetsa all. Ñaña allohuen ñeñt̃ ame'ñetsa allpa' o' agapanet e'ñe cohuen. Allempoñapa' serrpare'tatoset ora allohuen atet yepanet Yompor. ⁵ Tarraña patantarr fariseonesha' ñeñt̃ ame'ñetsapa' o' tantapa' atet ot:

—Acheñ ñeñt̃ ama't ama judioneshayaye, añ palltetsa o'ch atsorrarett̃a allohuen asheñorrnesha', ñaña allohuenetpa' otarett̃etepa' añ palltetsa o'ch ame'ñeññañet ñaña Moisés po'ñoñ ñeñt̃ atet anaret ahuatoteñ.

⁶ Ñeñto'marña Jesús puellsensarnesha', ñaña ñeñt̃ pompornesha' pen ñeñt̃ ame'ñetsa allpa' o' apchet attoch a'pochtachet este' poctetsa ñeñt̃cha' atet pet. ⁷ Ñeñto'marña alla nanac es otanna'tyeset. Allempoñapa' o' tanta Pedro. Tantapa' atet otanet:

—Sapa' señoteñe'tña masheñneshacha' ahuaña Yomporpa' o' na'n na. Añecop na'n o'ch neserrpare'tach ama't ñeñt̃ ama judioneshayaye. O'ch neserrpare'tatanet Yompor po'ñoñ attoch ame'ñerret ñamet. ⁸ Ñehua, Yomporpa' entennay yeyoçher. Ñapa'

eñoteñ ama't añ ñeñt̃ ama judioneshayaye o' ame'ñyet pueyočhreto. Ñeñto'marña o' chorratanet Puecamquẽñ attecma atet chorrenya yaña. Attoña eñotatey e'ñe pocte' entenamet. ⁹ Ñeñto'mar yeñoteñ ama yaptayaya morrentenyo Yompor. Añña ama't ñetpa' morrentenanet ama't ñeñt̃ ama judioneshayaye. Pame'ñeñotetpa' ahuo't e'shohuerranet po'chñar ñeñt̃ pueyočhro'tsa'yenet. ¹⁰ Te'ñapa' eso'mare'tña ama pocteye' senteñe ñeñt̃ atet o' pohua Yompor. Añecop ñeñt̃ ame'ñetsapa' eso'mare'tña semneñ o'ch senanet ñeñt̃ nanac torrapo' entenet. Ama't ya judioneshaypa' amach erroteno o'ch yetsotua allohuen ñeñt̃ atet anaret. Ama't yatañneshañpa'cho'ña ama etsotete'te. ¹¹ Añcha'ña yeñot e'ñe Yepartseshar Jesús pomuereño'tpa' o'ch yequeshpa, attecmaçh queshpet ñamet.

¹² Ñeñta e'm allohuen ñeñt̃ apçhatsa allpa' alla moma'rrtet. Atto e'mñochet. Bernabé ñaña Pablopa' ña nanac serrpare'tatahuet. Añ serrpare'tatanet atto Yomporpa' nanac ahuañcat panet ahuaña allempo serrpare'teneta' allo'tsa'yen ñeñt̃ ama judioneshayaye. Ñeñto'marña orrtatanet ñeñt̃ ama puentareto ñeñt̃cha' eñotatahuet añmapa' po'ñoçh Yomporeshot huena. ¹³ O' serrpare'tuetpa' allempoñapa' atet ot ñaña Jacobo.

—O'ch masheñneshacha' se'mñnoten naña. ¹⁴ Simón Pedropa' o' serrpare'tatuas atet Yompor te'pa' o' orrtatan pomuereña añecop ñeñt̃ ama't ama judioneshayaye. Ñaña ahuo't orrtatan pomuereña añecop ñeñt̃cha' ame'ñatahuet attoch

aye'chochtatoñet Yompor pa'so'cheñ ñamet.

¹⁵ Po'ñoçh te'pa' o' etsota ñeññ atet oteneý ñeññ a'mtaye't Yompor po'ñoñ ahuat. Añpa' ñeññ atet quellquë't ahuat atet ñerra'm Yompor otatse't:

¹⁶ Allempo o'ch meten shonte' charpa' napa' o'ch alla norrtaterr puesheñarr ñeññ David po'mrenño't ñeññcha' ahuamencattatsa atet ahuamencatte't ahuat pa'tañ David. Tarro'mar shonte' char ama't puesheñarrapa' ama orrteno David po'mrenño't ñeññ nanac ahuamencat.

¹⁷ Añecopcha' norrtater allochñapa' ama't po'poñeçhno acheñenesha' ama't ñeññ ama judioneshayaye o'ch ame'ña'hueret ñamet Yompor, ñaña allohuen erra'tsencha' muenats.

¹⁸ Atet ot Yompor ñeññtara ñeññ eñotatay ahuatoteñ ñeññcha' atet pa. Añpa' allohua ot ñeññ a'mtaye't Yompor po'ñoñ ahuat.

¹⁹ Alla oterrerr Jacobo:

—Te'pa' añña e'ñe pocte' nenten na amach ya'mñechatatsche ñeññ ama judioneshayaye ñeññ o' puesuerran ñeññ ahuat pocta'ña attoch ame'ñeret Yompor. ²⁰ Te'pa' añña pocte' o'ch yequellcanet ñeññcha' ama patsteto ñeññpa' añ: Amach rratsteto po'chets ñeññ muetsenet ayeçhcataretecop ñeññ po'yomporer pen ñeññ ama judioneshayaye ñeññtara ñeññ ama ame'ñetso. Ñaña o'ch yot Janet amach chetapretatsteto taporets. Ñaña o'ch yot Janet amach rratsteto ñeññ muetsenet ñeññ atta a'pañare't, ñaña amach rratsteto ñeññ ño'shetsa oño. Ñaña amach es rratsteto es po'rras.

21 Alla oterrerr Jacobo:

—Añpa' ñeñtach atet yequellcanet. Tarro'mar ahuatoteñ o' serrpare'tuoñet Moisés po'ñoñ ora allohuen anetso'mar. Ñaña pate'tets semana añ judionesha'pa' chocma lleyeññañet Moisés po'ñoñ all po'prahueto. Añpa' allohua atet otanet Jacobo.

22 Allempoñapa' o' a'pochtachet o'ch net puesheña'tets ñeñt e'ñe allo'marnesha' ñeñtcha' mueñet Antioquío, o'ch coferet Pablo ñaña Bernabé. Ate'tpa' e'ñe pocte' eñch allohuen— Jesús puellsensarnesha' ñaña ñeñt pompornesha' penet, ama't ñaña allohuen ñeñt ame'ñetsa all. Añ net Judas Barsabás ñaña Silas. Añña epsheña acheñpa' e'ñe cohuen eñch allohuen ñeñt ame'ñetsa. 23 Ñetpa' o' anmuet, ñeñt atet oten carta:

“Masheñneshacha' ñeñtes yeçhetsa anetso Antioquío ñaña Sirio ñaña Cilicio: Allohueney ñeñtey ame'ñetsa o'ch yehuomcha'tas sa añ yecartot—ñeñtey Jesús puellsensarneshay ñaña ñeñtey pompornesha' pen ñeñt ame'ñetsa arr. O'ch yehuomcha'tas sa ñeñtes ame'ñetsa saña ñaña ama't ñeñtes ama judioneshayayso.

24 O'ch yotas, yapa' o' ye'mare'ch o' chap sesho puesheña'tets acheñ arroñ ñeñt muenets o'ch a'mñechatasa. Ñetñapa' o' nanac moñne'tatasa soctapña. Tarraña te'ñapa' o'ch yotas, añ acheñpa' ama yaye' mueñenaye. 25 Ñeñto'mar pocte' yenteñ allohueney o'ch yene' epsheña acheñ ñeñtcha' yemñonas epuet Bernabé ñaña Pablo ñeñt nanac yemuerena. 26 Tarro'mar nanac yemorrentenanet ahuañapa' all serrpare'teneta'

autsañ muene' amtsanatare'tetuet all. Tarro'mar e'ñe puemorrente'notet Yepartseshar Jesucristo atet a'pare'ttet. ²⁷ Añ yemñonas Judas ñaña Silas. Ñetpa' o'ch serrpare'tatenseta' ora atet yoten ya arr. ²⁸ Parets Puecamquëñpa' o' eñotatey ñeñt e'ñe pocte' yenten ñeñtcha' yenonas. Amach aña yenonaso ñeñt nanac torrapo'. Te'pa' añ palltetsa ñeñtcha' atet sepa. ²⁹ Amach serratsto po'chets ñeñt muetsenet aye'chcatare'tecop ñeñt po'yomporer penet. Ñaña amach serratsto ñeñt muetsenet ñeñt atta a'pañare't. Ñaña amach serratsto es po'rras. Ñaña amach sechtapretatsto taporets. Ñerra'm amach atet sepo ñeñt'pa' e'ñech pocte'. Añpa' ñeñtach yotas. Yomporepa'ch sa'nataya." Añpa' allohua huañ ñeñt atet oten carta.

³⁰ Allempoñapa' o' mueñet Judas ñaña Silas epuet Pablo ñaña Bernabé. O' ahuanerret Antioquíó. Cha'cherret Antioquíopa' o' ap'chatuuet allohuen acheñenesha'pa' o' aposanet añ carta. ³¹ Ñeñt ap'chatsapa' o' lleyet añ carta. Lleya'huetpa' nanac coshatanet ñeñt atet a'ctape'chatare'ttet cartot. ³² Añña Judas ñaña Silas, ñetpa'cho'ña nanac a'potoñet Yompor po'ñoñ ñamet. Ñetpa'cho'ña a'mñenet Yompor po'ñoñ. Nanac serrpare'tatet. O' cotape'chachet e'ñe cohuen ñeñt ame'ñetsa allochñapa' huomenccha' pet pueyo'cher. ³³ O' allponmatet allpa' allempoñapa' secherret allot amñare'ttet ahuaña. Ñeñt ame'ñatsa Antioquíopa' o' so'tneret e'ñe cohuen, otanet:

—Yomporepa'chña ya'nataya parro allohueney.

³⁴ Tarraña Silaspa' mueneñ o'ch a'pa

all, Judaspa' o'ch ahuer. ³⁵ Añña Pablo ñaña Bernabé allponmaterret Antioquí. Yečhatapretereta' epuet po'poñečno ñeñt yečhatets all. Serrpare'tapretereta' Yompor poñoñ epuet po'poñečno.

Allempo puepocheño ahuererr Pablo serrpare'tats allemeñ anetso'mar

³⁶ Atteñapa' o' atomat Pabloñapa' otan Bernabé:

—O'ch ahuerrey, o'ch yačchera' ñeñt ame'ñetsa ora allohuen anetso all yeserrpare'toñ Yompor po'ñoñ ahuaña attoch yeñoč errotenette'ña te'.

³⁷ Bernabéñapa' aña e'ñe pocte' ent o'ch coťa'ner Juan Marcos. ³⁸ Tarraña Pablopa' ama pocteye' eñche tarro'mar ahuaña allempo čapuet Panfilio, Juan Marcospa' čha sa'nerranet, o' puerrerra. Ama allo'na yenpuenaneto all serrpare'tyeset. ³⁹ Ama erroteno a'poctacheto, čha sa'nannerret. Bernabépa' aña aner Marcos. O' ahuañpset boto, čhačerret Chipro. ⁴⁰ Pabloñapa' aña e'ñe pocte' ent o'ch anerran Silas. Ñeñt ame'ñetsa allpa' o' so'tneret, e'ñe cohuen otneret:

—Yompor e'ñe pomuereñoťpa' a'natyepa'ch.

Allempoñapa' ahuanenet. ⁴¹ Asueneta' Sirio'mar ñaña Cilicio'mar. Allotñapa' yenpuet allohuen ñeñt pame'ñeñoť apčhetsa parro. O' yenpuet añecop attoch huomencča' pet pueyočer.

16

Allempo Timoteopa' coťa'nerran Pablo ñaña Silas

1 Pablo ñaña Silaspa' asuerreta' anetso añ pa'so'cheñ Derbe. Allo'tñapa' ahuanerret alla Listro. Allñapa' allo'tsen puesheñarr acheñ ñeñt' ame'ñetsa añ pa'so'cheñ Timoteo. Ñeñt' Timoteopa' añ pachor pen judionesha' ñeñt' ame'ñetsa. Pomporñapa' ama judioneshayaye aña griegonesha'.² Ñeñt' ame'ñetsa Listro ñaña Iconiopa' nanac cohuen enteñet Timoteo.³ Ñeñto'marña e'ñe pocte' eñch Pablo o'ch cota'nerranet Timoteo. Tarraña ato'tña anemhueta' allcha' tsorreñet atet yeçhena joreyonesha', tarro'mar allcha' tetpa' shonte' judionesha'. (Ñehua, Pablopa' ama mueno o'ch atsrre'mach judionesha'.) Allohuenetpa' o' eñotuet ñeñt' Timoteo pomporpa' ñeñt' ama judioneshayaye aña griegonesha'.⁴ All oñomyeset allemeñ añetsopa' otuosanet añ ñoñets atet a'poctat Jesús puellsensarnesha' ñaña ñeñt' pompornesha' penet Jerusaléño. Añ eñotatuosanet ñeñt'cha' atet pet.⁵ Atteñapa' allohuen ñeñt' ame'ñetsapa' e'ñe pame'ñeñotet allo'na senet huomenc pa'nmuert pueyoçher. Pa'te'tets yetpa' allo'na sen atonetnomtsa ñeñt' ame'ñetsa.

Allempo Pablopa' entan macedonio'marnesha' atet ñerra'm cho çhopo'teñ

⁶ Allempoñapa' arr asuerreta' ñaña Frigio'mar ñaña Galacio'mar tarro'mar Parets Puecamquëñpa' ama muenataneto o'ch serrpare'toñet Yompor po'ñoñ all Asio'mar.⁷ Allempoñapa' ahuanmuert ñaña tenonet, çhapmochet Misio ñaña arr sechet Bitinio'mar, tarraña Jesús Puecamquëñpa' ama muenataneto.

8 Atteñapa' metuet Misio'mar o' čhača'tet Troaso.
 9 Čhača'tet Troaso tsapoñapa' añña Pablopa' orrtoña atet ñerra'm čho es yečopo'ten. Atet ñerra'm puečopoñoťpa' o' entan puesheñarr acheñ macedonio'marnesha' alla ten, atet otare'ch: "O'ch sonača't arr Macedonio, o'ch seyenpuenya'." 10 Allempoña erрте' orretuoña macedonio'marnesha'pa' yañapa'* o' yesecha o'ch ahuey Macedonio, tarro'mar yoten po'ñočhte' čhore'teney Yompor allochñapa' o'ch yeserrpare'teññaña' po'ñoñ all Macedonio.

Allempo čhap Pablo ñaña Silas Filiposo

11 Allempoña Troasoťpa' año ahuañpsey boto. E'ñe pačharra yepe' o'ch yečhap anetso añ pa'so'cheñ Samotracia. Allñapa' all yetsotnoma. Yahuanerrerr allotpa' tsapaťña'pa' o' yečhap ñaña anetso Neápoliso. Allñapa' all yetsotuerrerr.
 12 Yahuanerrerr allotpa' o' yečhap ñaña anetso añ pa'so'cheñ Filipos allpa'čho' all yetsotosa. Añ anets Filipospa' nanac atarr anets. Po'poñečno anets alla Macedonio'marpa' ama atarroyaye. Allñapa' allo'tsa'yen shonte' solltarnesha' ñeñť romo'marnesha'. Yapa' alla ya'llponmatos all. 13 Allempoña čhap allempo amesen judionesha'pa' yañapa' yahuanma anetsoť a'yo. O' yečhap ontapo all ye'nen ñato' allcha' ma'yochet. Yaña allpa' yentos puesheña'tets coyaneshačno all anorrchenet. Yañapa' o'čho' yanorrča'tos yaña. Allempoña yapa' yeserrpare'tatanet Yompor po'ñoñ. 14 Puesheñarr coyanesha' ñeñť

* **16:10** Ñehua, e'ñe allempocmapa' o' cota'nmanet ñaña Lucas, ñeñťara ñeñť quellqué' añ ñoñets.

allo'tsen añ pa'so'cheñ Lidia ñeñt huetsa anetsot añ pa'so'cheñ Tiatira. Ñaña'papa' añ po'taruas pen atto vendenan shetamuets yetsñorromamuen. Ñaña'papa' ame'ñenana Parets. Allempoña e'mñotan Pablo ñeñt atet serrpare'ten añña Yomporpa' o' chapatoñ pueyoçhro ñeñt atet serrpare'ten Pablo. ¹⁵ Lidiaña pame'ñeño'tpa' allenta apataretta, ñaña o' apataretta ñeñt parro yeçhenet pocollo. Ñaña'papa' o'çho' hua'ña'nerrey pa'paclo, atet ot:

—Ñerra'm e'ñe pocte' sentenen atto name'ñera Yepapar, o'ch sehuapa nepaclo ñato' allcha' som-mosa.

Ñaña'papa' otare'tey yonepa'to' ñeñto'marña yapa' o' ahuey.

¹⁶ Parrochñapa' allempo yeta ontapo allecma ma'yochenet toñoñapa' yentnom puešeñarr shopshesha' ñeñt chorrena oneñeñ. Añña oneñe'tpa' ñach eñoratene' shopshesha' ñeñto'marña ñerra'm erroten otanetpa' atto'chçho' pa. Amach pueno po'ñoñ ama't mamesha. Añña shopshesha'pa' eñall ñeñt pamo'mte' pen po'poñeçhno acheñ. Ñetñapa' nanaccha' ganatenanet quelle atto eñotañtena. ¹⁷ Ñaña'papa' çhocmach co'a'nomye't epay Pablo. O'ch co'a'nmueypa' o'ch rranare'tnoma chenta'pa' atetcha' ot:

—Añ encaneshaçhnopa' añ sherbenet Yepapar Ñeñt Nanac Parets. Arrpa' añecop huenet attoch o'ch serrpare'tataset attoch sequeshperra.

¹⁸ Atteñapa' ama't atomatpa' attecmaçh pena. Atteñapa' o' a'mñeçhatana Pablo. Pabloñapa' allenta puetallsapa' o' otan oneñeñt:

—Te'pa' e'ñe po'huamencot Jesucristopa' o'ch notañ, pequeçpa'ner shopshesha'.

Allempocmuepa'tcha' queçpa'nerran shopshesha'.

¹⁹ Añña pamo'mtaynesha'pa' cotape'chetpa' otet:

—Te'pa' llequëñtsa, o' huañerr allo yeganena quelle.

Allempoña pa'tsrre'mueñoŕetpa' o' rromuet Pablo ñaña Silaspa' anmarettet e'ñe po'huamencocma, o' açhapatarettet allo'tsa'yen añcha'tareñnesha' allecma a'pocatenet ñoñets.

²⁰ Allempoña açhapatarettet allo'tsa'yen guardia pa'mñcha'tareñnesha'pa' o' otoset:

—Añmapa' ñeññ judionesha'. Nanac atsrre'moçhtenet arr ya'netsro. ²¹ Ñetpa' yeçhatenyet atet yeçhenet ñet ñeññpa' ama pocteye' yenteñe ya. Yapa' romo'marneshaypa' ama cohuen yenteñe o'ch atet yeça.

²² Allohuen acheñenesha'pa' nanac atsrre'mateñet. Ñeññña guardia pa'mñcha'tareñnesha'pa' atet otan pueyochresha':

—Te'pa' o'ch serrotanetpa' o'ch senallanet.

²³ Allempoñapa' o' nallet Pablo ñaña Silas nanac huomenc. Allempoña o' anallaretuetpa' o' abe'tarettet ñaña cárcel; atet ochet ñeññ cohuam̄pene' cárcel:

—O'ch secuañpsanet e'ñe huomenc.

²⁴ Allempoña atet otaretuetpa' añña ñeññ cohuam̄pene' cárcelpa' o' abe'tanet nanac o'pono. Allñapa' nanac echarr p̄añpsanet ñaña o' armatam̄psarettet pa'tcot tablat e'ñe echarr.

25-26 Atteñapa' o' ma'yocha Pablo ñaña Silas. Ñaña o' morrechet, puemorrecheñoŕetpa' nanac aye'chochtateññañet Yompor. Añña po'poñečno acheñ ñeñt̄ abe'taret̄ ñaña allpa' ñetñapa' o' e'mñotanet. Allempoña chap rroch tsappa' machayoŕepa'tcha' pella pats nanac huomenc, ama't allo' tomatenet echarr cárcelepopa' cha pa'shma huomenc. Puepelleñoŕ pats huomencpa' o' torna'tua ora allpon all ayottam̄psarettenet. Ñaña ora allpon allo huanquëñet acheñpa' o' pueyna'tuen. ²⁷ Allempoña ahuo't e'mansa ñeñt̄ cohuan̄pene' cárcelepopa' ahuo't entan o' torna'tuen allo ayottam̄psarettenetpa' o' chetan po'cchell o'ch muetsa ñañeña. Ñapa' cho' otapañ ñeñt̄ ayottam̄psaretpa' o'te' yetuena. ²⁸ Añña Pablopapa' o' chore'ch huomencpa' atet och:

—Amach erroŕ peŕatsto ama't mamesha. Yapa' allo'tsa'yenya allohueney.

²⁹ Allempoñapa' aña enamnom lam-pareñpa' mata allo'tsen Pablo ñaña Silas. Pueñchañoŕpa' cha pa'shmuena ñaña e'ñe pueñcha'na'teñoŕpa' o' concorposa e'ñe ñesheto.

³⁰ O' cha'nmača'tatanetpa' atet otanet:

—Nomporneshacha' ¿ešte'ña pocte' te' ñeñt̄cha' atet neŕa attoch nequeshperra naña?

³¹ Ñetñapa' atet ochet:

—Añ pocte' o'ch p̄ame'ñera Yepartseshar Jesucristo, allochñapa' attoch pequeshperra. Ñaña attoch queshperra ñeñt̄ parro peyčhena pepaclo.

³² Allempoña ñeñt̄ cohuan̄pene' cárcelepopa' o' a'secherranet pa'paclo, allñapa' serrpare'tachet Yompor po'ñon, ñaña allohuen ñeñt̄ pa'paclo'tsen

o' e'mñotet ñamet. ³³ Allempocma ñeñte tsaprocma o' e'pana'tyerranet all atserrparettet. Allempoñapa' o' apataretta ña, ñaña allohuen ñeñt pa'paclo'tsa'yenpa'cho'ña o' apatarettet ñamet. ³⁴ A'tapatanet pa'paclopa' rratanet. Pame'ñeñoñ Yompör atarr nanac cosha. Ñaña allohuen ñeñt pa'paclo'tsenpa' atarr coshet ñamet.

³⁵ Tsapat puetarenpa' añña guardia pa'mñcha'tareternesha' o' mueñet puesheñarr guardia, ñeñtcha' otosets:

—O'ch sa'rroyer Pablo ñaña Silas.

³⁶ Ñeñt cohuañpene' cárcelpa' atet otan Pablo:

—Oten añcha'taret secha'nerrepa'to'. Te'ñapa' orrerres, Yompore'pach sa'nataya.

³⁷ Tarraña Pabloñapa' atet otanet:

—Yapa' romanona'tarey yaña. Ñeñt ñoñets anaret Romo'tpa' oten ama pocteyaye o'ch yecoñchach acheñ ñerra'm ama yeñoteña' po'ñochte' eñall atto otteñe'cheñet acheñ. Tarraña añña añcha'taretnesha' ama e'nano ñeñt e'ñe po'ñoçh atet yepena. Atta nallatyet allo'tsa'yen shonte' acheñenesha' allotñapa' o'cho' atta yottañpsatyet arr cárcelo. Te'ña ñetpa' mueneñet o'ch cha'nmaterryet e'ñe a'nahua. Ñeñtpa' ama pocteyaye atet. Te'pa' o'ch sotuer añcha'taret huapuetepa' arr cha'nmaterryetepa' e'ñe ñet.

³⁸ Añña guardiapa' otuerran pa'mñcha'tareternesha' atet oten Pablo. Ñetñapa' cha' yorenet allempo e'mare'chet ñetpa'cho'ña romanona'taret ñamet. ³⁹ Allempoña hua'cha'tetpa' enamaretterret peretneñets. Allempoña cha'nmatenanetpa' atet otanet:

—Te'pa' orrerres, sahanerra bačhayo.

⁴⁰ Allempoña čha'nenet cárceloŭpa' ahuanerret o'ch alla ašchereta' Lidia. Allempoñapa' serrpare'tuerret parro ñeñt ame'ñetsa, coťape'chatuanerret cohuen, allempoñapa' ahuanerret alloť.

17

Allempo čhap Pablo ñaña Silas Tesalónico

¹ Allempoña ahuanerret alloťpa' ahuanmuet anetso Anfípoliso, alloťñapa' ahuanmuet ñaña anetso Apolonio. Alloťñapa' o' čhapuet ñaña anetso ñeñt pa'so'cheñ Tesalónica. Allñapa' allo'tsen judionesha' po'prahua'. ² Pabloñapa' o' be'ťosos ñeñt attecma pena. Allñapa' serrpare'tatosanet Yompor po'ñoñ. Allñapa' ma'panerr semana. Allempoña čhen yeť allempo amesenetpa' o'ččho' serrpare'tatanet Yompor po'ñoñ ñeñt atet aquellcareť. ³ Allpa' añ yečhatanet atet anareťta ñeñťcha' Cristotats ñerra'm esempoch huapa añ patsropa' nanaccha' mueročhtachet. Tarraña o'ch mueročhtatuťpa' elloch alla tanterra ama'tcha' rroma. Atet otanet:

—Te'ñapa' o'ch notas, añ Jesús ñeñťara ñeñt o' neserrpare'tatuaspa' ñeñťña Cristotets.

⁴ Puesheña'tetspa' pocte' eñchet o' ame'ñyet Jesús ñeñťo'mar ñetpa' yemteñet Pablo ñaña Silas. Ñaña shonte' griegonesha' ñeñť ahuatoteñ cohuen coťape'čets Partsocoppa' o' ame'ñeñet Jesús. Ñaña shonte' coyaneshačhno ñeñť e'ñe cohuen entyen acheñenesha' ñetpa'čho'ña o' ame'ñerret ñañet. ⁵ Judionesha'ña ñeñť ama

ameñetsopa' ama pocteye' enteñeto attoch
 acheñenesha'pa' o'ch yemchet Pablo, ñeñto'marña
 puesope'cheñoŕetpa' o' e'moñe'chet. Ñeñto'marña
 a'sechet puesheña'tets acheñ ñeñt' ama tama
 es sherbetso ñeñt' atta ellapetse't anorrets all
 shontena acheñenesha'. A'sechet o'ch apchachet
 shonte' acheñ attoch e'moñe'tachet Pablo. Ñetña
 pa'tsrre'mueñoŕetpa' ahuanmuet Jasón pa'paclo
 all a'posa Pablo ñaña Silas. O'pachet errotenotpa'
 o'te' cha'nmacha'tet a'yoŕ attoch acheñenesha'pa'
 o'ch rromuet. ⁶ Allempoña cha'cha'tet Jasón
 pa'paclopa' tarraña ama entaretteto. Ñapña
 rromuet Jasón ñaña po'poñe'chno acheñenesha'
 ñeñt' ameñetsa. Ñetaña anmarettatset
 añcha'tareŕesho. Pa'tsrre'mueñoŕetpa' nanac
 ama'to'chetnomuet attota'cho' chapuet allo'tsen
 añcha'tareñnesha'. Allñapa' atet otoset:

—O' chap acheñ ñeñt' muenene' o'ch
 a'po'poñeterrnay yocŕapña. Atto' pohuanmuet
 ama't po'poñ anetso'mar, te'pa' o' chapuet ñaña
 arr.

O' alla oterreterr:

—Añ Jasónpa' o' agapanet e'ñe cohuen te'pa'
 ñaña pa'paclo a'puenet. ⁷ Ñetpa' ama pocteye'
 enteñeto atto añcha'tareŕ o'ch nan ñoñets all
 anetso Romo. Ñetpa' aña otenet eñallo' po'poñ
 añcha'tareŕ ñeñt' nanac ahuañencaŕ ñeñt'pa' año'
 pa'so'cheñ Jesús.

⁸ Acheñenesha'ñapa' ñeñta e'muetpa' nanac
 atsrre'muet ñaña ama't añcha'tareñnesha'.
⁹ Allempoña Jasón ñaña po'poñe'chno acheñpa'
 o' ayorañpsarettet allpon po'çllayoret. Allotpa'
 otarettet:

—Añ quellepa' allach yapuerres ato't ahuerra' Pablo ñaña Silas.

Allempoñapa' a'rroyeret Jasón ñaña po'poñechno acheñ.

Allempo chap Pablo ñaña Silas anetso Bereo

¹⁰ Allempoña acheñenesha' ñeñt ame'ñetsapa' o' mueñeret Pablo ñaña Silas Bereo. Tsapocma amñareftenet a'nahua. O' chapuet Bereopa' be'toscha'toset judionesha' po'prahuo.

¹¹ Añña judionesha' ñeñt Bereo'tsa'yenpa' ñetñapa' e'ñe cohuen co'tape'chenet ama atteyayeto atet ñerra'm judionesha' ñeñt Tesalónico'tsa'yen. E'ñe pocsheñesha' e'mñotoñet Yompor po'ñoñ, allotña ñetpa' o' e'nyeset Yompor po'ñoño all aquellcaret ahuatoteñ. Tarro'mar ñetpa' mueneñet o'ch eñochet ñato' po'ñochte' atet serrpare'ten Pablo ñaña Silas. Pate'tets yetpa' attecma pete't. ¹² Ñeñto'marña shonte' acheñenesha' ñeñt ame'ñatsa. Shonte' ñaña coyanesha'chno ñeñt griegonesha' ñeñt nanac sherbetspa' o' ame'ñenet ñamet. Ñaña po'potantañ shonte' yacmanesha' o' ame'ñenet. ¹³ Añña judionesha' ñeñt yeçhetsa Tesalónicopa' o' e'mare'chet Pablo o' alla serrpare'tuerranerr Yompor po'ñoñ ñaña Bereo. Ñeñto'marña hua'cha'tet ñamet all attoch atsrre'matachet acheñenesha' o'ch e'moñe'tachet Pablo. ¹⁴ Añña acheñenesha' ñeñt o' ame'ñapa' o' mueñet Pablo tepa'to' ontapo allo'tsen sa'p atarr. Añña Silas ñaña Timoteopa' alla a'pa Bereo. ¹⁵ Puesheña'tets acheñpa' o' co'ta'nmet Pablo. Ñetpa' alla neñeta'

Pablo anetso ñeñt pa'so'cheñ Atenas. Allña so'tanna'tuet Pabloñapa' atet otanet:

—O'ch sotuer Silas ñaña Timoteo onetepa' ñamet e'ñe ñayecma.

Allempo chap Pablo ñaña Silas Atenso

¹⁶ Pabloñapa' alla cohuanet Atenso. Allña cohuanetpa' shonte' entosan ayečcataretečno all Atenso, ñeñt po'yomporer pa'yen acheñenesha'. Ñaña' nanac llecachet. ¹⁷ Pabloñapa' mueneñ o'ch be'tos judionesha' po'prahuo attoch serrpare't epuet parro judionesha' ñaña po'poñečno acheñ ñeñt cohuen cotape'chets Partsocop. Pate'tets yetpa' o'chcho' ahuo' all shontena acheñenesha' pueblo allña' o'chcho' serrpare'tet parro ñeñt allo'tsa'yen. ¹⁸ Parrochpa' aña huapatsa ñeñt ame'ñenaya Epicuro pocta'ña, allo'tpa' o' huapa ñaña ñeñt ame'ñenaya po'poñ cotapñats ñeñt otenet estoico. Ñetña' atet otet:

—¿Estē'ca'ye cotape'chenña añ acheñ ñeñt atta nanac eñets?

Po'potantañña' atet otet:

—Ñato' añte' muenen o'ch yečhatey po'poñ po'yomporer ñeñt ama yentare ya.

Tarro'mar Pablopa' añ serrpare'tatenanet atet pena Jesús ñaña ama't atto tanterra Jesús.

¹⁹ Ñetña' o' anmet Pablo all oteñet Areópago allecma apčhena eñotañnesha'. Allña' otoset:

—Ñehua, te'pa' o'ch potey este'ña pocta'pe'chen pa. Yapa' te'pa' yemneñ o'ch yeño'ch. ²⁰ Tarro'mar ñeñt peserrpare'tenpa' ama ye'mare. Yapa' yemneñ o'ch yeño'ch este' nanac poten.

21 Ñehua, allohuen atenso'marnesha' ñerra'm añ serrpare'tats ñeñt ama puentaretopa' ellapenetcha' e'mñotet. Ñeñtach paterr ma'yoçhret. Ñaña ñeñt yeçha'huerra Atensopa' ñeñt huapyetsa po'poñ anetsotpa' te'pa' atta penet ñamet.

22 Allempoña Pablopa' tomos rroçho all oteñet Areópagopa' atet otanet:

—Atenso'marneshacha' napa' neñotenes sapa' aña atarr sema'yoçhrena ñeñt seyomporer sepa'yen. 23 All nasuanempa' shonte' nentyesnom ñeñt sema'yochyena ñeñt seyomporer sepen. Paterr allecma sema'yochenapa' napa' nent all oten añ ñoñets: "Añpa' añecop Yompor ñeñt ama yeñotena'." Ñeñt sema'yochena ñeñt ama señotena'pa' ñeñtara Yompor te'pa' ñeñtcha'ña neserrpare'tatas.

24 'Añ ñeñtara Yompor ñeñt yeçhcate' añ pats. Ñaña yeçhcatan allohuen ñeñt yentyen aña patsro. Ña Pamo'mte' pen enet ñaña pats. Ñeñto'marña ya ñeñtey arromñaateypa' ama pallteno o'ch yeyeçhcatoñ allcha' yeçha. 25 Ñaña ama pallteno o'ch es yaḥ. Ñocop ama es palltetso. Elloña ñaña yapuene' allohueney atto yocrrena, apueney ñaña atto yo'rrerrena. Ñapa' apueney ora esocmañen.

26 'Ora allpon pa'namen acheñ ñeñt yeçha'yetsa aña patsro Yomporpa' ña yeçhcatue' e'ñe puešeñarroña acheñ. Ñapa' o' nohuanet e'ñech allempohua corra'yeset. Ñaña o' na'yesuanet e'ñech erra yeçha'yeset aña patsro. 27 Tarro'mar

Yomporpa' yečhcatan pa'namen acheñ tarro'mar añ coťape'ch allochñapa' allohuen acheñpa' ñerra'm e'ñe acořa e'neretpa' po'ñočpa' enteretcha'. Ñapa' allame'ttso'tsenate' yeshot.
²⁸ Tarro'mar e'ñe ñeshoť te'pa' yocrrena ñaña e'ñe ñeshoťpa' yechope'chen, ñaña e'ñe ñeshoťpa' ye'ñalleta. Ama't atet quellquë't ahuat puesheñarr samo'ts sa ñeñt etsotaye't ñoñets. Añmapa' ñeñt quellquë't samo'ts ahuat: "Te'ña po'ñoč Yomporpa' puechemerasha' peney."

²⁹ Alla oterrerr Pablo:

—Ñehua, ñerra'm po'ñoč Yompor puechemerasha' peney ya, ama pocteyaye o'ch yoch Yomporpa' arroť ayečhcataret oroť, amapa' arroť ayečhcataret asretoť, amapa' arroť ayečhcataret mapyoť. Añmapa' ñeñt ayečhcataretpa' e'ñe ya yoctapññoťa ayečhcataret, atet es yetma'ntatena ya.
³⁰ Ahuat acheñpa' ama't ama eñotenano ñeñt cohuentetsa Yomporecop, Yomporpa' amach erroť ñaneto. Tarraña te'ñapa' oteney yoctape'cherrepa' ello cohuen Yomporecop, allohueney acheñey ñeñtey corra'yetsa añe patsro.
³¹ Yomporpa' tarro'mar mueneñ o'ch yoctape'cherr etserra tarro'mar ñapa' o' ne' esempoch allohueneypa' yorrterrach ñesho. Te'pa' o' nan Jesús ñach acrerre' allohuen acheñ ñeñt e'ñe po'ñoč atet pete't. Acrancha' ñeñt cohuen acheñ ñaña ama't ñeñt ama cohueno acheñ. Ñeño'marña te'pa' o' eñotatuay Jesúsapa' ñach acrerrets tarro'mar Pomporpa' o' tantater ama't o' rromua ñaña Jesúsapa' e'ñe pocte' es pen. Te'pa' o' eñotatuay allohueney acheñey.

³² Allempoña serrpare'tan Pablo attoch yetanterra ellopa' añña puesheña'tets acheñpa' o' achm̄are'chet. Tarraña po'potantañña' atet otet:

—Ñehua, ñato' esempochña ye'mñoterrperr po'pocheño.

³³ Allempoñapa' ahuer Pablo. ³⁴ Tarraña puesheña'tetspa' yemchet Pablo ñaña o' ame'ñet. Añña puesheñarr ñeñt ame'ñatsa añ pa'so'cheñ Dionisio ñeñtara ñeñt am̄cha'tarettetsa ñeñt a'pocstatene' ñoñets all oteñet Areópago. Ñapa' o' ame'ña, ñaña po'psheñeñ coyanesha' ñeñt pa'so'cheñ Dámaris. Ñaña po'poñechno acheñ o' ame'ñet ñamet.

18

Allempo chap Pablo Corinto

¹ Allempo ahuo' ñaña anetso all oteñet Corinto. ² Chap Corintopa' entosan puesheñarr judionesha' añ pa'so'cheñ Aquila. Ñapa' errte' huetsa Italiot epuet puetapor ñeñt pa'so'cheñ Priscila. Año'mar huenet Italiot tarro'mar am̄cha'taret Claudiopa' o' nan paterr ñoñets all Italio. Ñeñtpa' atet ot: Allohuen judionesha'pa' ahuanerretepa'to' Romot. Aquilapa' arr eñalletña Ponto. Pabloñapa' ahuo' o'ch entenana' Aquila epuet puetapor. ³ Ñetpa' ñeñta po'taruas penet atto yeçcatenet shetamtoso'. Pabloñapa' alla a'pa epuet attoch taruaset parro. ⁴ Pate'tets semana allempo chen yet allempo amesenet Pabloñapa' o'chcho' ahuo' judionesha' po'prahuo. Allña' allcha' serrpare't epuet judionesha' ñaña ñeñt ama

judioneshayaye. Ñapa' atarr mueneñ o'ch ame'ñatanet.

⁵ Allempoñapa' huapa ñaña Silas epuet Timoteo. Taya huapuet Macedonio. Allempopa' añ nanac torrena Pablo serrpare'te'. Ñapa' añ eñotatenan judionesha' Jesúsapa' ñeñtaraca'ye Cristoterrets ñeñ atarr cohuenet ahua'toteñ. ⁶ Judionesha' ñapa' nanac e'moñe'chet Pablo, o' achmāre'chet. Allempoña Pablopa' o' pa'shman pa'shtam attoch eñochet nanac a'tpare'tenet. Allempoñapa' atet otanet:

—Sapa' sañeñach a'chencatuerrtsa. Tarraña napa' amach es seyohua'no. Te'pa' tayoteñ añach neserrpare'tat ñeñt ama judioneshayaye.

⁷ Allempoñapa' ahuerr. Chap añ ñeñt pa'so'cheñ Justo pa'paclo ñeñt ame'ñenaya Yompor. Pa'paquēllpa' allame'ttso'tsen allo'tsen judionesha' po'prahua'. ⁸ Ñeñt añcha'tarettetsa judionesha' po'prahuo ñeñtpa' añ pa'so'cheñ Crispo. Crispopa' o' ame'ñerrana Yepartseshar Cristo ñaña allohuen ñeñt pa'paclo'tsen. Shonte' corinto'marnesha' e'mñotoñet Yompor po'ñoñ, o' ame'ñerret ñaña o' apatarettet Yomporecop. ⁹ Atteñapa' orrtoña Pablo atet ñerra'm cho es yeçhopo'ten. Yomporpa' ahuo't otan Pablo:

—Amach pencha'tatsto, chocmach peserrpare't, amach atta pemamtetatsto. ¹⁰ Napa' o'ch necuanpeneḡ attoch amach esesha' errof es peḡaye. Tarro'mar napa' nechen shonte' acheñ añ anetsrof ñeñtcha' name'ñaya.

¹¹ Allña' allena alla paterr char ñaña meter-rerr pechapmā arrorr. Allpa' nanac yeçhatanet Yompor po'ñoñ.

12 Allempoña am̄cha'taretta Galión e'ñe alla Acayopa' judionesha'ña o' ap̄chetpa', o'pachet Pablo. Allempoña o' rromuetpa' anmet am̄cha'taretsho allecma a'pocdatenet ñoñets.

13 Chapuet allpa' atet otoset:

—Añ acheñpa' aña yeçhatenan acheñenesha' atto'ch ame'nyet Yompor, tarraña ñeñtpa' ama atteyaye atet oteney Moisés po'ñoñ ñeñt atet anaret.

14 Ahuo'ch eñoseñ Pablopa' Galiónñapa' atet otanet:

—O'ch notas ñeñtes judioneshas, ñerra'm añ acheñ añte' o' p̄ohua ñeñt ama cohuenopa' amapa' atet ñerra'm çho muetsenan acheñ, ñehua, pocte' napa' o'ch ne'mñnotas atto sottene'cheñ.

15 Tarraña ñerra'm amate' atteyaye, aña' e'ñe socpa —atet seyçhaten sa ñeñtes judioneshas, amapa' esesha'te' same'ñena, amapa' ñeñt atet oten ñoñets ñeñt atet anaret socop. Ñeñto'marña napa' notenes ñeñtpa' socpa. Ñeñto'marña napa' amach neñoso añecop ñeñt e'ñe socpa.

16 Allempoñapa' o' çha'nmaçha'taterranet.

17 Allempoña acheñenesha' aña rromuet Sóstenes. Sóstenespa' ñeñt am̄cha'tarettetsa judionesha' po'prahuo. O' rromuetpa' o' nalle'chet e'ñe alla allame'tets am̄cha'taretsho. Am̄cha'taret Galiónpa' ama cohua'psaneto.

Allempo çherrerr Pablo Antioquío

18 O' atomaterrerr Pablo alla Corinto allem-poñapa' o' so'tnerran ñeñt ame'ñetsa. Aña coterre' Priscila ñaña Aquila. Allotpa' año ahuañp̄set boto, arrcha' tet Sirio'mar. Arr asuanmuet anets Cencrea. Allñapa' o' shopena'tatosa Pablo. Añecop

shopena'tata attoch eñochet o' etsotuan po'ñoñ ña ñeññ atet otan ahuaña Yompor ñeññcha' atet pa Yomporecop. ¹⁹ Allempoña chapuet Efesopa' allñaapa' o' sa'nerran Aquila ñaña Priscila. Ñañaapa' o' ahuo' judionesha' po'prahuo allcha' serrpare'tet parro judionesha'. ²⁰ Allñaapa' otare'chet Pablo a'puepa'to' alla atomat, tarraña Pablopa' amo' mueno. ²¹ Allempoña so'tnerranetpa' atet otanet:

—Napa' o'ch alla ahuerren Jerusaléno allcha' nocshapretuerra añ yeter ñeññ anaret Partsocop allempoch alla cosherrerr judionesha'. Ñerra'm Yomporcha' muenatspa' ñato' o'ch nohuerrerr esempo.

Allempoñapa' ahuanperrerr boto. ²² Allempoñapa' arr etsotam̄psosa Cesareo. Cesareoñapa' asuanom Jerusaléno allcha' abechnoman ñeññ ame'ñetsa all. Allempoñapa' o' alla ahuer Antioquíó.

Allempo poma'pocheño ahuererr Pablo serrpare'tats allemeñ anetso'mar

²³ Antioquíopa' alla allponmatnerr, allotñaapa' o' ahuererr. Arr asuanerr Galacio'mar allotpa' ahuer Frigio'mar. Ñeññ ame'ña'yetsa allpa' o' yenpanet attoch huomenc perret pueyocher.

Allempo Apolos atarr cohuen serrpare'tatosanet all anetso Efeso

²⁴ Ñehua, allempopa' eñall puesheñarr judionesha' añ pa'so'cheñ Apolos ñeññ huetsa Alejandriot. Ñañaapa' o' chap Efeso. Atarr cohuen serrpare'tenan Yompor po'ñoñ, atarr etsotenan Yompor po'ñoñ ñeññ atet aquellcaret

ahuatoteñ. ²⁵ Ñapa' ayčhataret ñeñt atetcha' perra Yepartseshar ñeñtara ñeñt Cristotats. Ñapa' e'ñe po'ñoč serrpare't huomenc, yečhatanet ñeñtcha' atet perra Jesús. Añaña ama e'ñe eñotueno ora atet pena Jesús. Aña eñoten atet yečhate't Juanañ ñaña atet apate't Juanañ. ²⁶ Ñapa' serrpare'te't huomenc judionesha' po'prahuo. Allempoña e'm Priscila ñaña Aquila, ñetñapa' anmet ellonet allcha' eñotachet e'ñe ora ñeñt atet pa Yompor ñeñtaña palltena o'ch eñoch e'ñe poctacma. ²⁷ Allempoñapa' secha Apolos Acayo. Añaña ñeñt ame'ñetsapa' o' yenpuet. Ñetpa' o' quellquët carta añecop ñeñt ame'ñetsa all Acayo attoch ñetpa' o'ch agapet Apolos e'ñe cohuen. Allempoña o' čhap all Acayopa' nanac yenpan ñeñt ame'ñenaya cohuen ñoñets all. ²⁸ O' eñotatanet po'ñoč Jesúsapa' ñeñtca'yeña Cristoterrets ñeñt atarr cohuenet ahuatoteñ. Yompor po'ñoñot ñeñt aquellcare't ahuatoteñ o' gatyesanet atto Jesús o' etsotatuan ñeñt aquellcare't ahuatoteñ. Ñeñt allo'tsa'yen allohuen acheñpa' e'ñe po'huamencocma yečhatanet. Allempoña ama't puesheñarra judionesha'pa' ama erro't otenaye' enteto.

19

Allempo čherrerr Pablo Efeso

¹ Allempo Corinto'tsenmeñ Apolos, Pabloñapa' alla chopeñe'chen aspentarero. Atteñapa' o' alla čherr Efeso. Allñapa' all entosan allponsheña ñeñt ame'ñetsa. Tarraña ñetpa' allpon eñotenet allpon serrpare'tate't Juanañ. ² Pabloñapa' a'p'to'tan ñeñt ame'ñetsa, atet otanet:

—Sapa' allempoteñ same'ña, ¿ahuo't chorrasaña Parets Puecamquëñ?

Ñetñaapa' o' anapuet:

—Yapa' ama ye'mareña ñato' eñallte' Parets Puecamquëñ.

³ Pabloñaapa' alla oterrerr:

—¿Erroñenoñe'tña sapatareña?

Ñetñaapa' atet otet:

—Yapa' yame'ñeñoñ atet otye't Juanañ attoña yapatareña.

⁴ Pabloñaapa' alla oterrerr:

—Añoña apaten Juanañ atto o' cotape'cherret ello cohuen Yomporecop alloñaapa' o'ch apatareñtet attoch ame'ñeret ñeñtcha' huapatsa chenta'. Añoña ñeñt huapatsa chenta'pa' añepa't Jesús.

⁵ E'muet atetpa' apatareñterret pame'ñeñoñet Yepartseshar Jesús. ⁶ Allempoña Pablopa' o' a'pñlanet potot. Allempoñaapa' ahuepa't chorraret Parets Puecamquëñ. Allempoñaapa' o' eñosyeset po'poñ ñoñtso, o' a'potoñet atto eñorana'tanet Yompor. ⁷ Ñeñt eñosyesets po'poñ ñoñtsopa' allo'tsen ñato' çharrasheña puechena epsheña.

⁸ Pablopa' nanac serrpare'tate't all Efeso. Pañe'tets semana o'chçho' be'tosos judionesha' po'prahuo o'chçho' serrpare'tatanet atet pena Yompor po'cohuenña ñeñt atto atarr ayochreshatena ña. Ama mecha'te'te ama't mamesha. O'chçho' yeçhatanet allochñaapa' o'ch ame'ñatanet. Atteñaapa' o' ma'pña arrorr. ⁹ Tarraña puesheña'tets acheña'pa' nanac atpare'chete't ama ame'nyeto atet

serrpare'tatanet Pablo. Patpare'teñoťetpa' ama't all shontena acheñenesha'pa' o' sasare'toñet Jesús poctařña. Allempoñapa' ahuer Pablo. Ñeñťña ame'ñetsapa' o' coteret. O' ahuanmuet allo'tsen Tiranno pue'scuela. Allñapa' pate'tets yetpa' añña Pablopa' o'chcho' serrpare'tatanet pue'scuelpahuo. ¹⁰ Atteñapa' o' met epa char. Allohuen asio'marnesha' o' e'mare'toñet Yompor po'ñoñ —allohuen judionesha' ama't ñaña allohuen ñeñť ama judioneshayaye. ¹¹ Yomporpa' nanac ahuamencat pan Pablo. Ñeño'marña nanac orrtatanet Yompor po'partsoña ñeñť ama puentareto. ¹² Atteñapa' añña acheñenesha'pa' o'chcho' anerret ñeñť es a'plla'yen Pablo, atet ñerra'm es pañell amapa' pañoshe'm. O'chcho' anmet allo'tsen ñeñť atsna'tets. O'ch chapachet allpa' o'chcho' correrraña atsnañeť. Ama't po'neñeťetpa' o'chcho' quechpa'nerranet.

¹³⁻¹⁴ E'ñe allempopa' allo'tsen puesheña'tets judionesha' ñeñť achyo'tañnesha' ñeñť chocma chopeñe'chets erracmañen. Nehua, ñetpa' añ puechemereshanet ñeñť puesheñarr judionesha' ñeñťara ñeñť cornesha' nanac añcha'taret añ pa'so'cheñ Esceva. Allo'tsen cancherrsheña puechemerasha'. Ñetpa'cho'ña o' topachet ahuo'ch quechpatachet ñamet acheñenesha' po'neñeťer e'ñe pa'so'chño Yepartseshar Jesús. Ahuo'ch pet atet pena Pablo. Puesheñarrña ñeñť chorrena oneñeťpa' otoñet po'neñeťer:

—Napa' o'ch notař, e'ñe pa'so'chño Jesús ñeñť serrpare'ten Pablo o'ch pequechpa'ner añ acheñer.

15 Allempoña atet ochet oneñetpa' ahuepa'tcha' eñoraña, oneñetpa' atet ot:

—Jesúspa' neñoteññañ po'huamenc, Pablopa'cho'ña neñoteññañ atet po'huamenc echen. Tarraña sapa' eseshasuañaca'ye. Ama neñotennaso sehuamenc.

16 Allempoña acheñ ñeñt chorrena oneñetpa' omachana'tanet, orrotet parro epuet achyo'tañnesha'. Oneñetpa' nanac atserrpatse'tanet allohuenet. Muelle'mcoť atserrpatse'tuanet o' matrra'tuet pocolloť. 17 Añña allohuen efeso'marnesha'pa' o' e'mare'chet atet o' pet—allohuen judionesha' ñaña ñeñt ama judioneshayaye. Atarr yore'tanet. Allempoñapa' añcha'na'tpo' enteñet Yepartseshar Jesús.

18 Shonte' acheñ ñeñt ame'ñetset allempoñapa' huapyeset, o' a'meta'yesoset atto achyo'tyesete't.

19 Patantarrpa' o' huapatyeset po'libro ñeñt allo eñotet achyo'tatset. E'ñe all shontena acheñenesha' o' chama'tuet po'libro. Allempoñapa' o' somuerret errponte' tsa'tena allpon libropa' o' sala amnaroch çarra' mil poçllayoret. Ñeñt allpon tsa'tena allohuen libro. 20 Ñeñto'marña atarr añcha'na'tpo' entoñet Yompor po'ñoñ. Atarr ame'ñet.

21 Allempoña e'ñe Yompor Puecamquëñoťpa' o' secherrerr Pablo o'ch ahurrerr Macedonio ñaña Acayo, allotña o'ch asuanerrpa' o'ch ahurr ñaña Jerusaléño. Allotñapa' atet ot Pablo:

—Te'pa' aña palltetsa o'ch ahuen ñaña Romo.

22 O' mueñan epsheña acheñ ñeñt yenpuene' ñeñtcha' ñanom tatsa Macedonio. Añña ñeñt

epsheñapa' añ pa'so'cheñ Timoteo ñaña Erasto. Pabloñaapa' o' a'pohuerra allponmat Asio.

Allempo nanac ama'toçhtena acheñenesha' all Efeso

²³ Allempopa' o' atsrre'ma puesheña'tets acheñ. Añ atsrre'matahuet atto' pena ñeñt ame'ñetsa. ²⁴ Allo'tsen puesheñarr añ pa'so'cheñ Demetrio ñeñt ñanom e'moñe'te' ñeñt ame'ñetsa. Ñapa' añ po'taruas pen o'ch yeçhcatyesan pocollatollesha' añ toma'ntatena pocoll ñeñt allecma muechatse'tenet ñeñt po'yachorer penet ñeñt otenet yachor Diana. Añ pocollatollesha'pa' arroto' ayeçhcataretta asertalloť. Shonte' acheñ ñeñtara po'taruas penet, Demetrio ña apahuete't po'taruas atet. Shonte' quelle ganete't po'taruasot. ²⁵ Atteñapa' Demetriopa' o' apçhatuan allohuen pa'taruasañer ñaña po'psheññeçhno, ñetpa'çho'ña ñeñtara po'taruas penet. Apçhatuanetpa' atet otanet:

—Masheñeshacha' sapa' señoñeñ añ yetaruas ñeñtapa' alloch yegana shonte' quelle. ²⁶ Te'pa' señoñeñ ñaña añ ñeñt otenet Pablopa' ahuo'totuan acheñenesha' añ ñeñt yeyoser ñeñt yeyeçhcaten yapa' ñapa' oten amo' Partsoyaye. Ñapa' o' cotape'chatuan shonte' acheñenesha', te'pa' shonte' o' ame'ñatua. Ñetpa' o' huapore'tuerret shonte' ñeñt yapuenanet ñeñtcha' ma'yochet. Sapa' o' sentue atet penet arr Efeso ñaña o' se'mare'ch atet pa'yenet ora errařaren Asio'mar.

²⁷ Alla oterraneterr Demetrio:

—Ñeñto'mar te'pa' o'ch notas, ñato' o'ch huañerr yetaruas alloch yeganerra quelle. Tarraña ñeñtapa'

ama pocteyaye. Ñato' ellopa' o'ch a'ypo'ña'hueret ñaña yachor Diana ñeñt' puerahuo'tsen. Ñato' allempopa' ama't yachor Dianapa' o'huañcha' am'cha'na'tpo' eñchet, ama't ñaña ora allohuen asio'marnesha' ñeñt' po'yachorer pene'.

28 Ñeñta e'm allohuen acheñenesha'pa' nanac atsrre'matanet. Pa'tsrre'mueño'tetpa' o' rranare'tyeset, alla oterrete't:

—¡Paretsña'cho' yachor Diana!

29 Shonte' acheñ nanac ama'to'chtenet allohuenet. O' rromuet Gayo ñaña Aristarco ñeñt' macedonio'marnesha' ñeñt' parro chopeñe'chen Pablo. O' matrra'tet allo'tsen pocoll atarrpo' allecma ap'chena acheñenesha'. 30 Pablo'ñapa' mueneñeñ o'ch be'tos ñaña all ama'to'chtenetpa' tarraña añña ñeñt' ame'ñetsapa' ama muenacheto.

31 Ñaña puesheña'tets ñeñt' am'cha'taret'tetsa all Asio ñeñt' muerenaya Pablopa' o' mueño'ñet ñoñets attoch amach tatsto all ap'chenet te't muetseñet.

32 Allña ap'chenetpa' atfa rranare'tyenet. Puesheña'tetspa' atet otyeset atet co'fape'chyenet ñet, po'potantañña'apa' atet otyeset po'poñ ñeñt' atet co'fape'chyenet ñamet. Allohuenet ama't ama eño'tueñeto esocopte'ña ap'chenet, tarraña atfaña nanac ama'to'chtenet. 33 Puesheña'tets judionesha' o' cheta'nmet Alejandro o' huapachet attoch eñosachet. Ñaña'apa' o' echantosán pot attoch o'ch muetsoñeñtet añecop attoch o'ch a'poctatan ñoñets judioneshacop. 34 Tarraña allempo acheñenesha' ñeñt' ama judioneshayaye o' eñchet Alejandro ñapa' judionesha' ñetña'apa' alla

rranare'terreterr. Atarr tematen rrannartenet. O'chcho' alla oterret allohuenet parro:

—¡Paretsña'cho' yachor Diana! ¡Paretsña'cho' yachor Diana!

³⁵ Allempoñapa' puesheñarr añcha'tareġ ñeñġ taruaset gobiernocoppa' o' emma'huanet, atet otanet:

—Masheñeshacha', o'ch notas ñeñġes yeġhetsa arr Efeso. Ama't allohuen acheñenesha' erraparen e'ñe eñotueñet efeso'marneshaypa' yapa' ñeñġey cohuanġpene' yachor Diana ñeñġ puerahuo'tsen, ñeñġara yachor Diana ñeñġ nanac Parets, ñeñġ sohuatsa entot. ³⁶ Ñeñġpa' yeñotueñ allohueney acheñey. Amate' errotenot yoto ama atteyaye. Ñeñġo'marña e'ñe pocte' o'ch semtsoñeña. Amachña ġha sama'toġhtatsto.

³⁷ O' alla oterraneterr añcha'tareġ, atet otanet:

—Secua' ahuo't sehuapach arr añ epsheña acheñ. Tarraña ñetpa' ama es yoreneto yachor po'prahuot ñaña ama achmāre'teñeto yachor.

³⁸ Ñeñġo'marña te'pa' o'ch notas, ñerra'm mueneñ Demetrio ñaña pa'taruasañreġhno o'ch otteñe'chatanetpa' te'pa' e'ñe pocte' temantanetepa'. Tarro'mar te'pa' atorareġ allcha' a'poctatet ñoñets. Ñeñġcha' a'poctate' ñoñetspa' allo'tsena. ³⁹ Tarraña ñerra'm este' semnen o'ch sa'poctat po'poñpa' ñeñġpa' añ pocte' o'ch sa'poctach allecma apġhena ñeñġ nanac añcha'tareġeġhno. ⁴⁰ Ñato' temanta'yet ya tarro'mar yapa' e'ñe attota yama'toġhtena.

⁴¹ Ñeñġa otuanetpa' o' mueñhuerranet. Allempoñapa' ahuanomhuerret.

20

Allempo çherrerr Pablo alla Macedonio

¹ Allempoña o' muetsoñeñtuerret Pabloñapa' agotatuan ñeññ ame'ñetsa. O' coťape'chatnenanet e'ñe cohuen. Allempoña e'ñe puemorrenteñoñanet e'ñe cohuen so'tuanenanetpa' o' ahuen, o'ch ahuer Macedonio. ²⁻³ All oñerr Macedonio'marpa' nanac serrpare'tatnerranet Yompor po'ñoñ. Atteñapa' o' çherr Grecio ñeññara all oteñet Acayo. Allpa' alla a'pohuerra ma'pma arrorr. Autsaño' tam̄psatsañ ñaña Sirio botopa' tarraña o' e'mare'ch allpa' cha o'pateña judionesha' o'ch rromapet. Ñeñto'marña alla secherra Macedonio (tarro'mar allpa' patso'marach chope'chnerr). ⁴ Allempoña ahuer Macedoniopa' allpon acheñ o' coteret. Ñeñtpa' ñeññara añechno: Sópater ñeññ bereo'marnesha', alloťpa' ñaña Aristarco ñaña Segundo ñeññ tesalónico'marnesha', alloťpa' ñaña Gayo ñeññ derbo'marnesha', alloťpa' ñaña Timoteo, ñaña allo'tsen Tíquico ñaña Trófimo ñeññ asio'marnesha'. Allpon acheñ coterre'. ⁵⁻⁶ Arr çhaçha'tet Filiposo. Allempoña ñetpa' ahuanmuet o'ch otet, arrcha' cohuosyet Troaso. Yapa' alla ya'pa Filiposo epan Pablo allponmat.* Allempoña o' huañ allempo coshenet allempo rrenet pan ñeññ ama achasareteyaye allempoñapa' o' yahuanma yaña. Allempo ahuañpsey botopa' pa'mnarmatñoñapa' o' yeçhap yaña Troaso.

* **20:5-6** Lucas ñeññ quellquë' añ ñoñets ñapa' coťa'nman ñaña Pablo.

Allñapa' allo'tsa'yen ñeñĩ otatsa ahuaña. Allñapa' alla ya'posa cançherrmat.

Allempo Pablopa' emo'tnom anetso Troaso

⁷ Allempoña çhap allempo mo'tta'muena yetñats temencpa' yapçha allohuene y ñeñey ame'ñetsa. Yeyerpueñoť Yepartseshar Jesús pa' o' yerra' pan ñeñĩ ashota'tareť ñeñĩ atet anaret Yomporecop. Allempoña Pablopa' nanac serrpare'tatanet. Ñapa' otanet:

—O'ch ahuenen tsapať.

Ñeñto'marña ama't o' rroçh tsapuenpa' alla serrpare'tatenanet. ⁸ Allña yapçhena pocollo enopa' nanac a'yohuen ßať. Allpa' shonte' lampareñ ñeñĩ corra'yetsa. ⁹ Allñapa' allo'tsen puesheñarr huepuesha' añ pa'so'cheñ Eutico. Ñañaapa' alla anen ventanoť. Atto nanac serrpare'ten Pablopa' Euticoñapa' ahuo't alla ma' anaťoť. Ahuo't alla ma'pa' machayoťa shora'nom patso. Ma'pa piso alloť shora'nom. Allempoña echantoseťpa' o' rroma. ¹⁰ Allempoña sohuerra ñaña Pablo. O' huapa o' mo'capa' a'çhono'tos allempoñapa' otanet:

—Amach sellcatsto, Yomporpa' o'ch alla tantater.

¹¹⁻¹² Añña huepuesha'ña ñeñĩ o' shora'nemuapa' o' alla aneret e'ñe huomech. Allempoña allohuenetpa' atarropa'tcha' coshet. Allempoñapa' o' alla a'terr Pablo. Allñapa' o' rrallme'chet. O'ña rrallme'chuetpa' o'huañ tematen all serrpare'tatannenet. Atteñapa' o' puetarespenet. O'ña puetaresuenpa' o' ahuen Pablo.

Allempo ahuanerret Troasot arr cha'cha'tet anetso Mileto

¹³ Allempoña yapa' o' yahuanma o'ch yota o'ch yerrma' añecmuen noñt ñeñt otenet bote o'ch ahuañpsey Asóno allcha' yecuos Pablo. Tarro'mar otey Pablopa' ñapa' arro'ch oñom patso'mar o'ch chap Asóno. Alloitñaapa' o'ch a'tap ñaña boto, tarro'mar atet o' ya'pocstat epay Pablo ahuañacma. ¹⁴ Atteñapa' o' ye'chap Asóno. Allñaapa' all yentanna'ta epay Pablo. Alloitñaapa' a'tap ñaña boto, alloitñaapa' ahuañpsey parro. Atteñapa' o' ye'chap Mitileneo. ¹⁵ Mitileneotñaapa' o' alla ahuañperryerr boto. Tsapatñaapa' a'yo'mara yoñem Quío. Alloitña tsapatenerppa' alla yetsotosa Samsó. Yen'terrerr Samsotpa' alla yamesuerrerr Trogilio. Alloitña tsapatenerppa' alla yetsotuerrerr Mileto. ¹⁶ Allñaapa' ot Pablo amach yetatsto Efeso tarro'mar ñapa' ama mueno o'ch alla yatoma'tare'tnom Asio'mar. Ñapa' aña mueneñ o'ch ye'chap tecma Jerusaléno añecop o'ch yentapreterra' Pentecostepo.

Allempo e'ñe ñeñteshaña serrpare'tatnerranet Pablo Efeso

¹⁷ Ñeñto'marña allempo Mileto'tseneypa' Pabloñaapa' agotatan ñeñt pompornesha' pen ñeñt ame'ñetsa Efeso, onetepa' Mileto all o' ye'chap ya. ¹⁸ Allempoña o' huacha'tet Pabloñaapa' o' serrpare'tatanet, atet otanet:

—Sapa' seño'tenen atet o' ne'pohuanma sesho, ama't ahua'toteñ allempo ñanom ne'chap Asio all sey'chena. ¹⁹ Sapa' seño'tenen añecop netorrena Yomporecop ama añecpaye' netorreno attoch

acheñenesha'pa' o'ch entenen e'ñe cohuen ñeñt e'ñe orrena. Napa' ama't neya'chpeñesha' netorrena Yomporecop tarraña judionesha'pa' nanac o'patennet. Ama't pa'namen nehuapoya e'ñe nemuerochteño'pa' chocma netorrena Yomporecop. ²⁰ Señotenen ñaña napa' o' neserrpare'tatuas ora allohuen ñeñt poctetsa socop. Ama es na'nasotañpsaso ama't coñe'ta. Napa' o' ney'chatuas allohuenes parro allempo sap'chena ñaña o' ney'chatyesnomues e'ñe sepaclo'mar. ²¹ O' neserrpare'tatuas añ pocte' o'ch soctape'cherr ello cohuen Yomporecop ñaña añ pocte' o'ch same'ñera Yepartseshar Jesucristo. Ñeñt'pa' atet o' notuas allohuenes ñeñtes judioneshas ñaña ama't ñeñtes griegoneshas. ²² Te'pa' o'ch ahuerren Jerusaléno, tarro'mar o' sechatterren Yompor Puecamquëñ. Tarraña o'ch necherr Jerusaléno'pa' ama neñoteña' ñeñt'cha' allohuen nehuapoya all. ²³ Aña neñoten o' eñotaten Parets Puecamquëñ ñeñt'cha' atet pa'net o'ch yottam'pesnetpa' o'ch muerochtatnet. Ora allpon anetso attec'mach pa'net. ²⁴ Tarraña ama't atet'pa' napa' ama nem'cha'teno. Ama't'cha' nerromapa' pocte' nenteñ o'ch nerroma. Te'pa' añ palltetsa o'ch ne'nua netaruas. O'ch netsotatuon ora allohuen ñeñt atet llesensa'n Yepartseshar Jesús. Ñeñt atet llesensa'n Yepartseshar Jesús'pa' ñeñt'pa' attoch neserrpare'tach acheñenesha' ñeñt cohuen ñoñets atto Yompor pomuereño'pa' a'queshpaterreycha'.

²⁵ O' alla oterraneterr Pablo:

—Te'pa' neñoteñ sapa' amach senterrno

po'pocheño, ama't allohuenes allo' ne-
chopeñe'chuanom serrpare'tnomue' Yompor
po'cohuenña. Aña neñoten amach senterrno.

²⁶ Ñeñto'marña te'pa' o'ch neñotatas ñerra'm
eseshas chenquërrtsapa' tarraña napa' ama
es na'chencatam̃psase'te tarro'mar napa'
çhocma neserrpare'tatase't attoch amach
sechenquërro. ²⁷ O' neserrpare'tatuas ora
allohuen atet cotape'chateney Yompor. Ama
es na'nasotam̃psaso ama't coñe'ta.

²⁸ Allempoñapa' alla oterraneterr ñeñt pompornesha' penet:

—Te'pa' seño'tach. Te'pa' añ pocte' o'ch
secuam̃peñ cohuen allohuen ñeñt ame'ñenaya
Yompor. Atetcha' sepa atet ñerra'm ñeñt
cohuañpene' po'carrneror. Sapa'cho'ña atetcha'
sepa sam̃a o'ch secuam̃peñ ñeñt ame'ñetsa.
Ñeñtcha' setaruas sepa' atet llesenses Paret
Puecamquëno't. Tarro'mar Yepartseshar

Jesúspa' o' rroma ñocpuet ñamet. ²⁹ Napa'
neñoteñ allempoch ama allo'tsennopa' o'ch
huaponasa ñeñtcha' seshquë', ñapa' mueneñcha'
o'ch a'psatas Yompor po'ñoñ. Atetcha'
huapuet atet ñerra'm ma'yarrpa' ñerra'm
huapapa' o'ch a'chencatuan allohuen carrnero.

³⁰ Ama't e'ñe sagattsapa' orrtetcha' ñeñtcha'
seshquë', ñeñt ama Yomporeyaye po'ñoñpa'
ñeñtpa' serrpare'tatasetcha'. Tarro'mar ñetpa'
mueneñtcha' o'ch ame'ñatuaset e'ñe ñet pocta'pña.

³¹ O' alla oterraneterr Pablo:

—Te'pa' seño'tach. Chocmach seyerpa'na
tarro'mar sapa' seño'teñ o' ma'pa char çhocma

noctape'chatas cohuen —ama't yeŧo, ama't ñaña tsapo. Ama't neya'chpeñesha' čhocma noctape'chatase'ŧ.

³² 'Te' Yomporpa' cohuanĩpsasepa'ch. Yomporepa'chña po'ñoñ señoŧate' puemuereña. Yomporepa'chña po'ñoñ seyčate' attoch huomenc sepa' seyočher. Yomporepa'chña po'ñoñ sa'queshpaterre' atet ñerra'm ñeñŧ allohuen ñeñŧ pame'ñeñoŧet o' a'cohuentatuareŧterret.

³³ Ñaña napa' ama neye'chapreto po'psheñeñ po'čllayor, amapa' pa'shtam ama neye'chapreto.

³⁴ Sapa' señoŧenen ñeñŧ allpon nepalltenapa' e'ñe notot netaruasa' atto nechen ñeñŧ nepallta'yena. Ñaña e'ñe na netaruasoŧpa' es napa'yeñ ñaña ñeñŧ noctene'. ³⁵ E'ñe na netaruasoŧpa' čhocma neñoŧatenes ñeñŧ poctetsa o'ch yetaruasa' attoch es yechyes alloch yeyenpue' ñaña po'psheñeñ ñeñŧ es palltetsa. Añ pocte' o'ch yeyerpueña atet otye'ŧ Yepartseshar Jesús. Ñapa' atet ote'ŧ: “Nanac yocshena ñerra'm esempo es yapa'yeñ po'psheñeñečno, añña ama tama yocsheno ñerra'm esempo po'psheñeñpa' o'ch es apueney ya.”

³⁶ Ñeñña otuapa' o' concorpa o' ma'yochatnenanet. ³⁷ Añña acheñenesha'pa' pomorrenteñoŧet Pablopa' o' yahuanrrortet.

A'čhono'chetpa' o' tso'tstsapa'chet. ³⁸ Atarr llequët nanac. Atet o' otanet Pablo ñeñŧña nanac llecatahuet ŧarro'mar ñapa' otanet “amach senterrno arr patsro.” Allempoñapa' o' coŧa'neñet Pablo arrohua allo'tsen bote.

21

Allempoña o'ch alla çherrerr Pablo Jerusaléño

¹ Allempoña o' yesa'nenanetpa' o' ahuanperryerr boto. Alloñapa' paçharra yepe'pa' o' yeçhap Coso. Tsapatñapa' arr yeçhap Rodaso. Alloñapa' arr yetsotosa Pátaro.

² Pátaroñapa' o' yentos po'poñ bote ñeñcha' tatsa Fenicio. Yañapa' o'çho' ya'tapos alloñapa' ahuanperryerr boto. ³ Allempoña yetampena sa'popa' yentnom coñe't pats ñeñ pa'so'cheñ Chipre, e'ñe arro't yentnom ye'chcofero't. Atteñapa' o'çho' yenitampes boto, arr yesechena Sirio. Allempoñapa' arr yetsotosa all oteñet Tiro, tarro'mar allpa' o'ch a'suatatsre'tet boto't.

⁴ Yañapa' o' yesua attoch yentnom ñeñ ame'ñetsa all. Allñapa' alla ya'posa cançherrmat. Ñeñña ame'ñetsa allpa', ñetñapa' ochet Pablo:

—Amach petatsto Jerusaléño.

Tarro'mar Parets Puecamquëña' ahuo't eñotatanet atetcha' pet Pablo all Jerusaléño.

⁵ Tarraña allempoña o' met cançherrmatpa' o' alla yahuanerrerr. Allempoña allohuen yacmanesha'pa' co'a'nemyet pueblot a'yenet, ñaña pue'taporeshohuenet ñaña puechemerneshet. Allñapa' all yeconcorposa ontapopa' o' yema'yochosa all. ⁶ Allempoña o' yema'yochuapa' o' yeso'tenanet. Allempoña yapa' o' ya'tenerr boto, ñetñapa' o' ahuanerret pa'paclo.

⁷ Allempoña o' yenerr Tiro'tpa' arr yetsotuenerr Tolemaido. Allñapa' all yehuomcha'tnom ñeñ ame'ñetsa. Allñapa' all yepatrranom yet.

⁸ Tsapatñapa' o' yahuanenerr, allempoñapa' arr

yečhap Cesareo. Allñapa' o' yebe'tosos Felipe pa'paclo, allpa' allcha' yommosa. Añ Felipepa' ñeñt serrpare'tene' cohuen ñoñets. Ñaña ñeñtara Felipe ñeñt net ahuaña ñach epatyehuet rreñets epuet po'psheññečno pechapsheña. ⁹ Añ ñeñtara Felipepa' echenan pa'tatssheña po'sñesha'. Ñetpa' ama arrollareteto. Ñetñapa' nanac a'poteññañet ñamet Yompor po'ñoñ. ¹⁰ Allempoña ya'llponmotos allpa' o' huapa ñeñt a'mitene' Yompor po'ñoñ añ pa'so'cheñ Agabo. Ñapa' Judeot huapa. ¹¹ Allempo huapapa' o' pueyosan Pablo po'chanar. Añña chanaretspa' Agabo ñañeña huancatatsa e'ñe potot ñaña pa'tcot. O' huanca'huapa' atet otan Pablo:

—Ñeñt'pa' atet oten Parets Puecamquëñ, ñeñtep echene' añ chanaretspa' judionesha' ñeñt Jerusaléño'tsa'yenpa' atetcha' huancapet atet nehuanca te' ñañeña. Ehuancaretcha' o'ch pomapet allo'tsen acheñenesha' ñeñt ama judioneshayayeto.

¹² Ñeñtña atet ye'mpa' yotare'ch Pablo:

—Amach petatsterro Jerusaléño.

Ñaña ñeñt acheñenesha' ñeñt allo'tsa'yenpa' atet otare'chet Pablo ñamet. ¹³ Allempoña Pablopa' otanet:

—Eso'mare'tña nanac seyahuena, te'pa' o'ch sellcaten. Napa' e'ñe pocte' nenteñ huanca'netepa'. Ñaña e'ñe pocte' nenteñ nerromuepa' Jerusaléño, attoch nerroma e'ñe neserrpare'teño' Yepartseshar Jesús po'ñoñ.

¹⁴ Pabloñapa' ama e'mñotyey. Allempoña ama erro' yepepa' o'huañ erro' yoch, aña yoter:

—Ñehua, ñerra'm atette' muenen Yomporpa' ama'tpa' attepa'ch.

¹⁵ Allempoñapa' o' yañño'tatsre'tena. Allempoña o' yañño'tatsre'tuapa' yahuanenerr Jerusaléño.

¹⁶ Añña puesheña'tets cesareo'marnesha' ñeñt ame'ñetsapa' allenta co'a'nenyet, arr nehuerryeta' all ye'chena Mnasón ñeñtara ñeñt chipro'marnesha'. Ñaña' ahuatoteñ ame'ña'hua. Pa'pacloñapa' all ya'posa.

Allempo Pablopa' emo'tuerr Jacobo ñeñt Jesús pa'mo'nasheñ

¹⁷ Allempoña o' ye'cherr Jerusaléño'pa' añña ñeñt ame'ñetsa allpa' e'ñe pocsheñesha' agapyet. ¹⁸ Tsapaña puetarenpa' yahuanma parrocmá Pablo o'ch yenteña' Jacobo. Añña allohuen ñeñt pompornesha' pen acheñenesha' ñetpa'cho'ña alla yentosanet, allo'tsa'yenet ñamet. ¹⁹ Pablo'apa' o' huomñcha'tosanet allohuenet. Huomñcha'tuanetpa' allempoñapa' serrpare'tatuerranet e'ñe ora allpon Yompor po'huamencot o' etsotuoñ e'ñe ñocop. Serrpare'tatuerranet atto acheñenesha' ama't ñeñt ama judioneshayayetopa' o' ame'ñatuanet ñamet.

²⁰ Ñeñta e'mhuetpa' nanac aye'chochtatoñet Yompor. Tarraña allempoñapa' atet ochet:

—Tarraña masheñe, ahuo't peñoche'pa' shonte' mil judionesha' o' ame'ñenet ñamet. Ñetpa' e'ñe huomenco otenet añ palltetsa allohueney ñeñt'ey judioneshay o'ch ye'pohua atet otye't Moisés. ²¹ Ñetpa' o' e'mare'tonapet peñoñ añe'no' pey'chaten judionesha' ñeñt ye'cha'yetsa po'poñ

anetso all yeĉha'yena ñeñt̃ ama judioneshayaye atto año' pocte' o'ch puesuerret Moisés po'ñoñ. Ñaña o' e'mare'tapet ahuo' potuanet amach tsorratsteto puechemeretollesha', ñaña amo'ch p̃atsteto atet yeyĉhena ahuatoteñ.

22 Allempoñapa' alla otereterr Pablo:

—Ñehua, te'pa' ĉerrote'tcha'ña yeĉaña te' tarro'mar po'ñoĉpa' o'ch e'mare'tapet o' peĉherr arr? 23 Ñehua, te'pa' o'ch pe'mñotey o'ch yotaĉ ñeñt̃cha' atet peĉa. Ñehua, arropa' arro'tsen pa'tatssheña ñeñt̃ netset ñetañeña ñeñt̃cha' atet pet Yomporecop, ñeñt̃ atet yeyĉhena ya ñeñt̃ey judioneshay. 24 Te'pa' aña pocte' ñeñt̃cha' atet peĉa. O'ch p̃anem̃ añ pa'tatssheña e'ñe epaspa' o'ch sa'cohuentatena' ñeñt̃ atet anareĉ Yomporecop ñeñt̃ atet yeyĉhena ya ñeñt̃ey judioneshay. Ñaña añ pa'tatssheñapa' o'ch petsa'tanet attoch shopena'tatet, ñaña ora ñeñt̃ palltetsapa' o'ch petsa'tanet. Allochñapa' allohuen judionesha' o'ch eñochet po'ñoĉpa' ama atteyaye ñeñt̃ atet e'mare'tet p̃ocop, tarro'mar allempopa' o'ch eñotapet p̃apa'ĉho'ña o' peĉohua ñeñt̃ atet oteney Moisés po'ñoñoĉ. 25 Tarraña añecop ñeñt̃ ama judioneshayaye ñeñt̃ o' ame'ñapa' yapa' o' yemñanet carta, o' yotuanet cartoĉ ñeñt̃ pocte' yenten ñocpuet ñeñt̃cha' atet pet. Ñeñt̃pa' añeĉhno: Amach rratsteto po'ĉhets ñeñt̃ muetsenet ayeĉcatareĉecop ñeñt̃ po'yomporer penet. Ñaña o' yotuanet amach rratsteto es po'rras, ñaña amach rratsteto ñeñt̃ muetsenet ñeñt̃ atta a'pañareĉ. Ñaña o' yotuanet amach

chetapretatsteto taporets. Ñeñña yot Janet yecartot.

Allempo rromapueret Pablo all Parets pa'paclo

²⁶ Allempoña Pablopa' o' anman añ pa'tatssheña. Tsapañña' o' a'cohuentatet e'ñe parro, ñeññ atet yeçhena judionesha'. Allempoñapa' ahuanmuet Parets pa'paclo o'ch eñotatenaneta' esempoch o'ch met allponmat e'ñe allempoch o'ch a'cohuentatuet. Allempochña Pablopa' o'ch muetsatanet Partsocop carrnero puesheña'ttsoçmuet, ñeññpa' atet pena judionesha' Yomporecop.

²⁷ Tarraña o' taya çapmoch cançherrmat allempoch o'ch a'cohuentatuetpa' añña judionesha' ñeññ huetsa Asio'tpa' o' eñchet Pablo all Parets pa'paclo. Ñetña'pa' o' atsrre'matachet acheñenesha' attoch o'ch e'moñe'chet Pablo. Allempoñapa' o'ch rromuet Pablo. ²⁸ Pa'tsrre'mueño'tetpa' o' rranare'tyeset, otyeset:

—Masheñnesha judioneshacha' o'ch seyenpa'y. Te'pa' o' yenter añ acheñ ñeññ ye'moñe'tene' ñeññey judioneshay ñeññara ñeññ o' puesuerran Moisés po'ñoñ ñaña ñeññ o' a'sosyatuan Parets pa'paquëll. Te'pa' o' erracmañen atet o' yeçhatyesuan acheñenesha'. Elloña te'pa' o' abe'tatan ñaña acheñ ñeññ ama judioneshayaye arr Parets pa'paclo. Allochña' ahuo'ch a'sosyatuan Parets pa'paquëll.

²⁹ Tarro'mar atet otet o' eñchet Pablo epuet Tróximo all chopeñe'chen epuet Jerusaléño. Tróximo ñeññpa' efeso'marnesha', ama judioneshayaye. Ñetpa' çho' otenapuetañ

ñato' Pablopa' o'te' abe'tatan Trófimo all Parets pa'paclo ñeñt' ama pocteye' enteno judionesha'.

³⁰ Allempoñapa' allohuen acheñenesha'pa' o' atsrre'muetpa' matrra'tet allo'tsen Pablo o' rromuetpa' o' cheta'nmet a'yenet Parets pa'pacloŧ. Allorocma yotetuet Parets pa'paclo.

³¹ O' muetsamochet Pablopa' añña ñeñt' solltarnesha' pa'mcha'tareŧpa' o' e'manet atet nanac ama'toçhtena allohuen acheñenesha' all Jerusaléño.

³² Ñañaapa' o' anman allpon solltarnesha' ñaña allpon capitánnesha'pa' o' matrra'tet allo'tsa'yen acheñenesha'. Allempoña acheñenesha'pa' o' entapan solltarnesha' epuet pa'mcha'tareŧpa' o'huañ çhota'chet Pablo.

³³ Allempoña çhap amcha'tareŧpa' o' rromatan Pablopa' o' huanquët epa cadeno. Allempoñapa' a'pŧo'tanet:

—¿Eso'tña pa'so'cheñ añ acheñer?

Ñaña o' a'pŧo'tanet:

—¿Esté'ña o' pŧohua ña?

³⁴ O' anapyeset po'poñe'ttsocma. Puesheña'tets acheñpa' otyeset atet coŧape'chet ñet, po'potantaññaapa' atet otet po'poñ ñeñt' atet coŧape'chenet ñamet. Nanac ama'toçhtenet ñeñto'marña ama eñocheto e'ñe po'ñoçh ñeñt' atet o' pŧohua Pablo. Ñeñto'marña amcha'tareŧpa' anmatan Pablo pocollo all shontena solltarnesha'. ³⁵ Allempoña o' çhapuet alloŧ a'tenet pocollopa' añña solltarnesha'pa' o' enatnomet Pablo eno, ŧarro'mar ŧaye'to' acheñenesha' pa'tsrre'mueñoŧpa' muetseñet.

36 Tarro'mar acheñenesha'pa' o' coña'huanmet.
Puerranare'teñoŋ otyesnomuet:
—¡Semtseñaca'ye!

*Allempo Pablopa' e'ñe cohuen eños ñocop
allo'tsa'yen ñeñ e'moñe'tene'*

37 A'tapachet pocollopa' Pabloñapa' otosan soll-
tarnesha' pa'mcha'tareter, eños griegačo, ot:

—Te' napa' nemneñ o'ch notař paterr ñoñets.

A'mcha'tareñapa' och:

—¿Po'ñoča't pe'muen griegačh?

38 Alla otererr a'mcha'taret:

—Papa' ¿ama't añeyaype egipto'marnesha' ñeñ
atsrre'mate' ahuaña acheñenesha' atto ñetpa'
atpare'chet gobierno', ñeñtara ñeñ ahuanmue'
pa'tatsoch mil amtsañnesha' a'yo amarato?

39 Pabloñapa' alla otererr:

—Napa' amaca'ye ñeññeyayno, napa'
judioneshan ñeñten tarso'marneshan, ñeñtara
anets nanac atarr ñeñ allara Cilicia. Napa'
o'ch notare'tař attoch pemnaten o'ch neños
acheñeneshacop.

40 Allempoñapa' o' muenatan Pablo o'ch
eños. Pabloñapa' alla tomos allotecma
a'tenetpa' echantos pot attoch muetsoñeñtua
acheñenesha'. Allempoña o' muetsoñeñtuetpa'
Pabloñapa' o' eños hebreačo, atet otanet:

22

1 —Masheñneshacha' ñaña nomporneshacha',
o'ch se'mñoten ñeñtcha' atet neños e'ñe nocop.

2 Allempoña e'mhuet atto o' serrpare'tatanet e'ñe ñet po'ñoñetopa', allempoñapa' o' e'ñe muet-soñeñtuet poctacma. Pabloñaapa' alla oterraneterr:

3 —Napa' judioneshan, arr ne'ñalleta Tarso e'ñe alla Cilicia. Tarraña arrña e'ñe eñotñan Jerusaléño. Ñeñt neyçhate' napa' ñeñtpa' Gamaliel. E'ñe ña pueyçhateñoñenpa' netsotuoñ e'ñe poctacma ñeñt Moisés po'ñoñ ñeñt atet anaret ñeñtcha' atet pa yatañneshañ. Nanac nema'yoçhra ñeñt Yomporecop ñeñt atet sepena te' sa. 4 Napa'çho'ña ahuañmo'chapa' nanac nemueroçhtache't ñeñt cotene' Jesús poctaþña. Napa' o'ch nerrmanatanet, allotñaapa' o'chçho' nehucatanet, ñaña o'chçho' nabe'tatanet ñaña cárcelo. Ñaña nemtsatatue't—yacmanesha' ama't ñaña coyaneshaçhno. 5 Ama't cornesha' ñeñt nanac añcha'taretpa' eñotuane't ñeñt atet nepe't. Ñaña allohuen ñeñt pompornesha' penetpa' e'ñe eñotuennet ñamet ñeñt atet nepe't. Ñet allempopa' ahuo't apnet orden ñeñtcha' napueña' yamo'ts judionesha' ñeñt Damasco'tsa'yen. Añ orden ñeñtpa' alloch mueñanet attoch o'ch nerrmanatue ñeñt ame'ñaye't Jesús. Ehuancarētetpa' o'ch nahuanmanet Jerusaléño allcha' yecoñchatuanet.

*Allempo Pablopa' serrpare'tatanet atto ello cotape'cherran cohuen Yomporecop
(Hch. 9.1-19; 26.12-18)*

6 'Atteñapa' o'cho' ahuen Damasco. Allempoña neçhappmoch Damascopa' allempo o' çhappmoch pocto. Ñeñtña nanac poptetsa entoþpa' machayoþepa'tcha' çhojo'tañþsapuen.

⁷ Allempoña čhoyo'tam̃psen e'ñe neshopa' nañapa' alla nerrmopra patso. Allempoña nechappatsopa' ne'm ñoñets ñeñt̃ atet̃ oten: “¿Eso'mare't Saule, pemueročhtatennanña ñeñt̃ name'ñenaya?”
⁸ Nañapa' o' not: “¿Eseshape't Ayochreshate eñets?” Ñeñt̃ eñetspa' alla oterrerr. “Napa' ñeñten Jesús en ñeñten nazareto'marneshan, narramche'ña atarr pemueročhtaten.”
⁹ Ñeñt̃ña allo'tsenen e'ñe parropa' ñetpa'cho'ña entetca'yeña ñeñt̃ nechoyo'te' ñeñt̃ña' cha yore'tanet tarraña ñetñapa' ama eñochetoña ñeñt̃ atet̃ notare'tta.
¹⁰ Nañapa' o' alla noterrerr: “¿Est̃e' Partseshacha' poctetsa ñeñt̃cha' atet̃ ne'pa?” Partsesha'ña Jesús pa' alla oterrerr: “Te'ñapa' o'ch petanta o'ch ahue'p̃ Damasco. Allcha'ña otapet allohuen ñeñt̃ anaret̃ ñeñt̃cha' atet̃ pe'pa.”
¹¹ Allempoñapa' o'huañ nenta tarro'mar o' rrechaten ñeñt̃ po'ptetsa ñeñt̃ nechoyo'tam̃pse'. Ñeñt̃ña noctene' ñetñapa' echa'nomnet notot̃. Attoña chapatnet Damasco.

¹²⁻¹³ 'Yečhap Damascopa' allempoñapa' huapa puesheñarr añ pa'so'cheñ Ananías. Añña Ananías pa' nanac ame'ñenana ora allohuen ñoñets ñeñt̃ atet̃ anaret̃ yocop ñeñt̃ey judioneshapay ñeñt̃cha' atet̃ ye'pa. Añña judionesha' ñeñt̃ yečha'yetsa Damascopa' nanac cohuen enteñet Ananías. Ñañapa' huapa neshopa' allenta ponmosnapa' otosen: “Te'pa' masheñe Saule pecuerrepa'ch.” Nañapa' allorocmuepa'tcha' necuerr, allempoñapa' neñch Ananías.
¹⁴ O' alla oterrerr Ananías: “Añ Yompor ñeñt̃ Po'yomporer pe't̃ yatañeshañ, ñaca'yeña pa'cierre'ña pa' ama't

ahuatoteñ añecop o'ch peñotuerrñañ atet muenen ña. O' muenataḗ ñaña o'ch penterrñañ ḗaña Puechemer ñeñt e'ñe pocte' es pets. Ñaña o' muenataḗ o'ch pe'mñotoñ e'ñe ña po'ñoñ ñeñt atet o' otuaḗ. ¹⁵ Te'pa' ñeñtpa' atetcha' peḗa, o'ch ḗa'potoñ Jesús po'ñoñ erracmañen ñeñt atet o' pentua ñaña ñeñt atet o' pe'mua. ¹⁶ Te'pa' añ palltetsa o'ch petanta, e'ñe ḗame'ñeñoḗ Yepartseshar Jesús pa' o'ch ḗapataretterra, attochña e'shohuaretterra ḗo'chñar." Neñtpa' allohua atet oten Ananías.

Atto Pablo pa' eñotatanet ñapa' ña serrpare'tatene' ñeñt ama judioneshayaye

¹⁷ O' alla oterraneterr Pablo:

—Allempoña o' met allponmatpa' o' nohuerrerr arr Jerusaléño. Parrochña allempo nema'yochena Parets pa'paclopa' allña pa' orrtona atet ñerra'm cho es yeçhopo'ten. ¹⁸ Allempoña o' orrtona Yepartsesharpa' atet oten: "Tayecma o'ch ahuerreḗ arroḗ Jerusaléñoḗ, tarro'mar arrpa' amach esesha' pe'mñotaye allempoch ḗa'poḗon neñoñ." ¹⁹ Nañapa' alla notererr: "Partseshacha' ama't atetpa' allohuen acheñenesha'pa' e'ñe eñotuennet atet o' neḗohua. Eñotuennet atto napa' nebe'tose't judionesha' po'prahuo atto nenalle'tache't ñeñt ḗame'ñenaya, ñaña atto nabe'tatanete't cárcelo. ²⁰ Ama't allempo muetset Estebañañ ñeñt ḗa'poḗaye't peñoñpa' napa'cho'ña allempopa' e'ñe pocte' neñch muetsetepa'. Napa' allña necuamḗpsanet pa'shtam ñeñt rrolle'te'. All necuapretpa' napa'cho'ña e'ñe pocte' neñch attepa'ña pet." ²¹ O' alla oterrnerr Yepartseshar:

“Ama't atetpa' te'pa' o'ch ahueḗ o'ch nemñaḗ allaḗar allo'tsa'yen acheñenesha' ñeñt ama judioneshayayeto.”

Allempo solltarnesha' pa'mcha'tareterpa' abe'tatan Pablo o'pono

²² Ñeñta otua Pablopa' añña acheñenesha' ñeñta e'muetpa' o'huañ e'mñochet. O' alla rrannarter-reterr; atet otet:

—¡Semtseñaca'ye! Ama pocteyaye o'ch corra ñeñt atet acheñ arr patsro.

²³ Pa'tsrre'mueñoḗetpa' alla rrannarterreter-rpa', o' gogo'tyeset pa'shtam enoneḗ, allotpa' a'rrotsetyeset ñaña patspa' o' huapore'tyeset enoneḗ. ²⁴ Allempoñapa' añña ñeñt solltarnesha' pa'mcha'tareterpa' o' abe'tatan Pablo o'pono. O'ch ashtet attotcha' a'meta'huan ñeñt atet o' ḗohua. Ñapa' mueneñ o'ch eñoch esocopte' nanac ama'toḗhtenet ñocop. ²⁵ Allempoñapa' o' huanquēt Pablo attoch ashtet. Huanca'huet Pabloñapa' otan capitán ñeñt tets allame'tets:

—Ta', ¿pocte't senteñ o'ch sashte' acheñ ñeñt romanona'tar, ñaña ama señoḗeña' ñeñt atet pena? Ñoñets ñeñt atet anaret Romotpa' ta', ¿pocte'te'?

²⁶ Ñeñta e'm capitánpa' o' ahuo' allo'tsen pa'mcha'tareterpa' atet otos:

—¿Erroḗena't ḗoctape'cheññañ añ acheñer? Añpa' romanona'tarca'ye.

²⁷ Añña ñeñt solltarnesha' pa'mcha'tareterpa' o' huapapa' atet otosan Pablo:

—¿Po'ñoḗa't romanona'tareḗ?

Pabloñapa' o' anaḗ:

—Napa' ñeñtenca'ye.

28 Ñeññña am̄cha'taretpa' alla oterranerr Pablo:
—Napa' o' netsa'ta shonte' quelle attoch
a'punta'net attoch napa' romanona'tar pennet.

Pabloñapa' alla otererr:

—Napa' attoť ne'ñalleta, țarro'mar na nom-
porpa' romanona'tar.

29 Añña solltarnesha' ñeññ autsa ashtayen
Pablopa', allorocmo' alla cheta'yerret a'yenet.
Ñeññ pa'm̄cha'tareterpa' ñapa'cho'ña ċha yoren,
țarro'mar o' ċhapoña pueyoċhro o' huanca'huet
acheñ ñeññ romanona'tar.

*Allempo eños Pablo allo'tsa'yen ñeññ ċhocma
a'pocatyene' ñoñets*

30 Tsapañña puetarenpa' añña am̄cha'taretpa' o'
agotatan cornanesha' ñeññ pa'm̄cha'tareternesha'
pen allohuen judionesha' po'cornaneshar,
ñaña o' agotatan ñeññ ċhocma a'pocatyene'
ñoñets judioneshacop. Allempoña apċhetpa' o'
pueyam̄peret Pablo allo huanquċtpa' o' anmet
allo'tsa'yen am̄cha'taretnesha'. O' ċhapachetpa'
o' tomatoset e'ñe allame'tets. Añña am̄cha'tareť
romanonesha'pa' mueneñ o'ch eñoch e'ñe po'ñoch
esocopte' otteñe'cheñ judionesha'.

23

1 Pabloñapa' o' cohua'yesan allohuen ñeññ
ċhocma a'pocatyene' ñoñets. Allempoñapa' atet
otanet:

—Masheñneshacha', napa' ċhocma nocrrena co-
huen Yomporecop, ama't ahuaťoteñ ama't ñaña
ťeme'ttsen. Yomporpa' entennante' e'ñe cohuen
neyoċher.

² Añña cornesha' Ananías ñeñtara ñeñt nanac amcha'taretpa' atet otan ñeñt tets e'ñe allame'tets Pablesho, atet otanet:

—Chosañaca'ye asnama'te'.

³ Allempoña Pablopa' otan amcha'taret, atet och:

—Yomporpa' tsa'tatuerrpepa'ch, tarro'mar ama't porrtenañ e'ñe cohuenpa' peyoçhropa' ama masosyape. Ñaña ñeñto'marña anaretep̄ pa arr attoch papa' peñotaten ñato' çhate' nepena ñeñt ama pocteyaye ñeñt atet oteneý ñoñets ñeñt atet anaret. Tarraña pañapa' o' atta pasnama'taten. Tarraña ñeñtpa' ama pocteyaye ñeñt atet oteneý ñoñets ñeñt atet anaret.

⁴ Añña ñeñt tomcha'tets allame'tetspa' o' che'ptare'chet Pablopa' atet ochet:

—Papa' atarro't cohuen penteñña o'ch pesochatse'ch cornesha' ñeñt nanac amcha'taret ñeñt nen Yompor.

⁵ Pabloñapa' anapanetpa' atet otanet:

—Napa' ama masheñneshacha' neñoteñe añmapa' ñeñtfe' cornesha' ñeñt nanac amcha'taret. Ñerra'm neñoteñeñpa' amach nochñe atet, tarro'mar anaret Yompor po'ñoño atet: “Ama asochatse'tpahuo achen ñeñt amcha'tarettetsa socop.”

⁶ Allempoñapa' o' cotape'ch Pablo. Añña ñeñt çhocma a'poctatyene' ñoñets patantarrñapa' saduceonesha', po'potantañña' fariseonesha'. Allempoña Pablopa' o' eñoch atetpa' allempoñapa' o' eños huomencpa', atet otanet:

—Masheñneshacha', napa'cho'ña fariseoneshan. Natañneshañpa'cho'ña fariseoneshet.

Ñeñto'marña te'pa' otteñe'chennet tarro'mar napa' name'ñena atto ñerra'm yerroma, Yomporpa' tantaterreycha' esempohuañen.

7 Ñeña otua Pablopa' allempoñapa' ama patrraye' cotape'cheto ñeñt actape'chatañnesha'. Añña ñeñt fariseonesha' ñetpa'cho'ña cotape'chet paterr, po'potantañña ñeñt saduceonesha'pa', ñetpa'cho'ña o' cotape'chet po'poñ. Amaña patrraye' cotape'cheto.

8 Ama patrraye' cotape'cheto tarro'mar saduceonesha' ñetpa' cotape'chenet ñerra'm yerromapa' amach yetanterro. Ñaña ñetpa' otenet ama eñalle Yompor po'mllañoñeñer ñeñt huetsa entoť, ñaña ñetpa' otenet ama eñalle yecamquëñ. Tarraña fariseonesha' ñetpa' cotape'cheñet po'ñoçh ñerra'm yerromapa' yetanterrach. Ñaña ñetpa' otenet po'ñoçh eñall Yompor po'mllañoñeñer ñeñt huetsa entoť, ñaña po'ñoçh eñall yecamquëñ.

9 Allempoñapa' ñetañeño' nanac ama'tochtet. Atteñapa' puesheña'tets fariseonesha' ñeñt nanac etsotene' ñoñets ñeñt atet anaret o' tomosetpa' eñososet Pablocop, atet otet:

—Añ acheñer yapa' ama yenteññañe erra'tsente'ña po'chñar. Po'ñoçhpa' ñato' orrtoña Yompor po'mllañoñeñer ñeñt huetsa entoť amapa' ñato' es ñeñt camquëñets ñato' ñeñt orrtenoya. Ñeñto'marña yapa' amachña cha yepatare'tatsche Yompor ñerra'm ñafe' atet muenatene'.

10 Allempo nanac ama'tochtenetpa' añña soll-tarnesha' pa'mcha'tareterpa' o' cotape'ch, atet ot:

—Ñato' o'ch rraquët Pablo.

Ñeñño'mar o' chore'tan po'poñ solltarnesha' o'ch huapuet o'ch chetereta' Pablo allotpa' o'ch aneret pocollo all shontena solltarnesha'.

¹¹ Tsapaña tsapopa' o' alla orrteññañerr Pablo Yepartseshar, atet otos:

—Amach pelcatsto, tarro'mar Romopa'cho'ña all palltena o'ch pa'poton neñoñ atet o' pa'potuon arr Jerusaléño.

Allempo judionesha'pa' atarr o'pachet Pablo o'ch muetset

¹² Tsapaña puetarenpa' añña judionesha'pa' atarr o'pachet Pablo ahuo'ch muetset. Ñetpa' o' a'pochtachet, atet otet:

—Yapa' amach yerrerroña' ñerra'm amach o' yemtso Pablo ñaña amach es yorrerro. Atteña ñerra'm amach attetopa' ama'tpa' esepa' yetantoya.

¹³ Ñeñña o'patenayapa' ñato' metente' pa'tatsoť charrasheña. ¹⁴ Allempoña o' a'pochtatueta' ahuanmuet ñaña allo'tsa'yen cornanesha' ñeñť pa'mcha'tareťernesha' pen allohuen judionesha' po'cornaneshar ñaña allo'tsa'yen ñeñť pompornesha' penet. O' chapuet allpa' atet otoset:

—Yapa' o' ya'pochtatueta' atet: Yapa' yoten ñerra'm amach o' yemtso Pablopa' amach yerrerro. O' ya'pochtat ñaña atet: Atteña ñerra'm amach attetopa' ama'tpa' esepa' yetantoya.

¹⁵ Alla oterreterr:

—Ñehua, te'pa' o'ch yotas ñeñťcha' atet sepa. O'ch soteña' ñaña ñeñť chocma a'pochtatyene' ñoñets allotpa' e'ñe parrocmapa' o'ch semña ñoñets allo'tsen solltarnesha' pa'mcha'tareťer,

o'ch soch huapachetepa' Pablo sesho attoch o'ch señotoñ este' o' pōhua. Tarraña ama'tcha' atet seshcanetpa' yañapa' allo'tsa'yeneycha' toño attoch yapa' o'ch yerrmaḡ.

¹⁶ Añña Pablo pa'ñachorpa' o' e'mare'ch čha o'pateññañet pa'go'pa' o' ahuo' solltarnesha' pa'paclopa' o' otenana' pa'go' Pablo. ¹⁷ Allo'tña Pablopa' o' chore'tan puesheñarr capitán, atet och:

—Añ huepuesha'pa' o'ch pñanem̃ allo'tsen pñam̃cha'tareter tarro'mar ñapa' atarr mueneñ o'ch es a'metena'.

¹⁸ Capitánñaapa' o'cho'ña anman huepuesha' allo'tsen pa'm̃cha'tareter. Allempoña čhappa' atet otosan pa'm̃cha'tareter:

—Añ Pablo ñeñt̃ ehucaretpa' ahuo't chore'ten allo'tpa' oten ahuo'ch nanem̃ añ huepuesha' pesho tarro'mar ñapa' nanac mueneñ o'ch es a'metena' pesho.

¹⁹ Añña am̃cha'taretpa' o' echa'nman huepuesha' pototpa' o' anem̃ a'yenetpa' atet otos:

—Ñehua, o'ch p̃oten este' pemnen o'ch p̃oten.

²⁰ Huepuesha'ñapa' atet och:

—Añña judionesha'pa' o' a'pochtachet attoch o'ch enamapet o'ch pemñe Pablo tsapaḡ allo'tsa'yen ñeñt̃ chocma a'pochtatyene' ñoñets. Ñaña o'ch otapet añecpo'ch pemñe atto'ch eñochet e'ñe po'ñočh este' o' pōhua. ²¹ Tarraña amach pame'ñatstaneto errotēncha' otospet tarro'mar metente' pa'tatsot čharrasheña judionesha' ñeñt̃cha' camroya toño ñeñt̃cha' rromapue' go'. Ñetpa' o' a'pochtachet amach rrerreto ñaña amach

es orreto ñerra'm amo'ch muetseto go'. Ñaña o' a'pochtachet ñerra'm amo'ch attetopa' ama'tpa' esepa'to' tantahuet. Te'pa' aña palltetsa ñeñcha' atet potanet.

²² Amicha'tareñapa' atet otan hupuesha':

—Tarraña amach esesha' potatsto papa' o' potuenna'.

Ñeña otuepa' allempoñapa' o' mueñer.

Allempo chapachet Pablo allo'tsen gobernador

Félix

²³⁻²⁴ Allempoña amicha'taretpa' agotatan epsheña po'captáner. Allempoña o' chapueta' atet otapanet:

—Cherra'ch a las nueve tsappa' o'ch secamrat doscientos solltarnesha' ñaña setenta ñeñ montenaya cahuall, allo'tpa' ñaña doscientos ñeñ orrene' muetsamets alloch quellaret. Allo'tpa' o'ch sanem paterr cahuall amapa' epa alloch monta'nma Pablo. Allo'tñapa' o'ch sahanma Cesareo attoch sechapach cohuen Pablo allo'tsen gobernador Félix.

²⁵ Allo'tpa' quellcan ñaña carta ñeñtpa' atet ot: ²⁶ “Gobernador Félix ñeñteñ nanac cohuenep amicha'tareñ, na Claudio Lisiaspa' o'ch nehuomicha'tañ añ necartot. ²⁷ Añ yacmapa' ahuo't rromue' judionesha' o'ch muetsetañpa' nañapa' o' neñoñ ñapa' romanona'tar. Nañapa' nehuapa epan nesolltarnesharpa' o' na'rroyatatos. ²⁸ Napa' nemneñ o'ch neñoñ esocopte' nanac otteñe'cheñet, ñeñto'marña napa' o' nanemñ allo'tsa'yen ñeññ chocma a'pochtatyene' ñoñets ñeññ atet yechenet ñet. ²⁹ Tarraña napa'

neñotoñ ñeñtecop otteñe'cheñet, tarro'mar ñetpa' otenet ama atteye' peno atet anarefet ñocpuet. Ñeñtecpaña otteñe'cheñet tarraña ama añecpayaye attoch o'ch yemtsach amapa' o'ch yeyottam̄psach. ³⁰ Allempoña napa' o' ne'mare'ch judionesha'pa' cha o'pateña o'ch muetset. Ñeñto'mar te'pa' o'ch nemñe pesho tayecma. Ñaña o' notueña ñeñt otteñe'chene' arrpa', te'pa' a'meteñetepa' pesho esocopte' otteñe'cheñet. Te'pa' ñeñfach notap̄." Allohua huañ po'carta.

³¹ Allempo atet otanet pa'm̄cha'tareterpa' añña solltarnesha'pa' e'ñe a'nahua anmet Pablo tsapocma. Alloñapa' o' chapuet all anetso pa'so'cheñ Antípatris. ³² Tsapañña añña solltarnesha' ñeñt chope'chets pa'tcopa' alloña puerra'cherret Antípatrisoñ. Alloñpa' añña anmue'ña Pablo Cesareohua ñeñt montetsa cahuallo. ³³ Allempoña chapuet Cesareopa' o' aposet gobernador carta. Ñaña o' chapachet Pablo e'ñe ñesho. ³⁴ Allempoña gobernadorpa' o' lleya'huan cartapa' a'p̄to'tan Pablo:

—¿Erra'tsena'tña anetsrot̄ pehuapa?

Ñañaapa' atet och:

—Arrot̄ nehuapa Cilicioñ.

Allempoña gobernadorpa' o' eñoch alloñ huapa ³⁵ allempoñapa' otan Pablo:

—Te'pa' allach ya'pocachña' ato't hua'cha'ta' ñeñt̄ potteñe'chene'.

Allempoñapa' o' mueñan po'solltarneshar co-huam̄pssetepa' Pablo allara añcha'tareñ Herodes po'palaciopahuo.

24

*Allempo judionesha'pa' otteñe'choset Pablo
allo'tsen am̃cha'taret Félix*

¹ Pa'mnarmatñoñapa' huapa ñeñt pa'm̃cha'tareter pen allohuen judionesha' po'cornaneshar, ñeñtpa' añ pa'so'cheñ Ananías. O' huapa ñaña allponsheña ñeñt pompornesha' penet. Allotpa' huapa ñaña puesheñarr ñeñt pa'so'cheñ Tértulo ñeñtpa' ñeñtcha' eñosapretahuet. Allempoña huapuetpa' o' ahuanmuet allo'tsen gobernador attoch otteñe'choset Pablo.

² Allempoñapa' huapachet ñaña Pablopa' o' chore'chet ñanom Tértulo attoch eños ñanom. Ñaña' añeçpa eños attoch otteñe'chet Pablo. Ñanompa' o' eños e'ñe cohuen gobernadorocop ñeñt Félix, atet ot:

³ —Pa gobernadoro, nanac cohuen yenteneþ tarro'mar e'ñe þotot yocrrena e'ne cohuen ama eñalle attoch yeçllaranna'ta. Ñaña þapa' o' þa'pocatonay e'ñe cohuen ñeñt yepalltena arr yenyo. Ñeñto'mar ya te'pa' yemneñ o'ch yeparasyoso't þocop attoch çhocma peyenpueney cohuen.

⁴ Te'pa' attoch amach alla nellapso eñosetspa' napa' nemneñ e'ñe pemorrenteñoþpa' o'ch pe'mñnoten mame' ñeñtcha' notap. ⁵ Yapa' yeñoteñ añ yacmapa' nanac atsrre'moçhtena, nanac moññe'tatyenana ora allohuen judionesha' atto te'pa' ama patrraye' cotape'cheneto. Ñaña añmapa' ñeñt pompor pen allohuen ñeñt cotene' pocapña ñeñt huapatsa Nazaretot.

⁶ Elloña te'pa' mueneñeñ o'ch a'sosyatuanen ñaña Parets pa'paquell, tarraña yañapa' o' yerrmue'. Ñaña

yapa' yemneñeñ o'ch ya'pochtacheñ atet anaret yocoppa' ⁷ tarraña o' huapa amcha'taret Lisias epuet po'solltarnesharpa' e'ñe po'huamencocma o'puerratañpenyeta'. ⁸Alotñapa' atet otey ñeñtey otteñe'chene' yehuapuepa'to' pesho. Te'pa' p̄achña a'p̄to'tare'te' attoch peñoch p̄aña ora allohuen attot yotteñe'cheñ. Añpa' allohua atet eños Tértulo ñeñt eñosapretahuet.

⁹Judionesha'pa'cho'ña atet otet:

—Po'ñoçhca'ye atet.

¹⁰Allempoña gobernadorpa' o' yochan Pablo attoch eños ñaña. Allempoña Pablopá' atet ot:

—Napa' e'ñe nocsheñesha' o'ch neños pesho e'ñe nocop, tarro'mar napa' neñotenep̄ o' shonte'char atto p̄a'm̄cha'tarettena arr yenyo. ¹¹E'ñe taya o' met çharramat puechena epomuet atto o' nema'yochuena' Parets pa'paclo all Jerusaléño. Ama't esesha' p̄a'p̄to'tpa' atetcha' otapet. ¹²Tarraña allempo ñetpa' ama entneto o' esesha' notnare't, ñaña ama na'tsrre'moçhtana'che acheñenesha'.

Ñaña ama na'tsrre'moçhto ama't Parets pa'paclo, ama't ñaña judionesha' po'prahuo, ñaña ama't all chopeñe'chyen acheñenesha'. ¹³Ñeñto'marña te'pa' amate' erroten eñotatapeto añmapa' ñeñt e'ñe po'ñoçh attota otteñe'chennet.

¹⁴Napa' te'pa' añach na'meta' pesho, napa' name'ñena ñeñt e'ñe alloch yequeshperra. Po'ñoçh napa' añ name'ñena ñeñtara Yompor ñeñt Po'yomporer pe't yatañneshañ. Ñaña añ name'ñena ora allohuen ñoñets ñeñt atet anaret judioneshacop. Ñaña añ name'ñena ñeñt atet quellquét ahuať

ñeñt̃ a'm̃taye't̃ Yompor po'ñoñ. ¹⁵ Ñaña napa' añ name'ñena ñeñt̃ attoch esempohuañen Yomporpa' tantaterrancha' allohuen acheñ —ñeñt̃ e'ñe cohuen acheñ ñaña ama't̃ ñeñt̃ ama cohuenayaye acheñ. Ñetpa'cho'ña ñeñt̃ara ame'ñenet. ¹⁶ Ñeñto'marña napa' chocma nema'yoçhrena attoch Yomporpa' enten e'ñe cohuen, ñaña attoch acheñenesha'pa'cho'ña o'ch entennet e'ñe cohuen ñamet.

¹⁷ 'Napa' shonte' char chocma nechopeñen errap̃aren anetso'mar. Te'pa' o' taya nohuerra arr attoch napa'yesuer namo'tsesha' quelle ñeñt̃ huocchañneshaçhno. Añ quellepa' ñeñt̃ara apa'yeseñ ñeñt̃ ame'ñenaya Yompor. Napa'cho'ña eñalleñ ñeñt̃cha' nepomañ Yomporecop. ¹⁸ O' taya çhapmochañ allemPOCH o'ch na'cohuentatuañ Yomporecoppa' judionesha'ñapa' o' entnet all Parets pa'paclo. Tarraña allemPoppa' ama tama shonteyaye acheñ ñeñto'mar ama tama esesha' ama'toçhtetso. ¹⁹ Tarraña e'ñe allemPoppa' o' chaçha't̃ ñaña judionesha' ñeñt̃ huaçhetsa Asioť. Ta', te'ñapa' eso'marte'ña ama ñetaye'ña huapatseto arr attoch ñerra'm po'ñoç mueneñet o'ch otteñe'chnet na. ²⁰ Tarraña te'pa' ama huapueto ñetpa' ñehua, te'pa' otetepa' ñeñt̃ huaçha'tatsa te'. A'metetepa' ñerra'm po'ñoçhte' este' nepanta' allemPO natomos allo'tsa'yen ñeñt̃ chocma a'pocatyene' ñoñets. ²¹ AllemPoppa' aña neños paterr huomenc atto notanet. Añecop napa' otteñe'chennet tarro'mar napa' name'ñena atto ñerra'm yerromapa' yetanerrach esempo. Ñehua, ñato' ñeñt̃ecpate' otteñe'chennetña te'.

²² Ñeñña otua Pablopa' añña Félixpa' ama mueno o'ch alla serrpare'terreterr, tarro'mar ñapa' o' eñotmoch atet ame'ñena ñeññ cotene' Cristo. Ñeñto'marña atet otanet:

—Ñehua, te'pa' ñeññach yot. Esemepochña huapa ñaña añcha'taret Lisiaspa' allempochña ya'pocstat ñoñets.

²³ Allempoña atet oterran po'captáner:

—Te'pa' allach secuanpererr Pablo. Amach tama sa'montsatsche. Ñaña chocmach semnach ñeññ yemtenaya o'ch es aþ ñeññ palltena.

²⁴ Allponmaterrerrpa' o' huerra Félix Cesareo epuet puetapor ñeññ pa'so'cheñ Drusila, ñeññpa' judionesha'. O'ña cherr Félix o' agotatuenan Pablo tarro'mar ñetpa' mueneñet o'ch serrpare'tatanet ñamet Pablo erro'tente' ame'ñenana Jesucristo.

²⁵ Allempoña chap Pablopa' o' serrpare'tatanet cohuen ñeññ atet yepena ya ñeññey ame'ñetsa. Ñaña atet otanet añcha' yema'yoçhra attoch e'ñe pocte' es yeþa'yen, ñaña amach yeþatsto ñeññ ama cohuenayaye tarro'mar Yomporpa' tsa'tatuerryach allempoch acerrran allohuen acheñenesha'. Ñeñña otua Pablopa' añña Félixpa' cha yoren. Allempopa' alla oter:

—Te'pa' orrerreþ, esepochña e'ñe pocta'huerrnanerrpa' o'ch alla neçhore'taterrperr.

²⁶ Félixña' atta cohuenan Pablo ñato' o'ch aþ quelle añecop attoch a'rroyer. Ñeñto'mar erro'tenopa' o'chcho'ña agotach attoch serrpare'tet epuet. ²⁷ Atteñapa' o' met epa charpa' o' camyerra gobernador, huapa po'psheñeñ

am̃cha'taret añ pa'so'cheñ Porcio Festo. Ñaña'pa' nanac mueneñ o'ch coshatan judionesha' ñeñño'marña ama a'rroyerrano Pablo, atet ot:
—Allepa' preso.

25

Allempo čhapachet Pablo allo'tsen am̃cha'taret Festo

¹ Allempoña am̃cha'taretta Festo all Cesareopa' poma'pamtañoña' o' ahuo' Jerusaléño. ² O' čhap Jerusaléño'pa' añña cornanesha' ñeññ nanac am̃cha'taretnesha' ñaña epuet ñeññ nanac sherbets judioneshacoppa', o' serrpare'tatapet Festo atto otteñe'cheñet Pablo. ³ Ñetpa' atet ochet Festo agotatanepa'to' Pablo attoch huapa Jerusaléño, tarro'mar ñetpa' ahuañacma a'pocatauet o'ch cohuet Pablo toño attoch muetsapueret all. ⁴ Festoña'pa' atet otanet:

—Pablo' allo'tsena all yottam̃peñet Cesareo. Napa' o' nesecherra o'ch ahuerren Cesareo. Ñato' e'ñech na'llponmatena o'ch ahuerren. ⁵ Te'pa' ñeññ nanac am̃cha'tarettetsa socoppa' cota'nerrnetepa' allochña'pa' otteñe'cheñetepa' Pablo all, ñerra'm po'ñočhte' eñall alloch otteñe'chet.

⁶ Festoña'pa' alla a'pa Jerusaléño allponmat. Ñato' po'psocmatño amapa' po'čharramatño'pa' o' ahuerren Cesareo. Cherr Cesareopa' tsapaña e'ñe ahua'ecmapa' o' anorros allecma a'pocatenet ñoñets. Alloña' agotatan Pablo. ⁷ Allempoña huapachet Pablo'pa', añña judionesha' ñeññ hua'cha'tatsa allpa' čha arrotam̃pesyet.

Allempoñapa' otteñe'choset. Shonte' esocmañen nanac sosey toma'tam̄pesyesoset Pablo, țarraña ama errotenoť eñotacheto am̄cha'tareť Festo attoch otoset e'ñe po'ñočh. ⁸Pabloñapa' o' eños ñaña ñocop atet ot:

—Napa' ama čho nachm̄are'teno ñoñets ñeñť atet anaret judioneshacop. Ñaña napa' ama čho na'sosyateññañe Parets pa'paquell. Ñaña napa' ama čho natpare'teno ñoñets ñeñť nen am̄cha'tareť Romoť.

⁹Tarraña Festopa' nanac mueneñ o'ch coshatan judionesha', ñeñťo'marña otan Pablo:

—¿Pocte't penteñ o'ch ahuep̄ Jerusaléño allña' allcha' nentonap̄ atto po'ñočhte' alloch otteñe'chapet?

¹⁰⁻¹¹ Pabloñapa' alla anapuererr, atet ot:

—Napa' añña pocte' nenten o'ch a'poc̄taton am̄cha'tareť ñoñets ñeñť romo'marnesha', țarro'mar amate' errotenoť neto Jerusaléño, țarro'mar ama erroť nepeñeña judionesha', ama't papa' peñotueñ. Ñeñťo'mar añña pocte' nenten o'ch a'poc̄taton am̄cha'tareť ñoñets ñeñť romo'marnesha'. Te'pa' arro'tsenen pesho ñeñtep̄ eñets epaḡ am̄cha'tareť romo'marnesha' ñeñť pocte' nenten na, ñach a'poc̄tate'ña ñoñets nocop. Tarraña ñerra'm po'ñočhte' añ o' neḡohua ñeñť ama poc̄teyaye amapa' atet ñerra'm alloch muetsanet ñeñťpa' e'ñe pocte' muetsanetepa'. Tarro'mar ama nemno o'ch na'qushḡata nañeña. Tarraña ñerra'm e'ñe attotapa' ama poc̄teyaye o'ch pepomuen judioneshesho. Ñeñťo'mar napa'

nemneñ o'ch a'pocaton am̃cha'taret ñoñets ñeñt romo'marnesha' e'ñe ñapueñ.

¹² Allempoña Festopa' o' serrpare'tet epuet ñeñt parro cotape'chatannenet. Allempoñapa' atet otan Pablo:

—Te'pa' nanac am̃cha'taretesho pesechenapa' ama'tpa' allcha'ca'ye peta.

Atto eños Pablo allempo huapa am̃cha'taret Agripa

¹³ O' allponmaterrerrpa' huapa am̃cha'taret Agripa epuet po'ch Berenice. O' chapuet Cesareo all emo'teñeta' am̃cha'taret Festo.

¹⁴ O' allponmatosetpa' allempoña Festopa' serrpare'tatanet atto otteñe'cheñet Pablo, atet otanet: Arrpa' allo'tsen puesheñarr yacma ñeñt na'nom Félix ahuaña all yottam̃peñet.

¹⁵ Allempoña napa' Jerusaléño'tsenenpa', añña cornanesha' ñeñt pa'm̃cha'tareternesha' pen allohuen judionesha' po'cornanesha;, ñaña po'potantañ ñeñt pompornesha' penet, ñetñapa' o' serrpare'tatnet atto otteñe'cheñet Pablo, ñaña otnet napa' nemtsachepa'to' Pablo. ¹⁶ Nañapa' atet notanet:

“Ñeñt ñoñets anaret Romotpa' ama pocteyaye o'ch yemtsach acheñ ñerra'm ama eñorena' e'ñe ñocop attoch eñotatanet atto otteñe'cheñet.” ¹⁷ Ñeñto'marña allempo huaçha'ta judionesha' nesho, allempoña na tsapatñapa' o' nanorros allecma ya'pocaten ñoñets.

Allempoña napa' o' nagotach Pablo. ¹⁸ Añña ñeñt huaçha'tatsapa' allenta tom̃cha'toset attoch o'ch alla otteñe'chueñeterr Pablo, tarraña amaña añeye' a'meta'yeseto atto ñeñt pocetsa

o'ch yemtsach acheñ. ¹⁹ Aña a'meta'yeset ñeñt e'ñe ñocpueta atet yeçhenet ñet judioneshet. Ñaña aña a'meta'yeset ñeñt poctapña puesheñarr ñeñt pa'so'cheñ Jesús, tarraña ñeñtpa' o' rroma, tarraña Pablopa' cha oten ñeñtpa' o' tanterra.

²⁰ Ñeñto'marña napa' ama tama neñoche attoch na'pocpat ñoñets ñocpuet. Ñeñto'marña atet noch Pablo po'tomña: “¿Pocte'te' penteñ o'ch ahuep Jerusalem allcha' ya'poctatena' ñoñets?”

²¹ Tarraña Pablopa' ama mueno. Ñapa' aña muena' allach arr, allotcha'ña esempopa' entateñetepa'to' añcha'tare't Augusto all Romo. Ñeñto'marña napa' not: “Te'pa' allepa' arrma, esempochña napa' o'ch nemne añcha'tare'tesho Romo.”

²² Allempoña añcha'tare't Agripapa' atet otan Festo:

—Napa' atarr nemneñ o'ch ne'm ñaña errotente' serrpare'ten Pablo.

Allempoña Festopa' atet och:

—Tsapa'tcha'ña pe'mñota'mueñ.

²³ Tsapa'tña' huapa'muena añcha'tare't Agripa epuet ñaña po'ch Berenice. Ñetña' cha cohuenetyesoset. Allempoña' be'toscha'toset allecma serrpare'tatannena añcha'tare'tnesha'. O' be'toscha'tet epuet ñaña solltarnesha' pa'mcha'tare'tnesha' ñaña po'poñe'chno acheñenesha' ñeñt nanac sherbets all anetso. Allempoña Festopa' o' agotatenanerr Pablo.

²⁴ Allempoña huapa Pablopa' Festoña'pa' eñoratsapa' atet ot:

—Añcha'tare'te Agripa, ñaña allohuenes ñeñtes arro'tsa'yenes: Te'pa' o' sentue añ yacma

ñeññ nanac e'moñe'ten allohuen judionesha'. Ñetpa' o' otteñe'chuet e'ñe nesho allempo Jerusaléño'tsenen ñaña arrpa' o' otteñe'chueñeta' allempo necherr ñaña arr. Ama't arrpa' o' che'chame'tueñeta', atet otyeset: "Chosa muetse', tarro'mar añ acheñerpa' ama pocteyaye o'ch alla corra." ²⁵ Tarraña allempoña napa' na'p'to'tare'chpa' ama nentoñeña ñeññ atto pocte' o'ch nemtsach. Ñaña e'ñe ña muenats o'ch entateñeta' amcha'tare't Augusto all Romo ñeñño'marña napa' pocte' nenteñ o'ch nemñe all. ²⁶ Tarraña napa' ama neñoteñe ñeññcha' atet nequellcoñ ya'mcha'tare'ter ñocop tarro'mar ama eñalle erroteno'tcha' yotteñe'cheñ. Ñeñño'marña te'pa' o' nechore'tach arr all seshontena te'.

Allotña Festopa' atet otan amcha'tare't Agripa:

—Te'pa' p'ach ñanom a'p'to'tare'te' attoch napa' o'ch neñoch errotencha' nequellca' carta amcha'tare'tecop. ²⁷ Napa' noctape'cheñ ama pocteyaye o'ch yemñe acheñ ehuanca're't ñerra'm ama eñalle erroteno't o'ch yotteñe'cheñ.

26

¹ Allempoña amcha'tare't Agripapa' atet otan Pablo:

—Ñehua, te'pa' pocte' nenteñ o'ch peños p'aña p'ocop.

Allempoña Pablo e'ñe puehuomcha'teño'tpa' o' echantan pot, allempoñapa' eños ñocop, atet ot:

² —Te'pa' nocshena amcha'tare'te Agripa tarro'mar eñall attotcha' neños pesho nocop, añecop tarro'mar cha otteñe'chenen judionesha'.

³ Napa' nocshena tarro'mar te'pa' o' peñoch p̄aña atet yeychena ya ñeñtey judioneshay. Ñaña o' peñoch attot ama patrraye' yoctape'chyeno. Ñeñto'marña te'pa' o'ch nenamaḡ attoch pe'mñoten cohuen.

Atet atarr cotape'che't Pablo allempo ama ame'ñerra'

⁴ 'Allohuen judionesha'pa' eñotuennet atet nocre't ahuat, ama't allempoteñ ne'ñalleta nenyoy, ñaña ama't allempo cheshenna' allempo yeyche't Jerusaléno epan namo'tsna'tarnesha'. ⁵ Ama't ahuatoteña' eñotuanete't napa' fariseoneshan ñeñtara ñeñt nanac etsotene' cotapñats nanac echarr allo yoctape'chen Partsocop. Ñeñt atet entnete't atet nocre'tpa', atetcha'ñacho' a'meta'netañ. ⁶ Ñeñto'mar te'pa' arro'tsenen attoch sa'ḡto'tare'ten, atto napa' name'ñena ñerra'm yerromapa' Yomporpa' tantaterreycha' esempohuañen. Añmapa' ñeñtara atet otane't ahuat Yompor yatañneshañ. ⁷ Ama't çharrasheña puechena epa ñeñtara ñeñt yatañneshañ yepen ñeñt chemere'tyesahuetpa', ñeñtña po'mrenñetpa' e'ne ame'ña'huenet ñeñt atet o' notuas. Ñeñto'marña ñet te'pa' nanac ma'yoçhrenet Yomporecop —yeto ama't ñaña tsapo. Tarraña ama't atet penetañ allohuen judionesha'pa' te'ñapa' e'moñe'tennet ama't napa' ñeñtara name'ñena atet ame'ñenet ñamet. Attoña ancha'tarete Agripa otteñe'chennetña te'. ⁸ ¿Eso'marte' sapa' soten amach errotenot tantaterrano Yompor arromñañnesha'?

Atto Pablopa' atarr muerochtatane't ñeñt ame'ñenaya Cristo

⁹ 'Napa'cho'ña ahuañmo'chapa' notenapañ ñato' ñeñte' poctetsa o'ch yemuerochtach ñeñt cotene' Jesús poctapña ñeñtara Jesús ñeñt nazareto'marnesha'. ¹⁰ Ñeñto'marña napa' nanac nemuerochtatyese't acheñ Jerusaléño ñeñt ame'ñaye't Jesús poctapña. Shonte' acheñ ñeñt nabe'tate't cárcel, tarro'mar cornanesha' ñeñt pa'micha'tare'ternesha' pen allohuen judionesha' po'cornaneshar, ñetñapa' o' apnet orden ñeñtecop. Ñaña allempo otyese't amicha'tare'ternesha' ahuo'ch muetsachet ñeñt ame'ñenaya Jesús poctapñapa', napa'cho'ña o'chcho' not, pocte'ñacho' muetsetepa'. ¹¹ Chocma nemuerochtatanete't ama't judionesha' po'prahuo'mar, ñaña nanaccha' nemne't o'ch nachmare'tach ñeñt ame'ñatse't. Nanac natsrre'mueño'tpa' noctare'tanete't erracmañen anetso'mar.

Allempo Pablopa' ello serrpare'taterraneterr atto ello cotape'cherran cohuen Yomporecop (Hch. 9.1-19; 22.6-16)

¹² Alla oterraneterr Pablo:

—Atteñapa' o'cho' ahuen ñaña Damasco. Allempopa' napa' nechen orden ñeñt apuen ñeñt pa'micha'tare'ternesha' pen allohuen judionesha' po'cornaneshar. ¹³ Ñaña amicha'tare'te te'pa' o'ch notap ñeñt atet norrtoya allempo. Allempoña o' ye'chapmoch Damasco allempopa' o' chap pocto. Ñeñtña nanac poptetsa ento'tpa' machayo'tepa'tcha' choyo'tam'psapuen ama't

ñeññ epan nesen. Ateñ poptenapa' metanenan
atsne'. ¹⁴ Allempoña yapa' alla yerrmopra'yesa
patso. Allempoña alla yerrmopra'yena patsopa',
nañapa' o' ne'm ñoñets hebreaçho ñeñtpa' atet
oten: "Eso'mare't Saule pemueroçhtatennanña
ñeññ name'ñenaya. Añpa' ðañeña mueroçhtatetsa.
Tarro'mar çha þottena ñerra'mrrate' ashen ñeññ
e'ñe patpare'teñoñ ñañeñachña atserrpatetsa."
Añpa' atet oten ñeññ norrtoya. ¹⁵ Nañapa'
not: "¿Eshape'tña Ayochreshate eñets?"
Ñañapa' alla otnerrerr: "Napa' ñeññen
Jesúsen ñeññara pemueroçhtaten. ¹⁶ Te'pa'
petanterra alla, ñeñño'mar te'pa' o' norrta
pesho attoch o'ch nenap ða, þach torratsa
nocop, ñaña þach a'pote' ñeññ o' pentua te'
ñaña ñeññcha' neñotataþ allempoch norrterrerr
pesho. ¹⁷ Te'pa' o'ch nemñaþ allo'tsa'yen
ñeññ ama judioneshayayeto, tarraña napa'
çhocmach necuañpsaþ ñerra'm esempo o'pataþa
judionesha' ñaña ama't ñeññ ama judioneshayaye.
¹⁸ Tarro'marcha' nemñaþ allo'tsa'yen ñeññ
ama judioneshayayeña' allochñapa' attoch
peserrpare'tatuanet attoch çapanet pueyoçhro,
attoch o'huañcha' chope'chet checmeto. Añcha'ña
o'ch alla chope'cherret puetaro. Ñaña attoch
o'huañcha' ahuamencat þanet oneñeñ, añcha'ña
ahuamencat penahuet Yompor. Allochñapa'
o'ch ame'ña'huerrnet na, allempoñapa'
neþretna'huerranetcha' po'chñar, attoch o'ch
parrocmatuerret e'ñe attecma atet ñerra'm ñeññ o'
na'cohuentatua."

Atto Pablopa' ama atpare'tenano ñeññ atet gateñ

Partsesha' Jesús

¹⁹ Alla oterraneterr Pablo:

—Ñeñto'marña am̄cha'tarete Agripa te' napa' ama natpare'teñe Jesús ñeñtara ñeñt norrtoya entot. ²⁰ Ñanompa' o' neserrpare'tatanet Damasco attoch cotape'cherret ello cohuen Yomporecop. Allochñapa' o'ch pa'yenet ñeñt cohuentetsa Yomporecop, attoch yeñoch po'ñoçh o' cotape'cherret etserra. Attecma neserrpare'tatanet ama't Jerusaléño, ñaña ora erracmañen Judeo'mar, ama't ñaña allo'tsa'yen ñeñt ama judioneshayaye. ²¹ Attoña judionesha'pa' o' rroma'net Parets pa'paclo o'ch muetsanetañ. ²² Tarraña Yomporpa' ahuo't a'natna nanac atto teme'ttsen nocrrena, attoch neserrpare'tach allohuen acheñenesha'— ama't ñeñt ama esoshe'mayaye, ñaña ama't ñeñt am̄cha'tarettesha'. Tarraña ama añeye' neyçhatenaneto ñeñt ama cohuenayaye. Añña attecma neyçhatenanet atet serrpare'tet ama't ñeñt a'mtaye't Yompor po'ñoñ ahuat. Ñeñtpa' ama't Moiséspa' atet ote't ñeñtcha' atet perra esempo. ²³ Ñeñtara serrpare'tatanete't ahuo'ch huapa Cristo añ patsropa' nanaco'ch mueroçhtachet, allotpa' ahuo'ch rroma, tarraña ñapa' tanerrach. Atto'chña tanterra ñanompa' o'ch a'puetarsam̄psanet pueyoçher allohuen judionesha', ñaña ama't po'poñeçhno acheñ.

Allempo Pablopa' atarr mueneñ o'ch ame'ñatana am̄cha'taret Agripa

²⁴ Allempoña atet eñen Pablo ñocoppa', Festoña'pa' atet och e'ñe huomenco:

—Chate' Pablo pemospuena tarro'mar nanac es p̄octape'chenpa' ñato' ñeñfte' o' mospaterreḡ.

²⁵ Pabloñapa' atet och:

—Ama Ayochreshate Festo čhoye' nemospueno. Añña neserrpare'tatenes ñeñt e'ñe po'ñočh.

²⁶ Ama't am̄cha'tareḡ Agripapa' e'ñe eñotueñ atet noten. Ñeñto'marña te'pa' o' neyemcha ña tarro'mar napa' neñoteñ, ñapa' o' entuon ñeñt atet nepena, ñaña tarro'mar ama a'nahua es neḡa'yeno. ²⁷ Am̄cha'tarete Agripa, ḡapa' ḡpame'ñeña't ñeñt a'm̄taye't ahuat Yompor po'ñoñ? Napa' neñoteneḡ ḡapa' ḡpame'ñeña.

²⁸ Allempoña Agripapa' atet otan Pablo:

—Cha't ḡotenapañ tayecmapa' o'ch ḡpame'ñatna Cristo.

²⁹ Pabloñapa' alla otererr: Ama't tayecma amapa' tsapatoneḡpa' napa' atarr nemneñ Yomporpa' o'ch ame'ñaterrḡa, ñaña ama't allohuenes ñeñtes ne'm̄ñotene' te'. Atarr nemneñ o'ch same'ñerra allohuenes atet ñerra'm na, tarraña ama'tcha' atteseñ ñerra'm na, sapa' amuepa'chña ehuancaḡeyayso.

³⁰ Allempoñapa' o' tom̄cha'terret allohuenet —am̄cha'tareḡ Agripa, ñaña gobernador Festo, ñaña Berenice ñaña allohuen ñeñt allo'tsa'yen.

³¹ Allempoña ahuanerretpa' atet otanna'tyeset:

—Añ yacmapa' ama es peno attoch o'ch yemt-sach amapa' attoch yemñe cárcelo.

³² Allempoña am̄cha'tareḡ Agripa otan Festo:

—Amach ña muenetsñe o'ch a'p̄octatenana' ñoñets am̄cha'tareḡesho Romopa' yapa' o'te' ya'rroyereñ e'ñe tayecma.

27

Allempo anmet Pablo Romo

¹ Allempoña o' a'pocatauet o'ch mueñet Pablo anetso Romo allara Italiapa' o' anmet allo'tsen capitán ñeñt pa'so'cheñ Julio, ñeñt po'captaner penet ñeñt emchorrenaya añcha'taret Augusto. Ñaña o' anmet po'poñechno ñeñt ayottam̄psaretechno o' apueñeta' Julio, allñapa' ñach cohuan̄pesnomahuet. ² Allempopa' allo'tsen ñaña Aristarco ñeñt macedonio'marnesha' ñeñt huetsa Tesalónicof. Ñeñtcha' parro yocta'neñ Pablo.* Allempoñapa' o'cho' yebe'toscha't boto ñeñt huetsa anetsof Adramitiot, ñeñtña botepa' o'ch etsotyeshnoma allemeña sohua'puetso'mar ora Asio'mar. Allempoñapa' o'cho' ahuan̄psey boto. ³ Tsapatñapa' arr yetsotosa all oteñet Sidóno. Allña capitán Juliopa' morrentnomana Pablo ñeñto'mar o' muenach o'ch emo'tnoman pamo'tsesha', ñeñt yecha'yetsa all Sidóno, attoch ñetpa' o'ch apapet Pablo ñeñt palltena. ⁴ Allempoña ahuan̄perryerrpa' nanac yorrnotam̄pesnoma. Morrpa' ama muenatyeh o'ch yemet attoch o'ch ahuey e'ñe pacharr all oñenet, ñeñto'marña yepotesam̄pesuanma coñe't pats ñeñt pa'so'cheñ Chipre. Tarro'mar yepotesuanma attoch ñeñt patspa' o'ch a'npan̄psey m̄orr. ⁵ Allempoñapa' arr yoñemuanom allame'tets Cilicio'mar, ñaña allame'tets Panfilio'mar. Allempoñapa' yechap ñaña Miro all yetsotosa, allara ñeñt pa'netser Licia.

* 27:2 Lucas ñeñt quellquë' añ ñoñets ñapa' cota'nman ñaña Pablo.

⁶ Allña capitán Juliopa' entosan po'poñ bote ñeñt huetsa Alejandriot ñeñtcha' tatsa Italo. Ñaña allempopa' otey ahuo'ch ya'ta'cha't all.

⁷ Allempoña o' allponmat ahuañpsey e'ñe acořapa' e'ñe yemuro'chenñoña yemet ñaña Gnidot. Allo'tpa'cho'ña ama muenaterryerro mōrr o'ch ahuaryerr e'ñe pa'charr, ñeñto'marña yepotesam'pesuanerrerr coñe't pats ñeñt pa'so'cheñ Creta attoch ñeñt patspa' o'ch a'npan'psey mōrr. Allña'apa' allpono'mar yoñom allecma etsotenet ñeñt pa'so'cheñ Salmón.

⁸ Yemuro'chenñoña yemetua ñaña allot e'ñe acořa. Atteñapa' ye'chap ñaña all oteñet Cohuen Sohua'puetso. Allo'tpa' e'ñe allame'ttsa anetso Lasea.

⁹ Yemuro'chtame'teño'tpa' o' ya'llponmatnom ñeñto'mar allempopa' o' chen allempo nanac am'cha'no'chtēna o'ch ahuañpsey sapo'mar. Ñaña o' met allempo anare't judioneshacop allempocma ahuantenet pa'chporrña Yomporecop, ñeñto'marña yapa' o' yeñoch o' chen allempo nanac orrnotēna sapo'mar. Ñeñto'marña Pablo'apa' o' yerpatanet, ¹⁰ ate't otanet:

—Masheñeshacha', napa' noctape'chen arepoña es yehuapoya toño allempoch ahuañperryerr. Napa' noctape'cheñ ñato' o'ch yechencatsre'tnoma, ama't ñaña yebotēpa' chach chenca; ama't yapa'cho'ña arepoña cha yechenca.

¹¹ Tarraña capitánña'apa' o' ame'ñenana ate't otanet ñeñt maneja'nene' bote ñaña ñeñt ate't otanet ñeñt pamo'mte' pen bote. Ama ame'ñyeto ate't otanet Pablo. ¹² Ñaña all Sohua'puetso

Cohuenpa', ama tama cohuenayaye o'ch allaya allempo čhen orrnoteñtsopo. Ñaña allohuenetpa' o' e'ñe pocte' entuet o'ch ahuañperryerr allot. Arro'chña yečhap sohua'puetso all oteñet Fenice, tarraña allara anetso Creta. O' sechet Sohua'puetso Feniceo tarro'mar allpa' ama tama orrnoteno. Allña'pa' allach ya'posa tarremphua o'ch metuen orrnoteñtsopo.

Allempo huomenquëshatañpesnomuet sapo'mar

¹³ Allempoñapa' o' huapa ñorr po'pshemñtañot, tarraña ñeñtpa' mamesha ñorraren. Allempoñapa' otyeset:

—Te'pa' pocte' o'ch ahuerryerr.

Allempoñapa' o'cho' cheterret ñeñt rremuene' botepa' o'cho' ahuañperryerr. Alloñapa' e'ñe topña'so'mara yoñmañpes allara anetso Creta.

¹⁴ Tarraña e'ñe o'chtapa' ahuepa'tcha' huapa ñaña ñorr onnañot allente'tsen anets Creta. Allempoñapa' o'cho' yorrnotañpesnoma nanac huomenc.

¹⁵ Botepa' ama eshcaye' to allenet anmañpenyet allempoña ama erroñ yepapa' o' anmañpsey orrno a'yenet.

¹⁶ Orrnoñapa' o' čhapatey po'pshemñtañot allo'tsen coñet rročpe'chañ añ pa'so'cheñ Clauda. O' čhapatey allotemñta'n ama tama hueno ñorr. Allña e'ñe yemueročhenñota yechant noñt ñeñt cheta'nen atarr bote.

¹⁷ Allempoña o' yesha'tua noñtpa' ñetñapa' huancatset atarr bote attoch amach tare'che orrno.

Ñaña ñetpa' añ mecha'tet ñato' botepa' o'ch čhap muelle'sato allo'tsen mueñ ñeñt ama echarroyaye ñeñt otenet Sirte.

Ñeñto'marña o' pueyhuet enot shetamuets ñeñt chope'chatene' bote attoch botepa' amach erreneť to. ¹⁸ Allempoñapa' ahuepa'tcha' yorrnotamĭpes nanac huomenc. Tsapaťñapa' chetanatet cargapa' saprrochet sa'po. ¹⁹ Poma'pamtañoñapa' o' saprrotet ñaña ñeñt allpon echyen bote. ²⁰ Allempopa' allponmat ama orrterro atsne' ama't ñaña rantočno, ama't mamesha. Nanac yorrnotamĭpsa. Atteñapa' yot:

—Te'pa' amach erroteno yequeshperro.

²¹ Ñaña allponmat ama es yerro. Allempoña Pablopa' ĩompa' ot:

—Ñerra'm amach masheñneshacha' satpa'noñe atet notaseñ, amach yonñe Cretot, te'pa' amate' es yeyore'tenayñe ñaña allempopa' amate' yechencatsre'tañe. ²² Tarraña te'pa' o'ch notas, amach sellcatsto tarro'mar yapa' yequeshpach allohueny. Añachña chencatsre'tatsa bote. ²³ Napa' neñoteñ tarro'mar tsapopa' orrtona mellañoñeñ ñeñt huetsa Yomproshot ñeñtara Yompor ñeñt puechemer nepene', ñaña ñeñtara ñocop netorrena. ²⁴ Ñeñt norrtoyapa' atet oten: "Amach Pablo pellcatsto tarro'mar pechapcha' allo'tsen añcha'taret all Romo. E'ñe potpa' Yomporpa' o'ch a'natana allohuen ñeñt epař sechope'chamĭpen boto." ²⁵ Ñeñto'marña notenes amach sellcatsto. Tarro'mar napa' neyemteña Yompor, ñerra'm erroten otenpa' atetcha' pa. ²⁶ Tarraña ama't atetpa' chocmach yepotamĭpsa allempo o'ch yechapmoch patso. Añpa' allohua atet otanet Pablo.

27 Allempoña o' met çharramat puechena pa'tatsmat, atta yetam̄pena sa'po ñeñt̄ otenet Adria. Allempopa'çho'ña yorrnotam̄pesnoma. Allempo çhap rroçh tsapopa' añña ñeñt̄ taruasetsets botopa' atet otet:

—Ñato' o' yeçhapmoch allo'tsen pats.

28 Allempoñapa' o' topaso'tet sa'p. Allempoñapa' ahuo't eñoçhet allo'tsen ma'poch çharra' puechena pechap metro. Allempoñapa' o'çho' ahuaryerr allpononetpa' allpa'çho'ña o'çho' topaso'tuereterr. Allña' otet allo'tsen epoch çharra' puechena cançherr metro. Allempoñapa' añ mecha'tet taye'to' yeto'mam̄psa mapyo. 29 Allempoñapa' o'çho' a'shore'tet puequë'nare'tot pa'tatsm̄aga ñeñt̄cha' rremue' bote. Allempoña a'shore'tuetpa' o' cohuet ato't puetarena'. 30 Añña ñeñt̄ taruasetsets botopa' a'suaterret e'ñe a'nahua noñt̄ tarro'mar ñetpa' añ muenenet o'ch caçhpa'nmueta alla bote. Ama't ahuepa't a'suaterret noñt̄pa' ñetpa' çha ottenet ñerra'mrrate' po'poñ a'shore'tenet ñeñt̄cha' rromue' bote poñe'm̄agoç. 31 Allempoña Pablopa' eñotanet atet coçape'chen ñeñt̄ taruasetsets botopa' atet otan capitán ñaña po'poñeçhno solltarnesha' atet otanet:

—Ñerra'm ama alla a'pueto botopa' sapa' amate' errotenoç sequesherro ama't puesheñarroçesa.

32 Allempoña solltarnesha'pa' o' tsorram̄pset noñt̄ poçhar attoch ahuo' a'yenet. 33 E'ñe puetare-suanetsapa' añña Pablopa' atet otanet allohuenet:

—Te'pa o'ch serra'muen tarro'mar o' çharramat puechena pa'tatsmat sema'yochreñoç po'poñpa'

ama semueno, ama es serreno. ³⁴ Ñeñto'marña o' nota'muenes serra'muen attoch çherr sehua-menc, tarro'mar amach eseshas chencatso, ama't puesheñarrotesa.

³⁵ Ñeña otuanet o' chetan panpa' o' ma'yocha e'ñe alla all shontena acheñenesha'. Allotpa' shotan panpa' o' rre'. ³⁶ Allempoñapa' o' ye'chatanetpa' o' rret ñamet. ³⁷ Ñeñfey boto'tseney allohueneypa' allo'tsen doscientos setenta seis acheñenesha'. ³⁸ Allempoña ocha'huanet puerrarpa' alla saprroteneterr trigopo'r oño attoch o'huañcha' tama eñerrta bote.

Allempo taramñsanet sa'p po'bote

³⁹ Allempoña e'ñe puetaresuenpa' o' entet pats, tarraña ama puentareto ñeñt pats, tarraña allempo o' entet ñaña a'yohuen mueyapo's allña'pa' a'yohuen ñaña pueme'tar. Allempoñapa' cotape'chetpa' otet:

—Ñato' yeçhapcha' all allochña'pa' allcha' yetso-tosa cohuen.

⁴⁰ Allotña'pa' tsorro'tet ñaña ñeñt rromuene' botepa' o' a'ypo'ña'nmet alla sa'po. Allempoñapa' o' pueyamperet allo huanquët ahuaña bote puepopa'p. Allempoñapa' echantet ñaña poñe'magoť shetamuets attoch miorrpa' o'ch matatan bote. Allempoñapa' o'cho' ahuanpsey pueme'taronet.

⁴¹ Allempoñapa' o' çhap bote all epchacra'stena sa'p all nanac epopa' rroçhoñapa' cha muelle'sattena. Chap all botepa' cha açhtosa poñe'magoť, ama erroť yepere. Arroña puequë'nare'toť nanac emo'yarertena sa'p. Po'huamencpa' o' tarampsey yebote.

42 Allempoña solltarnesha'pa' mueneñ o'ch muetsanatuan ñeñt ayottam̄psaret̄ t̄aye'to' ñerra'm patetpa' ahuo'te' yetet. 43 Tarraña capitánpa' nanac mueneñ o'ch a'queshp̄atan Pablo ñeñto'marña ama muenataneto o'ch muetsanachet. Ateť otanet:

—Ñerra'm esesha'te' eñotene' patatsapa' o'ch sepaťa sanom attoch seřchata yom̄ta'n. 44 Alloťña'pa' sam̄a ñeñtes ama eñotenaye patatsapa' ñato' o'ch sanemyes tabla amapa' po'poñečno ñeñt echyen bote, allochña'pa' attoch seřchata sam̄a.

Allempoña'pa' o'cho' pechatuet allohuenet.

28

Allempo chapuet coñe't̄ pats pa'so'cheñ Malta

1 Allempoña o' yequeshp̄a'hua allohueneypa' allempoña'pa' otyet añ coñe't̄ patspa' año' pa'so'cheñ Malta. 2 Añña acheñenesha' ñeñt yečetsa allpa' nanac muerapyet ñeñto'marña a'toronayet tso' allcha' yeshotosa, tarro'mar allempopa' čha huatena o' yesnaťe't. Tarraña e'ñe cohuen agapapuey allohuen acheñenesha'. 3 Pabloña'pa' allenta tsella't̄pechospa' o' a'tamo'ye' tso. Allempoña'pa' machayota čha'nom shecheř e'ñe tsoť. Ahuo't atserr e'man tso'pa' o' čha'nompa', čha ačhan Pablo pototpa' alla a'sope'ch. 4 Acheñenesha' ñeñt yečetsa allpa' eñchet Pablo čha a'sope'cheñ shecheř pototpa' atet otanna'tyaset:

—Añ acheñpa' amtsañte'ca'ye ñeñto'mar te'pa' ama't o' queshp̄a'hua sa'potpa' te'ña Yomporpa' o'ch tsa'tacha.

5 Tarraña Pablopa' pa'shque'cherra shecheññapa' o' shora'nerr tso, amaña erroteye' pe ama't mamesha. 6 Allempoña acheñenesha'pa' atta cohueñet Pablo ñato' machayořach añecmuenta potpa' o'ch taco'ra rromue'. Allempoñapa' o' cohua'huet o'chet ama es atsoto, allempoñapa' o' cotape'cherret po'poñ, atet otet:

—Añpa' po'ñočh Paretste'.

7 Ñeñña ane'tañtetsa allpa' añ pa'so'cheñ Publio. All yečhap yapa' allořpa' allame'ttsa all yečhena Publio, allpa' allo'tsen po'patseñ. Ñapa' o' agapapuey e'ñe cohuen ñeñto'mar allpa' yema'pamuetnom pa'paclo. 8 E'ñe allempopa' añña Publio pomporpa' čha atsna'ten, nanac huoraten ñaña čha chemotse'ten, ama achñeno. Allempoña Pablopa' o' ahuo' o'ch enteña'. Allempoña čhap Pablopa' ñaña'pa' ma'yochamřsosa. Allempoña Pablopa' o' a'řllana'čpa' añña ñeñť atsna'tetspa' allenta correna. 9 Allempoña e'mare'ch allohuen acheñenesha' atet o' řosa Pablopa' huapyesa acheñenesha' ñeñť atsna'tyets. Ñetpa'čo'ña e'ñe a'crratyesuanet Pablo. 10 Ñeñto'marña acheñenesha'pa' shonte' regala'yeyet pa'namen. Ñaña allempo ahuanřperryerr botopa' nonayet allpon ñeñť yepalltena.

11 Allempoña o' met ma'pña arrorrpa' o' alla ahuanřperryerr po'pnañ boto. Ñeñña botepa' ñeñť cohue' o'ch metuen allempo orrnoteñtsopoten. Añ botepa' ñeñť huapatsa ahuaña Alejandriot. Ñaña añ botepa' echenan poñe'magoř acheñma't ñeñť epuesha' ñeñť

toma'ntatenet po'yosret; ñeñt̃pa' añ pa'so'cheñ Cástor; po'psheñeñpa' añ pa'so'cheñ Pólux.
 12 Allempopa' arr yetsoṅnoma all oteñet Siracusa. Allñapa' alla yema'pamuetnom.
 13 Alloṅpa' allampaño'mara yoc̃tatop̃ñe'ch pats, atteñapa' yečhap all oteñet Regio. Allpa'čho' all yetsoṅnoma. Tsapaṅñapa' o' m̃orrarenerr mamesha'tets. Morrpa' arroṅ huena yecha'ñeñta'noṅ. Allempoñapa' o'čho' alla ahuañpenyerr. Alloṅñapa' e'ñe puepomtañocma yečhap all oteñet Puteoli. Allpa' all yetsoṅosa.
 14 Allñapa' yentos ñeñt̃ ame'ñetsa. Ñetpa' a'patapyet all yečhenet, ñeñto'marña yapa' alla yecančherrmatnom ñesheto. Attoṅapa' o'čho' yeya'rrota ñaña Romo. 15 Añña ñeñt̃ ame'ñetsa all Romopa' ahuo't e'mare'tyēt o' yečhap allampaño'pa' allenta't onačha'tet o'ch poctapyet. Puesheña'tetspa' o' čhapuet all oteñet Foro ñeñt̃ara Apio. Po'potantaññapa' alla't čhapyeset rrocho all oteñet Ma'ppahua Pocoll. Allñapa' all pocta'yēt. Allñapa' all entosanet Pablopa' nanac parasyoso'tan Yompor tarro'mar allempopa' nanac coshatapet Pablo. 16 Allempoña o' yečhap Romopa' atet otapet Pablo yečhosepa'to' ellonet, tarraña čhocma net solltar ñeñt̃cha' cohuañpse'.

Allempo Pablopa' serrpare'tatosanet allempo čhap anetso Romo

17 Poma'pamtañoñapa' añña ñeñt̃ am̃cha'tarettetsa judioneshacop allpa' Pabloñapa' agotatanet allohuenet. Allempoña o' e'ñe apča'huetpa' Pabloñapa' atet otanet:

—Masheñeshacha', ama't napa' ama erroť nepeñeña judionesha' ñaña ama ĉho nehua-pore'tateno ñeñť atet yeĉhe't yatañneshañpa' te'ña judionesha'pa' o' atta rroma'net all Jerusaléño, o' pomnet allo'tsen romanonesha'. ¹⁸ Ñetpa' a'pťo'tare'tnet, țarraña amaña entoneto atto alloch muetsatnet, ñeñťo'mar ñetpa' mueneñetañ o'ch a'rroyerrnetañ. ¹⁹ Tarraña judionesha'pa' ama pocteye' eñĉeto o'ch a'rroyerrnet. Ñeñťo'marña napa' nesecha o'ch entatenneta' amĉa'taret arr Romo. Tarraña napa' ama ĉho notteñe'ĉeñe namo'tsna'tar. ²⁰ Ñeñťo'marña te'pa' o' nagotatuas allochñapa' o'ch neserrpare'tatuas ñeñť atet pennet. Ñaña napa' name'ñena atto ñerra'm yerromapa' Yomporpa' o'ch tantaterrey esempohuañen. Ñeñťo'marña te'pa' o' sentuan napa' ehuncareten, țarraña ama't allohuen judionesha'pa' attecma ame'ñenetañ.

²¹ Ñetñapa' atet ochet Pablo:

—Tarraña yapa' ama yaguëna' carta Judeoť ñeñť atet otenet p̄ocop. Ñaña ñeñť ame'ñetsa ama't huapyenet arrpa' ama esesha' erroť otetso p̄ocop ñeñť ama cohuenayaye. ²² Yapa' aña yeñoten po'ñoĉ ĉhocma e'moñe'teñet erracmañen ñeñť cotene' Jesús poctapña. Ñeñťo'marña yapa'ĉo'ña yemneñ te'pa' o'ch ye'mñotañ yaña erroťente' p̄octape'chen p̄a.

²³ Allempoñapa' a'poctachet allempoch huaĉa'tet allo'tsen Pablo allempo'ch serrpare'tatanet. Allempoña o' ĉhap allempoch huaĉa'tetpa' allempopa' shonte' aĉeñ

huačha'tatsa Pableshe. Allempoña Pablopa' e'ñe ellapen serrpare'tatahuet; a'poťanet atet pena Yompor po'cohuenña ñeñt atto ayochreshattena ña. Ñaña lleyatyesanet Moisés po'ñoñ all oten atetcha' pa ñeñtcha' Cristotats. Ñaña lleyatyesanet po'ñoñ ñeñt a'mtaye't ahuať Yompor po'ñoñ all oten ñaña atetcha' pa ñeñtcha' Cristotats. Ñapa' nanac mueneñ o'ch ame'ñatanet atto Jesús'pa' po'ñočh ñeñt Cristotats. ²⁴ E'ñe allempopa' ame'ña'yesyet puesheña'tets, țarraña po'potantañpa' ama es ame'ñatso. ²⁵ Atteñapa' ñañeñeta achm̄are'tanna'tyeset. Allempo ahuanerrmochetpa' allempoña Pablopa' otanet:

—E'ñe po'ñočh atet ote't Isaías ahuať allempo Parets Puecamquẽñoťpa' otan satañneshañ:

²⁶ O'ch soteña' judionesha' añ ñoñets: Ama'tcha' čhocma e'mñnotenetpa' ama't ahuaťapa' amach čhapaneto pueyočhreto. Ñaña ama'tcha' čho es entuetpa' amach čhapaneto pueyočhreto.

²⁷ Alloťpa' o'ch sotenaneta', te'pa' pueyočhretopa' nanac echarrenet attoch amach es čhapaneto pueyočhreto. Te'pa' amach mueneto o'ch es e'mñnotet țaye'to' čhapanet pueyočhreto. Te'pa' amach mueneto o'ch es entet țaye'to' čhapanet pueyočhreto. Attetach amach es cotape'cherreto nocop ama't mamesha attoch na'quesħpaterranet. Añpa' allohua atet ote't Isaías ñeñt a'mtaye't Yompor po'ñoñ ahuať.

²⁸ Allempopa' alla oterranneterr Pablo:

—Te'pa' o'ch neñotatas añ, tayoteñ Yompor po'ñoñpa' o'ch yeserrpare'tach po'poñ acheñ ñeññ ama judioneshayaye. Tarro'mar ñetpa' ñerra'm e'moñet Yompor po'ñoñpa' o'ch ame'ñet. E'ñe pame'ñeñotetpa' qeshperretcha'.

²⁹ Ñeñña otuanet Pablopa' añña judionesha'pa' e'ñe pachmare'tanna'teñotetpa' o' ahuanerret.

³⁰ E'ñe epa char all ye'cha Pablo Romo. Allpon pallta'yese'tpa' e'ñe tsa'tuauye't. Ñaña e'ñe cohuen agapyesane't ñeññ huapyestse't. ³¹ Ñaña e'ñe cohuen serrpare'tatanete't atet pena Yompor po'cohuenña atfo ayochreshattena ña, ñaña ye'chatanete't atet pena Yepartseshar Jesucristo. Tarro'mar allpa' ama esesha' epatare'taye'te. Allohua.

**Yompor Po'ñoñ ñeññ attō Yepartseshar
Jesusristo e'ñe etserra a'poctaterrnay
Yomprosho
New Testament in Yanasha' (PE:ame:Yanasha')**

copyright © 2008 Wycliffe Bible Translators, Inc.

Language: Yanasha'

Translation by: Wycliffe Bible Translators, Inc.

Yanasha'[ame], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Yanasha'

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

fa985bb4-fad0-5968-9ee4-626b89cba24f